

ओं नमः परमात्मने, श्री महागणपतये नमः
श्री गुरुभ्यो नमः ह॒रिः ओं

शान्तिजप मन्त्र पाठः

Contents

1 गणपत्यथर्व-शीर्षोपनिषत्	9
2 वेदादया	16
2.1 रक्षोघ्नं	16
2.2 आप्यम्	19
3 पवमान सूक्तं	20
4 वास्तु मन्त्रः	25
5 वरुण सूक्तं	26
6 ब्रह्म सूक्तं	28
7 विष्णु सूक्तं	29
7.1 विष्णु सूक्तं (Split Chanting)	29
7.2 विष्णु सूक्तं (Combined Chanting)	30
8 रुद्र सूक्तं	32
9 दुर्गा सूक्तं	33
10 श्री सूक्तं	35
11 मेधा सूक्तं	38
12 भू सूक्तं	40
13 भाग्य सूक्तं	42
14 मृत्यु सूक्तं	43
15 मृत संजीविनी सूक्तं (यक्ष्मघ्न सूक्तं)	50
16 आयुष्य सूक्तं	51

17 नवग्रह सूक्तं	53
18 दिक् पालका मन्त्राः.....	59
19 नक्षत्र सूक्तं	62
20 शान्ति पञ्चकं	75
21 रुद्र नमकं.....	78
22 चमकं	93
23 पुरुष सूक्तं	102
24 उत्तर नारायणं	105
25 महा नारायणं.....	106
26 घोष शान्ति	109
27 हिरण्यगर्भ सूक्तं.....	115
28 वेद काण्ड तैत्तिरीय संहिता	117
28.1 प्रथमकाण्डे प्रथमप्रश्नः प्रथमपञ्चातिः	117
28.2 द्वितीयकाण्डे प्रथमप्रश्नः प्रथमपञ्चातिः	117
28.3 तृतीयकाण्डे प्रथमप्रश्नः प्रथम पञ्चातिः	118
28.4 चतुर्थकाण्डे प्रथमप्रश्नः प्रथमपञ्चातिः	118
28.5 पञ्चमकाण्डे प्रथमप्रश्नः प्रथमपञ्चातिः	119
28.6 षष्ठकाण्डे प्रथमप्रश्नः प्रथमपञ्चातिः	119
28.7 सप्तमकाण्डे प्रथमप्रश्नः प्रथमपञ्चातिः	120
28.8 सप्तमकाण्डे पञ्चमप्रश्नः अन्त्यपञ्चातिः	120

28.9 तैत्तिरीय यजुब्राह्मणम् –प्रथमाष्टके प्रथमप्रश्नः प्रथम दशिनि	121
28.10 द्वितीयाष्टके प्रथमप्रश्नः प्रथम दशिनि	121
28.11 तृतीयाष्टके प्रथमप्रश्नः प्रथम दशिनि	122
28.12 तृतीयाष्टके नवमप्रश्नः प्रथम दशिनि	122
28.13 तृतीयाष्टके नवमप्रश्नः अन्त्य दशिनि	123
28.14 काटके प्रथमप्रश्नः प्रथम दशिनि	123
28.15 काटके तृतीयप्रश्नः अन्त्य दशिनि	124
28.16 आरण्यके प्रथमप्रश्नः प्रथम दशिनि	125
28.17 आरण्यके दशमप्रश्नः अन्त्य दशिनि	125
29 ऋचां प्राची	127
30 प्रदक्षिण मन्त्राः	131
31 प्रोक्षण मन्त्राः	133
32 ओषधि सूक्तं	136
33 मन्त्र पुष्पं	139
34 अघमर्षण सूक्तं	143
35 त्रिसुपर्ण मन्त्राः	146
36 जयादि होमः	149
36.1 वसोदर्धारा मन्त्र पाठः	161
36.2 पूर्णाहुतिः	163

37 घन मन्त्राः	164
37.1 मे जीवातुः.....	164
37.2 मयि मेधां मयि प्रजां.....	169
37.3 मारुत मनर्वाणं.....	171
37.4 सा प्रजां.....	172
37.5 यस्य पुत्रः	174
37.6 ये देवा दिवि भागा.....	176
37.7 प्रजामायुर्धनं च	180
37.8 सर्वेभ्यो वै कामेभ्यः	181
37.9 पुष्टिं धत्तः	184
37.10 ता विष्णो पाहि.....	185
37.11 आशिषमेवै तामा शास्ते.....	188
37.12 एवास्मिन्नायुर् दधति.....	189
37.13 शतमानं भवति.....	191
37.14 वै प्रजा.....	193
38 आशीर्वाद मन्त्राः	196
38.1 आरण्यके द्वितीयप्रश्नः प्रथम दशिनि.....	199

38.2 आरण्यके द्वितीयप्रश्नः द्वितीय दशिनि.....	200
38.3 नारायणोपनिषत्.....	201
39 प्रकीर्णाध्यायः.....	204
39.1 ब्राह्मण एक होता ।.....	204
39.2 नमः प्राच्यै	206
40 ऐकमत्य सूक्तं	208

=====

Notes: This Book has been brought to you with the courtesy of some Veda learners who have collaborated to prepare this book.

Please give your feedback, comments and report errors to the e-mail id vedavms@gmail.com. We shall strive to make this book more accurate and error-free.

You may note that there are inherent “paata bedhas” when we compare various sources and books. We have made constant reference to the Taittiriya Sakhaa compiled and commented by Shri. Sayanacharya of 13th Century and Shri Bhatta Bhaskaracharya (period unknown). Their manuscript compilations were later converted into books by great Scholars. One of such sets of “Taittiriya” was printed and published during earlier 1900 A.D. at Govt. Branch Press, Mysore and another set later published under “Anandaashram Series”. These Books were referred to by us as our primary source material for this Book.

This book has not been prepared with any commercial purpose and is purely for studies. All our compilations are available for free download at our website **“www.vedavms.in”**

Conventions used in Letters:

◡ is represented by (gg)

◡ is represented by (gm)

◡ is represented as anunaasikam

(hyphen) _ used between words indicate that the words has parts which need to be rendered together as per your Guru’s teachings. This sign is used in areas to split words which are long or the words has been constructed through Sandhis which result in “different letters” (which joins the original padam of words) and also for ease of reading/rendering. The usages of hyphens slightly vary in Sanskrit, Malayalam and Tamil books based on the usages in theses languages.

Version Note: Shanti Japam 4.0 dated January 31, 2020

1. Version provides Ghana Mantras with their Padams and reference to the SamhitA reference in Section 37.
More presentation improvements have been done.
Version 4.0 takes care of corrections noted upto December 31, 2019

Special Notes: OM given at the beginning of each Suktham is for convention. OM need not be chanted during continuous rendering of Sukthams or Mantras.

Similarly **OM Shanti Shanti ShantiH** given at the end of each Suktham is for convention; during continous chanting it need not be repeated at the end of each Suktham/Mantra. **Kindly follow the conventions taught by your Guru.**

Version Note: Shanti Japam 4.0 dated January 31, 2020 incorporating corrections observed and reported upto December 31,2019.

In this Version, we have included the **source reference** of mantras from classic Vedic texts. The reference codes indicated are

TS - Taittiriya Samhita
TB - Taittiriya Braahamanam
TA - Taittiriya Aranyakam
EAK - Ekaagni Kaandam
RV - Rig Veda Samhita

First level number represents the Kandam/Ashtakam Number,
 Second level PraSna/Prapaataka Number, Third level the Anuvaakam,
 Fourth level the Dasini or Panchati number.

In Ruk Veda it will be Mandala, Sukta and Mantra & Ruk Number.

In Ekaagni Kandam it is Prapaatakam, Kanda and Mantra Number.

A mantra may appear in one or more source Vedic texts. We have indicated one convenient reference for Users. For some mantras no definitive Source reference is available. In some places the references are given together at the beginning of the Mantra/Suktam.

1 गणपत्यथर्व-शीर्षोपनिषत्

ओं भद्रं दधातु ।

ओं । भद्रं कर्णेभिः शृणुयाम देवाः । भद्रं पश्येमाक्षभिर् -यजत्राः ।

स्थिरै-रङ्गै-स्तुष्टुवाꣳ सस्तनूभिः । व्यशेम देवहितं यदायुः ।

स्वस्तिन इन्द्रो वृद्धश्रवाः । स्वस्तिनः पूषा विश्ववेदाः ।

स्वस्ति-नस्ताक्षर्यो अरिष्टनेमिः । स्वस्तिनो बृहस्पतिर् दधातु ॥

ओं शान्तिः शान्तिः शान्तिः ॥

(ओं) अथ गणपत्यथर्वशीर्षं व्याख्यास्यामः ।

ओं नमस्ते गणपतये । त्वमेव प्रत्यक्षं तत्त्वमसि ।

त्वमेव केवलं कर्ताऽसि । त्वमेव केवलं धर्ताऽसि ।

त्वमेव केवलं हर्ताऽसि । त्वमेव सर्वं खल्विदं ब्रह्मासि ।

त्वं साक्षा-दात्माऽसि नित्यं ॥ 1

ऋतं वच्मि । सत्यं वच्मि ॥ 2

अव॑त्त्वं मां॑ । अव॑व॒क्तारं॑ ॥ अव॑ श्रो॒तारं॑ ॥ अव॑दा॒तारं॑ ॥ अव॑धा॒तारं॑ ॥
 अवानू॑चा-नम॑वशिष्यं॑ । अव॑ प॒श्चात्तात्॑ ॥ अव॑ पु॒रस्तात्॑ ॥
 अवो॑त्तरा॒त्तात्॑ ॥ अव॑ दक्षि॒णात्तात्॑ ॥ अव॑ चो॒र्ध्वात्तात्॑ ॥
 अवा॑ध॒रात्तात्॑ ॥ सर्व॑तोमां पाहि॑ पाहि॑ स॒मन्तात्॑ ॥ 3

त्वं वा॑ङ्मयस्त्वं चिन्म॑यः । त्वमा॑नन्द-मयस्त्वं ब्र॒ह्मम॑यः ।
 त्वं सच्चि॑दानन्दा-ऽद्वि॒तीयो॑ऽसि । त्वंप्र॑त्यक्षं ब्र॒ह्मा॑सि ।
 त्वं ज्ञा॑नमयो विज्ञा॑नमयोऽसि ॥ 4

सर्वं॑ जगदिदं त्वत्तो जा॑यते । सर्वं॑ जगदिदं त्वत्तस्तिष्ठ॑ति ।
 सर्वं॑ जगदिदं त्वयि॑ लयमे॒ष्यति॑ । सर्वं॑ जगदिदं त्वयि॑ प्रत्ये॒ति ।
 त्वं भू॑मि-रापो-ऽन॒लो-ऽनि॒लो न॒भः । त्वं च॑त्वारि वा॒क्पदा॑नि ॥ 5

त्वं गु॒णत्र॑यातीतः । त्वं अ॒वस्था॑त्रयातीतः । त्वं दे॒हत्र॑यातीतः ।
 त्वं का॒लत्र॑यातीतः । त्वं मू॒लाधार॑-स्थि॒तोऽसि॑ नित्यं ।
 त्वं शक्ति॑त्रयात्मकः । त्वां यो॑गिनो ध्या॑यन्ति नित्यं ।

त्वं ब्रह्मा त्वँविष्णुस्त्वं-रुद्रस्त्व-मिन्द्रस्त्व-मग्निस्त्वँ-वायुस्त्वं
सूर्यस्त्वं चन्द्रमास्त्वं ब्रह्म भूर्भुवस्स्वरोँ ॥ 6

गणादिँ (गणादिँ) पूर्व-मुच्चार्य वर्णादिँ (वर्णादिँ) तदनन्तरं ।
अनुस्वारः परतरः । अर्धेन्दु-लसितं । तारेण ऋद्धं ।
एतत्तव-मनुस्वरूपं । गकारः पूर्वरूपं । अकारो मद्ध्यम रूपं ।
अनुस्वार श्रान्त्य रूपं ।
बिन्दु रुतर रूपं । नादः सन्धानं । सञ्हिता सन्धिः ।
सैषा गणेश विद्या । गणक ऋषिः । निचृद्गायत्री च्छन्दः ।
(श्री महा) गणपतिर्-देवता । ॥ 7

ओं गं गणपतये नमः ॥

एक दन्ताय विद्महे वक्र तुण्डाय धीमहि ।
तन्नो दन्तिः (दन्ती) प्रचोदयात् (3 times) ॥ 8

एक दन्तं चतुर्हस्तं पाश-मङ्कुश धारिणं ।
रदञ्च वरदं-हस्तैर् बिभ्राणं मूषकध्वजं ।

रक्तं लंबोदरं शूर्पकर्णकं रक्तवाससं ।
 रक्तगन्धा-नुलिप्ताङ्गं रक्तपुष्पैः सुपूजितं ।
 भक्तानुकंपिनं देवं जगत्कारण-मच्युतं ।
 आविर्भूतंच सृष्ट्यादौ प्रकृतैः पुरुषात्परं ।
 एवं ध्यायतियो नित्यं स योगी योगिनां वरः ॥ 9

नमो ब्रातपतये , नमो गणपतये , नमः प्रमथपतये,
 नमस्तेऽस्तु लंबोदराय , एकदन्ताय ,विघ्न(वि)नाशिने ,
 शिवसुताय, श्रीवरदमूर्तये नमः (नमो नमः) ॥ 10

एतदथर्वशीर्षं योऽधीते । स ब्रह्मभूयाय कल्पते ।
 स सर्वं विघ्नैर् -नबाध्यते । स सर्वतः सुखमेधते ।
 स पञ्च महा पापात् प्रमुच्यते ।
 साय-मधीयानो दिवसकृतं पापं नाशयति ।
 प्रातर-धीयानो रात्रिकृतं पापं नाशयति ।
 सायं प्रातः प्रयुञ्जानो पापोऽपापो भवति ।

सर्वत्राधीयानो-ऽपविघ्नो भवति । धर्मार्थ-काम-मोक्षं च विन्दति ।
 इद-मथर्वशीर्ष-मशिष्याय न देयं । यो यदि मोहाद् दास्यति ।
 स पापीयान् भवति । सहस्रावर्तनाद्यं यै काममधीते ।
 तं तमनेन साधयेत् ॥ 11

अनेन गणपति-मभिषिञ्चति । सवाग्मी भवति ।
 चतुर्थ्या मनश्नन् जपति । स विद्यावान् भवति । इत्यथर्वण-वाक्यं ।
 ब्रह्माद्यावरणं विद्यात् । न बिभेति कदाचनेति ॥ 12

यो दूर्वाङ्कुरैर्-यजति । स वैश्रवणोपमो भवति ।
 यो लाजैर्-यजति ।
 स यशोवान् भवति । स मेधावान् भवति ।
 यो मोदक-सहस्रेण यजति ।
 स वाञ्छित-फलमवाप्नोति । यः साज्य समिद्धिर्-यजति ।
 स सर्वं लभते स सर्वं लभते ॥ 13

अष्टौ ब्राह्मणान् सम्यग्ग्राहयित्वा । सूर्यं वर्चस्वी भवति ।
 सूर्यं ग्रहे महानद्यां प्रतिमा सन्निधौ वा जप्त्वा । सिद्धं मन्त्रो भवति ।
 महा विघ्नात् प्रमुच्यते । महा दोषात् प्रमुच्यते ।
 महा प्रत्यवायात् प्रमुच्यते । महा पापात् प्रमुच्यते ।
 स सर्वं विद्भवति स सर्वं विद्भवति ।
 य एवं वेद । इत्युपनिषत् ॥ 14

सहनाववतु । सहनौभुनक्तु । सहवीर्यं करवावहै ।
 तेजस्विना वधीतमस्तुमा विद्विषावहै ॥

ओं शान्तिः शान्तिः शान्तिः॥

ओं भद्रं दधातु । ओं भद्रं कर्णेभिः शृणुयाम देवाः ।
 भद्रं पश्येमाक्षभिर् यजत्राः । स्थिरैरङ्गैरस्तुषुवाꣳ सस्तनूभिः ।
 व्यशेम देवहितं यदायुः । स्वस्तिन इन्द्रो वृद्धश्रवाः ।
 स्वस्तिनः पूषा विश्ववेदाः ।

स्व॒स्ति-न॒स्ताक्ष॑र्यो अरि॑ष्टनेमिः ।

स्व॒स्तिनो॒ बृह॑स्पति॑र् दधातु ॥

ओं शान्तिः॒ शान्तिः॒ शान्तिः॑ ॥

2 वेदादया

ओं । अ॒ग्निमी॑ळे पु॒रोहि॑तं य॒ज्ञस्य॑ दे॒वमृ॑त्विजं । हो॒तारं॑ रत्न॒ धात॑मं ।
इ॒षेत्वो॒र्जेत्वा॑ वा॒यव॑स्स्थो पा॒यव॑स्स्थ दे॒वो व॑स्सविता प्रा॒र्पय॑तु
श्रेष्ठ॑तमाय॒ कर्म॑णे ।

अ॒ग्न आ॑याहि वी॒तये॑ गृ॒णानो॑ ह॒व्यदा॑तये । नि॒होता॑ स॒थ्सि ब॒र्हिषि॑ ।
श॒न्नो दे॒वीर॒भिष्ट॑य॒ आपो॑ भवन्तु पी॒तये॑ । शं यो॒रभि॑ स्रवन्तुनः ॥ 1

2.1 रक्षोघ्नं

(TS 1.2.14.1)

कृ॒णुष्व॑ पा॒जः प्र॑सि॒तिन्न॑ पृ॒थ्वीं या॒हि रा॒जे वा॑म॒वाँ इ॒भे न॑ ।
त्रृ॒ष्वीम॒नु प्र॑सि॒तिं-द्रू॒णानो॑ऽस्ताऽसि॒ विद्ध्य॑ र॒क्षस॑ स्त॒पिष्ठैः॑ ।
तव॑भ्रमा॒स आ॑शु॒या प॑त॒त्यनु॑ स्पृ॒श-धृ॒षता॑ शो॒शुचा॑नः ।
तपू॑ष्य॒ग्ने जु॒ह्वाप॑तं-गा॒नस॑न्दि॒तो वि॑सृ॒ज वि॒ष्व गु॒ल्काः ।
प्र॒तिस्प॑शो वि॒सृज॑-तू॒र्णि त॒मो भ॑वा पा॒युर्वि॑शो अ॒स्या अ॑द॒ब्धः ॥ 2

यो नो॑ दू॒रे अ॒घश॑ँसो॒यो अ॒न्त्य॑ग्ने मा॒किष्टे॑ व्य॒थिरा॑ द॒धर्षी॑त् ।
उ॒द॒ग्नेति॑ष्ठ प्र॒त्या त॑नुष्व॒न्य-मि॒त्राँ ओ॑षता-त्ति॒ग्महे॑ते ।

यो नो अ॒राति॑ꣳ स॒मि॒धान॑ च॒क्रे नी॒चात॑त॒धक्ष्य॑त स॒न्न शु॒ष्कं॑ ।
 ऊ॒र्ध्वो भ॑व॒ प्रति॑वि॒द्ध्य॒-द॒ध्य॒स्मदा॑ वि॒ष्कृ॑णुष्व॒ दैव्या॑न्य॒ग्ने ।
 अ॒व॒स्थि॒रा त॑नु॒हि या॒तु जू॑नां जा॒मि॒मजा॑मिं प्र॒मृ॑णीहि श॒त्रून् ॥ 3

स ते॑ जा॒नाति॑ सु॒मतिं॑ य॒वि॒ष्टय॑ ई॒वते॑ ब्र॒ह्म॒णे गा॒तुमै॑रत् ।
 वि॒श्वा॒न्य॒स्मै सु॒दि॒ना॒नि रा॒यो द्यु॒म्ना॒न्य॒र्यो वि॒दु॒रो अ॒भिद्यौ॑त् ।
 से॒द॒ग्ने अ॑स्तु सु॒भग॑ स्सु॒दानु॑र्-य॒स्त्वा नित्ये॑न ह॒विषा॑य उ॒क्थैः॑ ।
 पि॒प्री॑षति॒स्व आ॒युषि॑ दु॒रो॒णे वि॒श्वे॒द॒स्मै सु॒दि॒ना-सा॑ऽस॒दि॒ष्टिः ।
 अ॒र्चामि॑ ते सु॒मतिं॑ घो॒ष्य॒र्वा॒ख्-स॒न्ते वा॒ वा ता॑ ज॒रता॑ मि॒यंगीः॑ ॥ 4

स्व॒श्वा॒स्त्वा सु॒रथा॑ म॒र्जये॑-मा॒स्मे क्ष॒त्राणि॑ धा॒रये॑र-नु॒द्यून् ।
 इ॒ह॒त्वा भू॑र्या॒चरे॑ दु॒प॒त्मन्-दो॑षा॒व॒स्तर॑ दी॒दि॒वाꣳ स॒मनु॑द्यून् ।
 क्री॒ड॒न्त॒स्त्वा सु॒मन॑-स॒स्स॒पे॒मा॒भि द्यु॒म्ना त॑स्थि॒वाꣳसो॑ ज॒नानां॑ ।
 य॒स्त्वा-स्व॑श्च॒स्सु-हि॒र॒ण्यो अ॒ग्न उप॑याति व॒सु॒मता॑ र॒थेन॑ ।
 तस्य॑ त्रा॒ता-भ॑व॒सि तस्य॑ स॒खा य॒स्त आ॒ति॒थ्य मा॑नु॒षग् जु॑जोषत् ॥ 5

म॒हो॒रु॒जामि॑ ब॒न्धु॒ता व॒चो॒भि॒स्तन्मा॑ पि॒तुर्गो॑त॒माद॑-न्वि॒याय॑ ।
 त्व॒न्नो अ॒स्य व॒चस॑-श्चि॒कि॒द्धि हो॑त॒र्यवि॑ष्ठ सु॒क्रतो॑ द॒मूनाः॑ ।
 अ॒स्व॒प्न ज॒स्तर॑णय॒ स्सु॒शेवा॑ अ॒तन्द्रा॑ सोऽवृ॒का अ॒श्रमि॑ष्ठाः ।
 तेपा॒यवः॑ स॒द्ध्रिय॑ञ्चो नि॒षद्या॑ग्ने त॒वनः॑ पा॒न्त्वमू॑र ।
 ये पा॒यवो॑ मा॒मते॑यंते अ॒ग्ने प॑श्यन्तो अ॒न्धं॒दुरि॑ताद॒ रक्ष॑न् ।
 र॒रक्ष॑तान्त् सु॒क्रतो॑ वि॒श्ववे॑दा दि॒प्सन्त॑ इ॒द्रिप॑वो नाह॒ देभुः॑ ॥ 6

त्वया॑ व॒यꣳ स॒धन्य॑-स्त्वो-ता॒स्तव॑ प्र॒णीत्य॑ श्याम॒ वाजा॑न् ।
 उ॒भा शꣳ सा॑ सू॒दय॑ स॒त्यता॑ते-ऽनु॒ष्टुया॑ कृ॒णु॒ह्य-ह्या॑ण ।
 अ॒या ते॑ अ॒ग्ने स॒मिधा॑ वि॒धेम॑ प्र॒तिस्तो॑मꣳ श॒स्यमा॑नं गृ॒भाय॑ ।
 द॒हाश॑सो र॒क्षसः॑ पा॒ह्यस्मा॑न् द्रु॒हो नि॒दो मि॒त्रम॑हो अ॒वद्या॑त् ।
 र॒क्षो॒हणं॑ वा॒जिन॑मा॒जि घ॑र्मि मि॒त्रं प्र॑थि॒ष्ठ-मु॑प॒यामि॑ श॒र्म ।
 शि॒शानो॑ अ॒ग्निः क्र॑तुभि-स्स॒मिद्ध॑-स्स॒नो दि॒वा स॒रिषः॑ पा॒तुन॑क्तं ॥ 7
 वि॒ज्योति॑षा बृ॒हता॑ भा॒त्यग्नि॑रा॒विर्-वि॒श्वानि॑ कृ॒णुते॑ म॒हित्वा॑ ।
 प्रा॒दे॒वीर्-मा॒या स्स॑ह॒ते-दु॒रेवा॑ शि॒शी॑ते शृ॒ङ्गे र॑क्ष॒से वि॒निक्षे॑ ॥

उ॒त स्वा॒नासो॑ दि॒विष॑न्त्वग्ने॒ स्तिग्मा॑यु॒धा रक्ष॑से ह॒न्त वा उ॑ ।
मदे॑ चिदस्य॒ प्ररु॑जन्ति॒ भामा॑ न॒वरन्ते॑ परि॒बाधो॑ अदे॒वीः ॥ 8

2.2 आप्यम्

(TS 5.7.4.3)

अग्ने॑ यश॒स्विन् यश॑से म॒मर्प॑येन्द्रा॒वती-म॑पचिती मिहा॒वह ।
अयं॑ मूर्ध्ना॒ परमे॑ष्ठी सु॒वर्चा॑-स्समा॒नाना॑-मु॒त्तम॑ श्लो॒को अस्तु॑ ।
भद्रं॑ पश्यन्त॒ उप॑सेदु॒रग्रे॑ तपो॒दीक्षा॑-मृषय॒-स्सुव॑र्विदः ।
ततः॑ क्ष॒त्रं बल॑मोजश्च जा॒तं तद॑स्मै दे॒वा अभि॑सन्न-मन्तु ।
धा॒ता वि॑धा॒ता पर॑मोत स॒न्दृक् प्र॒जाप॑तिः परमे॒ष्ठी वि॒राजा॑ ।
स्तो॒मा-श्च॑न्दा॒सि नि॒विदो॑म आ॒हुरे॒तस्मै॑ रा॒ष्ट्रम॑भि-सन्नमाम ।
अ॒भ्याव॑र्त्तध्व-मु॒पमे॑त सा॒कम॑य॒ शा॒स्ता-ऽधि॑पतिर्वो अस्तु ।
अ॒स्य वि॒ज्ञान॑-मनु॒स॒-र॑भध्वमिमं प॒श्चादनु॑ जी॒वाथ॑ सर्वे ॥

3 पवमान सूक्तं

TS 5.6.1.1

ओं ॥ हिरण्यवर्णाः शुचयः पावका यासुजातः कश्यपो यास्विन्द्रः ।
 अग्निँया गर्भँदधिरे विरूपास्ता न आपश्शꣳ स्योना भवन्तु ॥
 यासाꣳ राजा वरुणो याति मध्ये सत्यानृते अवपश्यन् जनानां ।
 मधुश्चुत-श्शुचयोयाः पावकास्ता न आपश्शꣳ स्योना भवन्तु ॥
 यासां देवादिवि कृण्वन्ति भक्षँया अन्तरिक्षे बहुधा भवन्ति ।
 याः पृथिवीं पयसोन्दन्ति शुक्रास्ता न आपश्शꣳ स्योना भवन्तु ॥
 शिवेन मा चक्षुषा पश्यताप शिशवया तनुवो-पस्पृशत त्वचंमे ।
 सर्वाꣳ अग्नीꣳ रफ्सुषदो हुवे वो मयि वर्चो बलमोजो निधत्त ॥

(Additional chanting for Shanti Japam -TS 5.6.1.2)

यददस्सं प्रयतीरहा वनदता-हते ।
 तस्मादा नद्यो नामस्थतावो नामानि सिन्धवः ।
 यत् प्रेषिता वरुणेन ताश्शीभꣳ समवल्गात ।
 तदाप्नो-दिन्द्रोवो यती-स्तस्मा-दापो अनु स्थन ।
 अपकामꣳ स्यन्दमाना अवीवरत वो हिकं ॥

इन्द्रो॑ व॒श॒शक्ति॑भिर् दे॒वी-स्तस्मा॑-द्वा॒र्णामि॑वो हि॒तं ।
 ए॒को दे॒वो अ॒प्यति॑ष्ठ॒थ्-स्य॑न्द॒माना॑ यथा व॒शं ।
 उ॒दानि॑षुर् -म॒हीरि॑ति तस्मा॑-दु॒दक॑-मु॒च्यते॑ ।
 आपो॑ भ॒द्रा घृ॒तमि॑दाप आ॒सुर॒ग्नी-षोमौ॑ बिभ्र॒त्याप॑ इ॒त्ताः ।
 ती॒व्रो॒रसो॑ मधु॒पृ॒चा-म॒रङ्ग॒म आ॒मा प्रा॒णेन॑ स॒हव॑र्चसा गन् ।
 आ॒दि॒त्य॒श्या-म्यु॒तवा॑ श्रृ॒णो-म्या॒मा घो॑षो गच्छति वाङ्म॑ आ॒सां ।
 मन्ये॑ भे॒जानो॑ अ॒मृत॑स्य तर्हि॒ हिर॑ण्यवर्णा अ॒तृपँ॑ य॒दावः॑ ।
 आपो॑ हि॒ष्ठा म॒यो भुव॑ स्तान ऊ॒र्जे द॑धातन । म॒हे र॒णाय॑ चक्ष॒से ।
 योवः॑ शि॒वत॑मो र॒सस्त॑स्य भाजय ते॒हनः॑ । उ॒शती॑रिव मा॒तरः॑ ।
 तस्मा॑ अ॒रङ्ग॒माम॑वो यस्य क्षयाय॒ जिन्व॑थ । आपो॑ ज॒नय॑था च नः ।
 दि॒वि श्र॑यस्वा॒न्तरि॑क्षे यतस्व पृ॒थि॒व्या सं॑भव ब्र॒ह्मव॑र्चस-म॒सि
 ब्र॒ह्मव॑र्चसाय॒ त्वा ॥ (Additional chanting ends)

TB 1.4.8.1 (for Para No. 1 to 6)

पव॑मान-स्सु॒वर्ज॑नः । पवि॑त्रेण॒ विच॑र्षणिः ।

यः पो॒ता स पु॑नातु मा । पु॒नन्तु॑ मा दे॒वज॑नाः । पु॒नन्तु॑ मन॑ वो॒धिया॑ ।

पु॒नन्तु॑ वि॒श्व आ॒यवः॑ । जा॒तवे॑दः पवि॑त्रवत् । पवि॑त्रेण पु॒नाहि॑ मा ।

शु॒क्रेण॑ दे॒व दी॑द्यत् । अ॒ग्ने कृ॒त्वा-कृ॒तूँ र॑नु ॥ 1

यत्ते॑ पवि॑त्र-म॒र्चिषि॑ । अ॒ग्ने वि॑तत-म॒न्तरा॑ । ब्र॒ह्म ते॑न पु॒नीम॑हे ।

उ॒भाभ्यां॑ दे॒व स॑वितः । पवि॑त्रेण स॒वेन॑ च । इ॒दं ब्र॒ह्म पु॒नीम॑हे ।

वै॒श्वदे॒वी पु॑न॒ती दे॒व्यागा॑त् । य॒स्यै ब॒ह्वी-स्त॑नुवो॒ वीत॑पृ॒ष्ठाः ।

तया॑ म॒दन्त॑-स्स॒धमा॑द्येषु । व॒यं स्या॑म प॒तयो॑र॒यीणां॑ ॥ 2

वै॒श्वान॑रो र॒श्मिभि॑र्मा पु॒नातु॑ । वा॒तः प्रा॒णेने॑ षि॒रो म॑यो भूः ।

द्या॒वापृ॑थि॒वी प॑यसा॒ पयो॑भिः । ऋ॒ताव॑री य॒ज्ञिये॑ मा पु॒नीतां॑ ।

बृ॒हद्भि॑-स्स॒वि त॑स्तृ॒भिः । व॒र्षिष्ठै॑र्-दे॒वम॑न्म॒भिः ।

अ॒ग्ने दक्षैः॑ पु॒नाहि॑मा । येन॑ दे॒वा अ॑पु॒नत॑ । ये ना॒पो दि॒व्यङ्क॑शः ।

तेन॑ दि॒व्येन॑ ब्र॒ह्मणा॑ ॥ 3

इ॒दं ब्र॒ह्म पु॒नीम॑हे । यः पा॒वमा॒नी-र॒द्धये॑ति ।
 ऋषि॑भि-स्संभृ॑त॒ र॒सं ॥ स॒र्वं स॒ पूत॑म॒श्नाति॑ ।
 स्वदि॑तं मा॒तरि॑श्व॒ना । पा॒वमा॒नीर् यो अ॒द्धये॑ति ।
 ऋषि॑भि-स्संभृ॑त॒ र॒सं ॥ तस्मै॑ स॒रस्व॑ती दु॒हे ।
 क्षी॒रं सर्पि॑ र्मधू॒दकं॑ । पा॒वमा॒नी-स्स्व॒स्त्यय॑नीः ॥ 4

सु॒दु॒घाहि॑ प॒यस्व॑तीः । ऋषि॑भि-स्संभृ॑तो र॒सः ।
 ब्रा॒ह्म॒णेष्व॑-मृ॒तं हि॒तं । पा॒वमा॒नीर् दि॑शन्तु नः ।
 इ॒मं लो॒कम॑थो अ॒मुं । का॒मान्थ्-स॑म॒र्द्ध्यन्तु॑ नः ।
 दे॒वीर्दे॒वैः स॒मा भृ॑ताः । पा॒वमा॒नी-स्स्व॒स्त्यय॑नीः ।
 सु॒दु॒घाहि॑ घृ॒तश्चु॑तः । ऋषि॑भि-स्संभृ॑तो र॒सः ॥ 5

ब्रा॒ह्म॒णेष्व॑-मृ॒तं हि॒तं । येन॑ दे॒वाः प॒वित्रे॑ण । आ॒त्मानं॑ पु॒नते॑ सदा ॥
 तेन॑ स॒हस्र॑ धा॒रेण॑ । पा॒वमा॒न्यः पु॑नन्तु मा । प्रा॒जाप॑त्यं प॒वित्रं॑ ।
 श॒तो॒द्याम॑ हिर॒ण्मयं॑ ॥ तेन॑ ब्र॒ह्म वि॒दो व॑यं ।
 पू॒तं ब्र॒ह्म पु॒नीम॑हे । इन्द्र॑-स्सु॒नीती॑ स॒ह मा॑ पु॒नातु॑ ।

सोम॑-स्स्व॒स्त्या वरु॑ण-स्समी॒च्या ॥ य॒मो रा॒जा प्र॒मृ॒णाभिः॑ पु॒नातु॑मा ।
जा॒तवे॑दा मो॒र्जय॑न्त्या पु॒नातु॑ । (ओं) भू॒र्भुव॑स्सुवः॑ ॥ 6

TB 3.5.11.1

तच्छँ॑योरा वृ॒णीम॑हे । गा॒तुं यँ॑ज्ञाय॑ । गा॒तु यँ॑ज्ञप॑तये ।
दैवी॑ स्व॒स्ति-र॑स्तुनः । स्व॒स्तिर्-मा॑नुषेभ्यः ।
ऊ॒र्ध्वं जि॑गातु भेष॒जं । शन्नो॑ अस्तु द्वि॒पदे॑ ॥ शंच॑तुष्यदे ॥
ओं शान्तिः॑ शान्तिः॑ शान्तिः॑ ॥

4 वास्तु मन्त्रः

TS 3.4.10

वा॒स्तो॒ष्प॒ते॒ प्र॒ति॒जा॒नी॒ ह्य॒स्मा॒न्त्स्वा॒वे॒शो॒ अ॒न॒मी॒वो॒ भ॒वानः॑ ।
 य॒त्वे॒ म॒हे॒प्र॒ति॒ त॒न्नो॒ जु॒ष॒स्व॒ श॒न्न॒ ए॒धि॒ द्वि॒प॒दे॒ शं॒च॒तु॒ष्प॒दे॒ ।
 वा॒स्तो॒ष्प॒ते॒ श॒ग्म॒या॒ स॒ꣳस॒दा॒ ते॒ स॒क्षी॒म॒ हि॒र॒ण्व॒या॒ गा॒तु॒म॒त्या॑ ॥
 आ॒ वः॒ क्षे॒म॒ उ॒त॒यो॒गे॒ व॒र॒न्नो॒ यू॒यं॒ पा॒त॒ स्व॒स्ति॒भि॒-स्स॒दा॒ नः॑ ।

APMB (EAK) 2.5.19

वा॒स्तो॒ष्प॒ते॒ प्र॒त॒र॒णो॒ न॒ ए॒धि॒ गो॒भि॒र॒श्चै॒-भि॒रि॒न्दो॑ ।
 अ॒ज॒रा॒ स॒स्ते॒स॒ख्ये॒ स्या॒म॒ पि॒ते॒व॒ पु॒त्रा॒न् प्र॒ति॒नो॒ जु॒ष॒स्व॒ ।
 अ॒मी॒व॒हा॒ वा॒स्तो॒ष्प॒ते॒ वि॒श्वा॒ रू॒पा॒ण्या॒ वि॒श॒न् ॥
 स॒खा॒ सु॒शे॒व॒ ए॒धि॒नः॑ ।
 शि॒वꣳ शि॒वं॑ । भूर्भु॒व॒स्सु॒वो॒ भूर्भु॒व॒स्सु॒वो॒ भूर्भु॒व॒स्सु॒वः॑ ॥

5 वरुण सूक्तं

(TS 1.5.11.3)

उदु॒त्त॒मं॑ वरु॒ण पा॒श॒म॒स्म-द॒वा॒ध॒मं॑ वि॒म॒द्ध्य॒म॒७ श्र॒थाय॑ ।

अ॒था व॒य॒मा॒दि॒त्य व्र॒ते त॒वा॒ना॒ग॒सो अ॒दि॒त॒ये स्या॒म ॥ 1

(TS 1.2.8.1)

अ॒स्त॒भ्ना॒द्ध्य॒-मृ॒ष॒भो अ॒न्त॒रि॒क्ष-म॒मि॒मी॒त-व॒रि॒मा॒णं पृ॒थि॒व्या

आ॒ऽसी॒द॒द्वि॒श्वा भु॒व॒ना॒नि स॒म्रा॒ट् वि॒श्वे॒त्ता॒नि वरु॒णस्य॑ व्र॒ता॒नि ॥ 2

(TS 3.4.11.6)

य॒त्किञ्चे॒दँ वरु॒ण दै॒व्ये ज॒ने॒ऽभि॒द्रो॒हं म॒नु॒ष्या-श्च॒रा॒म॒सि ।

अ॒चि॒त्ती-य॒त्त॒व-ध॒र्मा यु॒यो॒पि॒म-मा॒न॒स्त॒स्मा दे॒न॒सो दे॒व री॒रि॒षः ॥ 3

(TS 3.4.11.6)

कि॒त॒वा॒सो य॒द्रि॒रि॒पु॒र्न दी॒वि य॒द्वा घा स॒त्य-मु॒त॒य॒न्न वि॒द्म ।

स॒र्वा॒ता॒वि॒ष्य शि॒थि॒रे॒व दे॒वा॒था॒ते-स्या॒म वरु॒ण प्रि॒या॒सः ॥ 4

(TS 1.5.11.3)

अ॒व॒ते॒हे॒डो वरु॒ण न॒मो॒भि॒र॒व य॒ज्ञे-भि॒री॒म॒हे ह॒वि॒र्भिः ।

क्ष॒य॒न्न स्म॒भ्य म॒सुर-प्र॒चे॒तो रा॒ज॒न्ने॒ना॒ऽसि शि॒श्र॒थः कृ॒ता॒नि ॥ 5

(T.S. 2.1.11.6)

त॒त्वा॒यामि॑ ब्र॒ह्म॒णा॒ व॒न्द॒मा॒न॒ स्त॒दा॒शा॒स्ते॒ यज॑मा॒नो ह॒वि॒र्भिः॑ ।
अ॒हे॒ड॒मा॒नो व॒रु॒णे॒ह बो॒द्ध्यु॑रु॒श॒ः स॒ मा न॒ आयुः॑ प्र॒मो॑षीः ॥ 6

वरुण गायत्री

जुं॒भ॒का॒य वि॒द्म॒हे पा॒श॒ह॒स्ता॒य धी॑म॒हि । तन्नो॑ व॒रु॒णः प्र॒चो॒द॒यात् ॥
ओं शान्तिः॑ शान्तिः॑ शान्तिः॑ ॥

6 ब्रह्म सूक्तं

(TB 2.8.8.8)

ब्रह्मजज्ञानं प्रथमं पुरस्ताद् विसीमत-स्सुरुचो वेन आवः ।
स बुद्धिनया उपमा अस्य विष्ठाः सतश्च योनि-मसतश्च विवः । 1

पिता-विराजा मृषभो-रयीणा-मन्तरिक्षं विश्वरूप आवि वेश ।
तमर्के-रभ्यर्चन्ति वथ्सं ब्रह्म सन्तं ब्रह्मणा वर्द्धयन्तः । 2

ब्रह्म देवान जनयद् ब्रह्म विश्वमिदं जगत् ।
ब्रह्मणः क्षत्रं निर्मितं ब्रह्म ब्राह्मण आत्मना । 3

अन्तरस्मि-न्निमे लोका अन्तर्विश्वमिदं जगत् ।
ब्रह्मैव भूतानां ज्येष्ठं तेन कोऽर्हति स्पर्द्धितुं । 4

ब्रह्मन् देवा स्त्रयस्त्रिंशद् ब्रह्म-न्निन्द्र प्रजापती ।
ब्रह्मन्. ह विश्वा भूतानि नावीवान्त-स्समाहिता । 5

च॒त॒स्र॒ आ॒शाः॑ प्र॒च॒र॒न्त्वा॒ग्नयः॑ इ॒म॒न्नो॑ य॒ज्ञ॒न्नय॑तु प्र॒जा॒न॒न् ।
घृ॒तं पि॒न्व॒न्न-ज॒रञ् सु॒वी॒रं ब्र॒ह्म॑ स॒मिद् भ॑व॒त्या-हु॑तीनां । 6

(ओं शान्तिः॑ शान्तिः॑ शान्तिः॑ ॥)

7 विष्णु सूक्तं

7.1 विष्णु सूक्तं (Split Chanting)

(TS 1.2.13.3)

वि॒ष्णो॒र्नु॒कं वी॒र्या॑णि प्र॒वो॒चं यः॑ पा॒र्त्थि॒वा॒नि वि॒म॒मे रा॒जाञ् सि॒
यो अ॒स्क॒भा॒य-दु॒त्तर॑ञ् स॒ध॒स्थं वि॒च॒क्र॒मा॒ण-स्त्रे॒धो॒रु-गा॒यः ॥ 1

Optional (TS 1.2.13.3)

वि॒ष्णो-र॒रा॒ट॒म॒सि वि॒ष्णोः॑ पृ॒ष्ठ॒म॒सि वि॒ष्णो-श्न॒प्त्रे॒स्थो वि॒ष्णो-
स्स्यू॒र॒सि वि॒ष्णो ध्रु॒व॒म॒सि वै॒ष्ण॒व॒म॒सि वि॒ष्ण॒वे त्वा ॥ 2

(TB 2.4.6.2)

तद॒स्य प्रि॒य-म॒भि॒पा॒थो अ॒श्यां॑ । न॒रो॒य॒त्र दे॒व॒य॒वो म॑द॒न्ति ।
उ॒रु॒क्र॒म॒स्य स॒हि ब॒न्धु॒रि॒त्था । वि॒ष्णोः॑ प॒दे प॒र॒मे म॑द॒ध्व उ॒त्सः॑ ॥ 3

(TB 2.4.3.4)

प्र॒त॒द्वि॒ष्णु-स्स॒त॒व॒ते वी॒र्या॑य । मृ॒गो॒न भी॒मः कु॒च॒रो गि॒रि॒ष्ठाः ।
य॒स्यो॒रु॒षु त्रि॒षु वि॒क्र॒म॒णेषु॑ । अ॒धि॒क्षि॒य॒न्ति भु॒व॒ना॒नि वि॒श्वा ॥ 4

(TB 2.8.3.2)

प॒रो मा॒त्रया॑ त॒नुवा॑ वृ॒धान । न॒ते म॒ह॒त्वम॑न्-व॒श्नु॑वन्ति ।
 उ॒भेते॑ वि॒द्म र॒जसी॑ पृ॒थि॒व्या वि॒ष्णो-दे॒वत्वं । प॒रम॑स्य वि॒थ्से ॥ 5

(TB 2.4.3.5)

वि॒च॒क्रे मे॑ पृ॒थि॒वी मे॒ष ए॒तां । क्षे॒त्राय॑ वि॒ष्णुर्-म॑नु॒षे द॒श॒स्यन् ।
 ध्रु॒वासो॑ अ॒स्य की॒रयो॑ जना॒सः । उ॒रु॒क्षि॒तिꣳ सु॒जनि॑माचकार ॥ 6
 त्रि॒दे॒वः पृ॒थि॒वी मे॒ष ए॒तां । वि॒च॒क्रे श॑त॒र्च॒सं म॒ह॒त्वा ।
 प्रवि॑ष्णु॒रस्तु॑ त॒व स॒स्त॒वीया॑न् । त्वे॒षꣳ ह्य॒स्य स्थ॑वि॒रस्य॑ नाम ॥ 7

(ओं शान्तिः॑ शान्तिः॑ शान्तिः॑ ॥)

7.2 विष्णु सूक्तं (Combined Chanting)

वि॒ष्णोर्नु॑कं॑ वी॒र्या॑णि प्र॒वोचं॑ यः पा॒र्त्थि॒वानि॑ वि॒ममे॑ रा॒जाꣳसि॑
 यो अ॒स्क॒भाय॑-दु॒त्तरꣳ स॒ध॒स्थं वि॒च॒क्र॒माण-स्त्रे॒धोरु॑-गा॒यः ॥ 1

Optional

वि॒ष्णो-र॒राट॑म॒सि वि॒ष्णोः॑ पृ॒ष्ठम॑सि वि॒ष्णो-श्न॑प्त्रे॒स्थो वि॒ष्णो-
 स्स्यूर॑सि वि॒ष्णो ध्रु॑वम॒सि वै॒ष्णव॑म॒सि वि॒ष्णवे॑ त्वा ॥ 2

तद॑स्य प्रि॒यम॑भि पा॒थो अ॒श्यां॑ न॒रो यत्र॑ दे॒व यवो॑ म॒दन्ति॑ ।
 उ॒रु॒क्र॒मस्य॑ स हि ब॒न्धुरि॑त्था वि॒ष्णोः॑ प॒दे प॒रमे॑ म॒ध्व उ॒त्सः॑ ॥ 3

प्रतद् विष्णुः स्तवते वीर्याय मृगो न भीमः कुचरो गिरिष्ठाः ।
यस्योरुषु त्रिषु विक्रमणे-ष्वधि क्षियन्ति भुवनानि विश्वा । 4

परो मात्रया तनुवा वृधान न ते महित्वमन्वश्नुवन्ति ।
उभे ते विद्म रजसी पृथिव्या विष्णो देव त्वं परमस्य विथ्से । 5

विचक्रमे पृथिवीमेष एतां क्षेत्राय विष्णुर् मनुषे दशस्यन् ।
ध्रुवासो अस्य कीरयो जनास उरुक्षितिः सुजनिमा चकार । 6

त्रिर् देवः पृथिवीमेष एतां विचक्रमे शतर्चं संमहित्वा ।
प्रविष्णुरस्तु तवस स्तवीयान् त्वेष ह्यस्य स्थविरस्य नाम । 7

ओं शान्तिः शान्तिः शान्तिः ॥

8 रुद्र सूक्तं

(TS 4.5.10.4)

परि॑णो रु॒द्रस्य॑ हे॒तिर् वृ॑णक्तु॒ परि॑त्वेषस्य॑ दु॒र्मति॑रघा॒योः ।

अव॑स्थि॒रा म॒घवद्भ्य॑-स्तनु॒ष्व मी॑ढ्व-स्तो॒काय॑ तनयाय॑ मृडय ॥ 1

(TS.4.5.10.3)

स्तु॒हि श्रु॒तं गर्त॑सदं॒ युवा॑नं॒ मृग॑न्नभी॒म-मु॑पह॒लु-मु॒ग्रं ।

मृ॒डाज॑रि॒त्रे रु॒द्रस्त॑वानो॒ अन्य॑न्ते॒ अस्म॑-न्नि॒वप॑न्तु॒ सेनाः॑ ॥ 2

(TS 4.5.10.4)

मी॒ढुष्ट॑म॒ शिव॑तम॒ शिवो॑नः॒ सुम॑ना॒ भव॑ ।

पर॑मे वृ॒क्ष आ॑युध॒ निधा॑य॒ कृत्ति॑ँव॒सान् आ॑चर॒ पिना॑कं॒ बिभ्र॑दाग॒हि ॥ 3

(TA 7.5.7)

अर्.ह॑न् बिभ॒र्षि सा॑य॒कानि॒ धन्व॑ । अर्.ह॑न्निष्कं॒ यज॑तं॒ विश्व॑रूपं ।

अर्.ह॑न्निदं॒ दय॑से॒ विश्व॑ म॒ब्भुवं॑ । नवा॑ ओजी॒यो रु॒द्रत्व॑दस्ति ॥ 4

(अर्.ह॑न् बिभ॒र्षि सा॑य॒कानि॒ धन्वा॑र्.ह॑न्निष्कं॒ यज॑तं॒ विश्व॑रूपं ।

अर्.ह॑न्निदं॒ दय॑से॒ विश्व॑म॒ब्भुवं॑ नवा॑ ओजी॒यो रु॒द्रत्व॑दस्ति ॥)

(TS 1.3.14.1)

त्व॑मग्ने॑ रु॒द्रो अ॒सुरो॑ म॒हो दि॒वस्त्व॑ श॒र्द्धो॑ मा॒रुतं॑ पृ॒क्ष ई॒शिषे॑ ।
 त्वं वा॑तैर॒रुणैर् -या॑सि शं॒गय॑स्त्वं पू॒षा वि॑ध॒तः पा॑सि नु॒त्मना॑ ॥ 5

(TS 1.3.14.1)

आ॒वो रा॒जान॑-म॒ध्वर॑स्य रु॒द्रं हो॑ता॒रं स॒त्य य॒जं रो॑द॒स्योः ।
 अ॒ग्निं पु॒रात॑न-यि॒तो-र॒चि॒ता-द्धि॑र॒ण्य-रू॒पम॑व॒से कृ॑णु॒ध्वं ॥ 6

(ओं शान्तिः॑ शान्तिः॑ शान्तिः॑ ॥)

9 दुर्गा सूक्तं

(TA .6.2.1)

जा॒तवे॑द॒से सु॒नवा॑म॒ सोम॑-म॒राती॑य॒तो नि॒दहा॑ति वे॒दः ।
 स॒नः पर्ष॑द॒ति दु॒र्गाणि॑ वि॒श्वा ना॒वेव॑ सि॒न्धुं दु॒रि॒तात्य॑ग्निः ॥ 1

ता॒मग्नि॑व॒र्णां त॑प॒सा ज्व॑ल॒न्तीं वै॑रो॒चनीं॑ क॒र्मफ॑लेषु जु॒ष्टां ।
 दु॒र्गा दे॒वीं श॑रण॒महं॑ प्र॒पद्ये॑ सु॒तर॑सि तर॒से न॑मः ॥ 2

अ॒ग्ने त्वं पा॑र॒या न॑व्यो अ॒स्मान्ध॑ स्व॒स्तिभि॑रति दु॒र्गाणि॑ वि॒श्वा ।
 पू॒श्च पृ॒थ्वी ब॑हु॒लान॑ उ॒र्वी भ॑वा तो॒काय॑ त॒नया॑य शँ॒योः ॥ 3

वि॒श्वानि॑ नो दु॒र्गहा॑ जा॒तवे॒दः सि॒न्धु॒न्न ना॒वा दु॒रिता॑ति॒ पर्षि॑ ।

अग्ने॑ अ॒त्रिव॑न् म॒नसा॑ गृ॒णानो॑ऽस्माकं॑ बो॒द्ध्यवि॒ता त॒नूनां॑ ॥ 4

पृ॒तना॑जि॒तः स॒हमा॑न-मु॒ग्रम॑ग्निः हु॒वेम॑ प॒रमा॑त् स॒धस्था॑त् ।

सनः॑ पर्ष॒दति॑ दु॒र्गाणि॑ वि॒श्वा क्षा॑म॒द्दे॒वो अति॑ दु॒रिता॑त्य॒ग्निः ॥ 5

(it is customary to chant only upto Para 5 for Shanti Japam)

प्र॒त्नोषि॑क॒मीड्यो॑ अ॒ध्वरे॑षु स॒नाच्च॑ हो॒ता न॒व्यश्च॑ स॒त्सि॑ ।

स्वाञ्चा॑ग्ने त॒नुवं॑ पि॒प्रय॑-स्वा॒स्मभ्य॑ञ्च सौ॒भग॑मा॒य ज॒स्व ॥ 6

गो॒भिर्जु॑ष्ट-म॒युजो॑ नि॒षिक्तं॑ तवे॒न्द्र वि॒ष्णो-र॒नुस॑ञ्चरेम ।

ना॒कस्य॑ पृ॒ष्ठम॑भि सँव॒सानो॑ वै॒ष्णवीं॑ लो॒क इ॒ह मा॑दयन्तां ॥ 7

का॒त्याय॑ना॒य वि॒द्महे॑ क॒न्यकु॑मा॒रि धी॑महि । तन्नो॑ दु॒र्गिः प्र॑चो॒दया॑त् ॥

(ओं शान्तिः॑ शान्तिः॑ शान्तिः॑ ॥)

10 श्री सूक्तं

(Rig Veda Khila Kaandam - 5.8.7.1)

(To be Chanted as per Rig Vedic Sruti; hence “Anunaasikam”, “ॐ” and “ॐ” are not represented here as they are not used in Rig Vedic chants. In Some parts of India, when this Suktham is chanted in Krishna Yajur Veda “ॐ” , “ॐ” are added in para 9 and 12, whereas in other parts of India this full Suktham is chanted without “ॐ” , “ॐ”.)

हिर॑ण्यव॒र्णां ह॒रिणीं॑ सु॒वर्णं॑ र॒जत॑स्र॒जां ।

च॒न्द्रां हिर॑ण्मयीं ल॒क्ष्मीं॑ जा॒तवे॑दो म॒ आव॑ह ॥ 1

तां म॒ आव॑ह जा॒तवे॑दो ल॒क्ष्मी-म॑न॒पगा॒मिनीं॑ ।

यस्यां॑ हिर॑ण्यं वि॒न्देयं॑-गा॒मश्च॑ पु॒रुषा॑न॒हं ॥ 2

अ॒श्वपूर्वा॑ रथ॒मद्ध्यां॑ ह॒स्तिना॑द-प्र॒बोधि॑नीं ।

श्रियं॑ दे॒वीमु॑प॒ह्वये॑ श्री॒र्मादे॑वीर्जुषतां ॥ 3

कां सोऽ॒स्मितां॑ हिर॑ण्य-प्रा॒कारा-मा॒र्द्रां ज्व॑ल॒न्तीं तृ॒प्तां त॑र्पय॒न्तीं ।

पद्मे॑स्थितां पद्म॒वर्णां॑ तामि॒होप॑ह्वये श्रियं ॥ 4

च॒न्द्रां प्र॒भा॒सां यश॑सा-ज्वल॑न्तीं श्रियं॑लो॒के दे॒वजु॑ष्टा-मु॒दारां॑ ।
तां प॒द्मिनी॑मीं शरण॑म॒हं प्र॒पद्ये॑ ऽल॒क्ष्मीर्मे॑ नश्यतां॒ त्वां वृ॑णे ॥ 5

आ॒दि॒त्यव॑र्णे तप॒सोऽधि॑जातो वन॒स्पति॑स्तव वृ॒क्षोऽथ॑ बि॒ल्वः ।
तस्य॑फ॒लानि॑ तप॒सा-नु॑दन्तु मा॒यान्त॑-रा॒याश्च॑ बा॒ह्या अल॑क्ष्मीः ॥ 6

उ॒पैतु॑मां दे॒वस॑खः की॒र्तिश्च॑ म॒णिना॑ स॒ह ।
प्रा॒दुर्भू॑तोऽस्मि रा॒ष्ट्रेऽस्मिन्॑ की॒र्ति-मृ॑द्धिं-ददातु मे ॥ 7

क्षु॒त्पिपा॑सा-म॒लां ज्ये॒ष्ठाम॑-ल॒क्ष्मीं-ना॑शया॒म्यहं॑ ।
अ॒भूति॑-म॒समृ॑द्धिं च स॒र्वां निर्णु॑द मे गृहात् ॥ 8

ग॒न्धद्वा॑रां दु॒राध॑र्षां नि॒त्यपु॑ष्टां क॒रीषि॑णीं ।
ई॒श्वरीं॑ (or ई॒श्वरी॑) स॒र्व भू॑तानां॒ तामि॒होप॑ह्वये श्रियं॑ ॥ 9

म॒नसः॑ का॒ममा॑कू॒तिं-वा॒चः स॒त्य म॑शीमहि ।
प॒शूनां॑ रू॒पम॑न्नस्य मयि श्रीः श्रय॑तां यशः ॥ 10

क॒र्दमे॑न प्र॒जा भू॒ता म॒यि सं॒भव क॒र्दम॑ ।

श्रि॒यं वा॒सय॑मे कु॒ले मा॒तरं॑ पद्म॒मालि॑नीं ॥ 11

आपः॑ सृजन्तु स्निग्धानि चिक्लीत वसमे गृहे ।

निच॑दे॒वीं मा॒तरं॑ (or मा॒तर॒७) श्रि॒यं वा॒सय॑मे कु॒ले ॥ 12

आ॒र्द्रां यः॑ क॒रिणीं॑ यष्टिं पिङ्ग॒लां पद्म॑मालिनीं ।

च॒न्द्रां हि॒रण्म॑यीं ल॒क्ष्मीं॑ जा॒तवे॑दो म॒ आव॑ह ॥ 13

आ॒र्द्रां पु॒ष्करि॑णीं पुष्टिं सु॒वर्णां॑ हे॒ममा॑लिनीं ।

सू॒र्यां हि॒रण्म॑यीं ल॒क्ष्मीं॑-जा॒तवे॑दो म॒ आव॑ह ॥ 14

तां म॒ आव॑ह जा॒तवे॑दो ल॒क्ष्मी-म॑न॒पगा॑मिनीं ।

यस्यां॑ हि॒रण्यं॑ प्र॒भूतं॑ गा॒वो दा॒स्योऽश्वा॑न् वि॒न्देयं॑ पु॒रुषा॑न॒हं ॥ 15

पद्म॑प्रि॒ये पद्मि॑नि पद्म॑हस्ते पद्मालये पद्मदलाय-ताक्षि ।

विश्व॑प्रि॒ये विष्णु॑-मनो॑नु॒कूले॑ त्वत्पाद-पद्मं मयि सन्निधत्स्व ॥

महादे॒व्यै च॑ वि॒द्महे॑ वि॒ष्णु प॒त्यै च॑ धीमहि ।

तन्नो॑ लक्ष्मीः प्रचोदयात् ॥

श्री॑ र्व॒र्चस्व-मा॑युष्य-मा॒रोग्य-मा॑वी॒धा-च्छो॑भमानं महीयते ॥

धान्यं॑ ध॒नं प॒शुं बहु॑पु॒त्रला॒भं श॒तसं॑व॒त्सरं॑ दी॒र्घमा॑युः ॥

(ओं शान्तिः॑ शान्तिः॑ शान्तिः॑ ॥)

11 मे॒धा सू॒क्तं

TA 6.41.1

मे॒धादे॒वी जु॒षमा॑णा न॒ आगा॑द् वि॒श्वाची॑ भ॒द्रा सु॑म॒नस्य॑ मा॒ना ।

त्वया॑ जु॒ष्टा नु॒दमा॑ना (जु॒षमा॑णा) दु॒रुक्ता॑न् बृ॒हद्व॑दे॒म वि॒दथे॑ सु॒वीराः॑ ॥

त्वया॑ जु॒ष्ट ऋ॒षिर् भ॑वति दे॒वित्व॑या ब्र॒ह्माऽऽग॑तश्री॒ रुत॑त्वया ॥

त्वया॑ जु॒ष्टश्चि॒त्रं वि॑न्दते वसु॒सानो॑ जु॒षस्व॒ द्रवि॑णो न मे॒धे ॥

मे॒धां म॒ इन्द्रो॑ ददातु मे॒धां दे॒वी सर॑स्वती ।

मे॒धां मे॑ अ॒श्विना॑ वु॒भावा॑ध॒तां पु॑ष्करस्रजा ॥

अ॒प्सर॑सासु च॒ या मे॒धा ग॑न्धर्वेषु च॒ यन्मनः॑ ।

दै॒वीं मे॒धा म॑नुष्यजा सा मां मे॒धा सु॒रभि॑र् जुषतां ॥

(दैवीं॑ मे॒धा सर॑स्वती सा मां॑ मे॒धा सुर॑भिर् जुषता॒७ स्वाहा॑)

आमां॑ मे॒धा सुर॑भिर्-वि॒श्वरू॑पा हि॒रण्यव॑र्णा जगती॑ जग॒म्या ।
ऊ॒र्जस्वती॑ पय॒सा पि॒न्वमा॑ना सा मां॑ मे॒धा सु॒प्रती॑का जुषन्तां ॥

मयि॑ मे॒धां मयि॑ प्र॒जां मय्य॑ग्नि-स्तेजो॑दधातु ,
मयि॑ मे॒धां मयि॑ प्र॒जां मयीन्द्र॑ इन्द्रि॒यं द॑धातु ,
मयि॑ मे॒धां मयि॑ प्र॒जां मयि॑ सूर्यो॑ भ्राजो॑ दधातु ॥

हंसगायत्री-

हंस॑ हंसाय॑ वि॒द्महे॑ परमहंसाय॑ धीमहि॑ । तन्नो॑ हंसः प्रचोदयात् ॥

(ओं शान्तिः॑ शान्तिः॑ शान्तिः॑ ॥)

12 भू सूक्तं

(TS 1.5.3.1)

ओं ॥ भूमि॑र् भू॒म्ना द्यौर्व॑रिणा-ऽन्तरि॑क्षं महि॒त्वा ।
 उप॒स्थे ते दे॒व्यदि॑ते-ऽग्नि॑मन्नाद-मन्ना-द्याया॑दधे ।
 आऽय॑ङ्गौः पृ॒श्निर॑क्रमी-द॒सनन् मा॒तरं पुनः॑ । पि॒तरञ्च॑ प्र॒यन्त्सुवः॑ ।
 त्रि॒॒शब्दाम॑ वि॒राज॑ति वाक्प॒तङ्गाय॑ शि॒श्रिये॑ । प्र॒त्यस्य॑ वह॒द्युभिः॑ ।
 अ॒स्य प्रा॒णाद॑पा-न॒त्यन्तश्च॑रति रो॒चना । व्य॑ख्यन् महि॒ष स्सुवः॑ ॥ 1

य॒त्वा क्रु॒द्धः प॒रो व॑प-म॒न्युना॑ यदव॒र्त्या ।
 सु॒कल्प॑मग्ने तत्तव पु॒नस्त्वो-दी॑पयामसि ।
 य॒त्ते म॒न्यु प॒रोप्त॑स्य पृथि॒वी-मनु॑दध्व॒से ।
 आ॒दि॒त्या वि॒श्वे तद्दे॒वा व॑सवश्च स॒माभ॑रन् ।
 मनो॑ ज्योति॑र् जुष॒ता-मा॒ज्यं वि॒च्छिन्नं॑ य॒ज्ञं स॒मिम॑न्दधातु ।
 बृ॒हस्प॑ति-स्तनु॒ता मि॒मन्नो॑ वि॒श्वे दे॒वा इ॒ह मा॑दयन्तां ॥ 2

स॒प्त॒ते॒ अ॒ग्ने॒ स॒मि॒धः॑ स॒प्त जि॒ह्वाः॑-स॒प्त॒र्ष॒यः॑-स॒प्त॒धा॒म॒ प्रि॒याणि॑ ।
 स॒प्त हो॒त्रा॑ स्स॒प्त॒ धा॒त्वा य॒ज॒न्ति॑ स॒प्त॒यो॒नी-रा॒पृ॒ण॒स्वा घृ॒तेन॑ ।
 पु॒न॒रू॒र्जा नि॒व॒र्त्त॒स्व पु॒न॒र॒ग्न इ॒हायु॑षा । पु॒न॒र्नः॑ पा॒हि वि॒श्व॒तः॑ ।
 स॒ह॒र॒य्या नि॒व॒र्त्त॒स्वाग्ने॑ पि॒न्व॒स्व धा॒रया॑ ।
 वि॒श्व॒फ॒स्नि॒या वि॒श्व॒त॒स्परि॑ ॥ 3

ले॒क-स्स॒ले॒क-स्सु॒ले॒क स्ते॒न आ॒दि॒त्या आ॒ज्यं॑ जु॒षा॒णा वि॒य॒न्तु॑ ,
 के॒त-स्स॒के॒त-स्सु॒के॒त स्ते॒न आ॒दि॒त्या आ॒ज्यं॑ जु॒षा॒णा वि॒य॒न्तु॑,
 वि॒व॒स्वा अ॒धि॒ति॒र् दे॒व जू॒ति॒स्ते॒न आ॒दि॒त्या आ॒ज्यं॑
 जु॒षा॒णा वि॒य॒न्तु॑ ॥ 4

ओं॑ शा॒न्तिः॒ शा॒न्तिः॒ शा॒न्तिः॑ ॥

13 भाग्य सूक्तं

(TB 2.8.9.7)

प्रा॒त॒र॒ग्निं प्रा॒त॒रिन्द्र॑ ह॒वाम॑हे प्रा॒त॒र्मि॒त्रा वरु॑णा प्रा॒त॒र॒श्विना॑ ।
प्रा॒त॒र्भगं॑ पू॒षणं॑ ब्र॒ह्मण॑स्पतिं प्रा॒त॒स्सोम॑मु॒त रु॒द्रं हु॑वेम ॥ 1

प्रा॒त॒र्जितं॑ भग॑मु॒ग्रं हु॑वेम व॒यं पु॒त्रम॑दि॒तेर्यो वि॑ध॒र्ता ।
आ॒द्ध्रश्चि॒द्यं म॑न्यमान-स्तु॒रश्चि॒द्राजा॑ चि॒द्यं भगं॑ भ॒क्षीत्या॑ह ॥ 2

भग॑प्र॒णेत॑र्भग-सत्य॑राधो भग॑मां धि॒यमु॑द॒व द॑दन्नः ।
भग॑प्र॒णो ज॑नय गो॒भि-र॑श्वैर् भग॑प्र॒नृभिर् नृ॑वन्त-स्स्याम ॥ 3

उ॒तेदा॑नीं भग॑वन्त-स्स्यामो॒त प्र॑पि॒त्व उ॒त म॑द्ध्ये अ॒ह्नां ।
उ॒तोदि॑ता म॒घव॑न्थ-सूर्य॑स्य व॒यं दे॒वाना॑ सु॒मतौ स्या॑म ॥ 4

भग॑ ए॒व भग॑वा अस्तु दे॒वास्ते॑न व॒यं भग॑वन्त-स्स्याम ।
तं त्वा॑ भग॑ सर्व॑ इ॒ज्जो॑हवीमि स॒नो भग॑ पु॒र ए॒ता भ॑वे॒ह ॥ 5

स॒म॒द॒ध्व॒रा-यो॒ष॒सो ऽन॒म॒न्त॒ द॒धि॒क्रा॒वे॒व शु॒च॒ये प॒दा॒य ।

अ॒र्वा॒ची॒नं व॑सु॒वि॒दं भ॒ग॒न्नो र॒थ॒मि॒वा॒श्वा वा॒जिन॒ आव॑हन्तु ॥ 6

अ॒श्वा॒व॒ती॒र् गो॒म॒ती॒र्न उ॒षा॒सो वी॒र॒व॒ती-स्स॒द॒मु॒च्छ॒न्तु भ॒द्राः ।

घृ॒तं दु॒हा॒ना वि॒श्व॒तः प्र॒पी॒ना यू॒यं पा॒त स्व॒स्ति-भि॒स्स॒दा॒नः ॥ 7

यो मा॑ग्ने भा॒गिन॑ स॒न्त॒म॒था भा॒गं चि॒की॒र्ष॒ति ।

अ॒भा॒ग-म॒ग्ने तं कुरु॑ मा॒ग्ने भा॒गिनं॑ कुरु ॥ 8

भा॒ग्य॒दे॒व॒ता॒यै नमः॑ ॥ (ओं शान्तिः॑ शान्तिः॑ शान्तिः॑) ॥

14 मृत्यु सूक्तं

(TA 3.15.1, Para 1 & 2)

हरि॑ हर॒न्त॒ म॒नु॒य॒न्ति दे॒वाः । वि॒श्व॒स्ये॒शानं॑ वृ॒ष॒भं म॒ती॒नां ।

ब्र॒ह्म स॒रूप॑ म॒नु मे॒द॒मा॒गात् । अ॒य॒नं मा वि॒व॒धी॒र् वि॒क्र॒म॒स्व ।

मा॒च्छि॒दो मृ॒त्यो मा॒व॒धीः । मा॒मे ब॒लं वि॒वृ॒हो मा प्र॒मो॒षीः ।

प्र॒जां मा मे॑ री॒रिष॑ आ॒यु॒रु॒ग्र । नृ॒चक्ष॑सं त्वा ह॒विषा॑ वि॒धेम॑ ।

स॒द्यश्च॑-क॒मा॒नाय॑ । प्र॒वे॒पा॒नाय॑ मृ॒त्य॒वे । प्रा॒स्मा आ॒शा अ॒शृ॒ण्व॒न् ।

कामे॑ना॒ जन॒यन् पुनः॑ । कामे॑नमे॒ काम॒ आगा॑त् ॥

हृद॑या॒धृद॑यं मृ॒त्योः । यद॒मीषा॑ म॒दः प्रि॒यं । तदै॒तूप॒मा-म॒भि ॥ 1

परं॑ मृ॒त्यो अनु॒परे॑हि पन्थां॑ ॥ यस्ते॒स्व इ॒तरो॑ दे॒वयाना॑त् ।

चक्षु॑ष्मते श्रृण्व॒ते ते ब्र॑वीमि । मानः॑ प्र॒जाꣳ री॑रिषो॒ मोत॑वी॒रान् ।

प्रपूर्व्यं॑ मन॒सा व॑न्दमानः । नाध॑मानो वृष॒भं-चर्ष॑णी॒नां ।

यः प्र॒जाना॑ मेक॒राण॑मानु॒षीणां॑ । मृ॒त्युं य॑जे प्रथ॒मजा॑ मृ॒तस्य॑ ॥ 2

TB 3.9.15.1 (para 3 to 5)

सर्वे॑षु वा ए॒षु लो॒केषु॑ मृ॒त्यवोऽन्वा॑य॒ताः ।

तेभ्यो॑ यदाहु॒तीर्न जुहु॑यात् । लो॒के लो॒क ए॒नं मृ॒त्युर् वि॑न्देत् ।

मृ॒त्यवे॒ स्वाहा॑ मृ॒त्यवे॒ स्वाहे॑त्यभि पू॒र्व माहु॑ती र्जु॒होति॑ ।

लो॒का ल्लो॑का दे॒व मृ॒त्युम॑व यज॒ते ।

नैनं॑ लो॒के लो॒के मृ॒त्यु वि॑न्दति ।

यदमु॑ष्मै स्वाहाऽमु॑ष्मै स्वाहे॒ति जुह्व॑त्सं चक्षी॒त ॥ 3

ब॒हुं मृ॒त्यु-म॒मित्रं॑ कुर्वी॒त । मृ॒त्यवे॒ स्वाहे॑त्ये कस्मा॑ ए॒वैकाꣳज्जुहु॑यात् ।

एको॑ वा अ॒मुष्मिन्॑ लो॒के मृ॒त्युः । अ॒श॒नया॑ मृ॒त्युरे॒व ।

तमे॒वा मु॒ष्मिन् लो॒के ऽव॑यजते ।

भ्रू॒णह॒त्यायै॑ स्वा॒हेत्य॑ वभृ॒थ आ॒हुतिं॑ जु॒होति॑ ।

भ्रू॒णह॒त्यामे॒वा व॑यजते । तदा॒हुः । यद्भ्रू॒ण ह॒त्या-ऽपा॒त्र्याऽथ॑ ।

कस्मा॑द् य॒ज्ञे ऽपि॑क्रियत॒ इति॑ ।

अमृ॑त्यु॒र्वा अ॒न्यो भ्रू॒णह॒त्याया॑ इत्या॒हुः ।

भ्रू॒णह॒त्या वा॒व मृ॑त्युरिति॑ ।

यद् भ्रू॒ण ह॒त्यायै॑ स्वा॒हेत्य॑ वभृ॒थ आ॒हुतिं॑ जु॒होति॑ ।

मृ॒त्युमे॒वा हु॒त्या-त॑र्पयित्वा परि॒पाणं॑ कृ॒त्वा ।

भ्रू॒णघ्ने॑ भे॒षजं॑ करोति ॥ 4

ए॒ताँ ह॒वै मु॒ण्डि॒भ औ॒दन्य॒वः ।

भ्रू॒णह॒त्यायै॑ प्रायश्चि॒त्तिं वि॒दाञ्च॑कार ।

योहा॒स्यापि॑ प्र॒जायां॑ ब्राह्म॒णँ ह॑न्ति । सर्व॑स्मै तस्मै॑ भे॒षजं॑ करोति ।

जु॒ंबका॒य स्वा॒हेत्य॑ वभृ॒थ उ॒त्तमा॑- मा॒हुतिं॑ जु॒होति॑ ।

वरु॑णो॒ वै जु॒ंबकः॑ । अ॒न्तत॑ ए॒व वरु॑ण-मव॑यजते ।

खलतेर्-विक्लिधस्य शुक्लस्य पिङ्गाक्षस्य मूर्ध् जुहोति ।

एतद्वै वरुणस्य रूपं । रूपेणैव वरुण मवयजते ॥ 5

Part 2 (T.A.6.45.1, for para 1 to 16)

अपैतु मृत्युर-मृतन्न आगन्वैवस्वतो नो अभयङ्कणोतु ।

पर्णं वनस्पते-रिवाभि नश्शीयताञ् रयि-स्सचतान्न श्शचीपतिः ॥ 1

परं मृत्यो अनुपरेहि पन्थां यस्तेस्व इतरो देवयानात् ॥

चक्षुष्मते श्रृण्वते ते ब्रवीमि मानः प्रजाञ् रीरिषो मोत वीरान् ॥ 2

वातं प्राणं मनसा ऽन्वारभामहे प्रजापतिं यो भुवनस्य गोपाः ।

सनो मृत्यो स्त्रायतां पात्वञ् हसो ज्योग्जीवा जरामशीमहि ॥ 3

अमुन्नभूयादध यद्यमस्य बृहस्पते अभिशस्तेर मुञ्चः ।

प्रत्यौहता मश्विना मृत्यु-मस्माद्-देवानामग्ने भिषजा शचीभिः ॥ 4

शल्वैरग्नि मिन्धान उभौ लोकौ सनेमहं ।

उभयोर् लोकयोर् ऋद्ध्वाऽति मृत्युं तराम्यहं ॥ 5

हरि॒ऽ हर॑न्त-म॒नु॒यन्ति॑ दे॒वा वि॒श्वस्ये॑शानं॑ वृ॒षभं॑ म॒तीनां॑ ।
 ब्र॒ह्मस॒रूप॑ म॒नुमे॒दमा॒गा-द॒यनं॑ मा वि॒वधी॑र् वि॒क्रम॑स्व ॥ 6

माच्छि॑दो मृ॒त्यो मा॒वधी॑र्-मा॒मे ब॒लं वि॒वृहो॑ मा प्र॒मौषीः॑ ।
 प्र॒जां मा॒मे री॒रिष॑ आ॒युरु॒ग्र नृ॒चक्ष॑सं त्वा ह॒विषा॑ वि॒धेम॑ ॥ 7

मा नो॑ म॒हान्त॑मु॒त मा नो॑ अ॒र्भकं॑ मा न॒ उक्ष॑न्तमु॒त मा न॑ उ॒क्षितं॑ ।
 मा नो॑ऽव॒धीः पि॒तरं॑ मो॒त मा॒तरं॑ प्रि॒या मा न॑स्त॒नुवो॑ रु॒द्र री॒रिषः॑ ॥ 8

मा न॑स्तो॒के त॒नये॑ मा न॒ आयु॑षि मा नो॒ गोषु॑ मा नो॒ अश्वे॑षु री॒रिषः॑ ।
 वी॒रान्मा नो॑ रु॒द्र भा॒मितो॑व॒धीर्. ह॒विष्म॑न्तो न॒मसा॑ वि॒धेम॑ ते ॥ 9

प्र॒जाप॑ते न त्वदे॒ता-न्य॒न्यो वि॒श्वा जा॒तानि॑ परि॒ ता ब॒भूव॑ ।
 यत्का॑मास्ते जुहु॒मस्त॑न्नो अस्तु व॒यऽ स्या॑म प॒तयो॑ र॒यीणां॑ ॥ 10

यत॑ इन्द्र॒ भया॑महे ततो॑ नो॒ अभ॑यं कृ॒धि ।
 म॒घव॑ज्छ॒ग्धि तव॑ तन्न॒ ऊ॒तये॑ वि॒द्विषो॑ वि॒मृधो॑ जहि ॥ 11

स्व॒स्ति॒दा वि॒शस्पति॑र् वृ॒त्रहा वि॒मृ॒धो व॒शी ।
 वृ॒षेन्द्रः॑ पु॒र ए॒तुन॑ स्व॒स्ति॒दा अ॒भयं॑ क॒र : ॥ 12

त्र्य॑ंब॒कं य॑जामहे सु॒गन्धिं॑ पु॒ष्टि॒वर्द्ध॑नं ।
 उ॒र्वारु॒कमि॑व ब॒न्धनान्-मृ॒त्योर्-मु॒क्षीय॑ माऽमृ॒तात् ॥ 13

अ॒पमृ॒त्यु-म॒पक्षु॑ध-म॒पे॒त-इ॒शप॑थं॒जहि॑ ।
 अ॒धानो॑ अ॒ग्न आ॒वह॑ रा॒य-स्पोष॑ सह॒स्रिणं॑ ॥ 14

ये ते॑ स॒हस्र॑म॒युतं॑ पा॒शा मृ॒त्योर् म॒त्याय॑ ह॒न्त॒वे ।
 तान् य॒ज्ञस्य॑ मा॒यया॑ सर्वा॒नव॑ यजामहे ॥ 15
 (मृ॒त्यवे॒ स्वाहा॑ मृ॒त्यवे॒ स्वाहा॑)

जा॒तवे॑द॒से सु॒नवाम॑ सोम॒मरा॑ती य॒तो नि॒दहा॑ति वे॒दः ।
 स नः॑ पर्ष॒दति॑ दु॒र्गाणि॑ वि॒श्वा ना॒वेव॑ सि॒न्धुं दु॒रि॒तात्य॑ग्निः ॥ 16

T.B.3.10.5.1 for para 17

भूर्भू॒वस्स्वः॑ । ओ॒जो ब॒लं । ब्र॒ह्म क्ष॒त्रं । य॒शो म॒हत् ।
 स॒त्यं तपो॑ नाम । रू॒प-म॒मृतं॑ । चक्षुः॑ श्रो॒त्रं । मन॑ आ॒युः ॥

वि॒श्वं॑ य॒शो॑ म॒हः । स॒मन्त॑पो ह॒रो भाः ॥ 17

जा॒तवे॑दा॒ यदि॑ वा पा॒वको॑ऽसि । वै॒श्वान॑रो यदि॑ वा वैद्यु॒तोऽसि॑ ।
शं॒प्रजा॑भ्यो यज॑मानाय लो॒कं ॥ ऊ॒र्जं पु॒ष्टिं द॑द-द॒भ्याव॑ वृ॒थस्व ॥ 18

.....नक्ष॑त्रे रा॒शौ जा॑तस्यश॑र्मणः (मम /

अस्य यज॑मानस्य) स॒कुटु॑म्बस्य (स्त्री - जा॑तायाः & नाम्नी)

मृ॒त्युर्-न्न॑श्य॒त्वायु॑ व॒र्द्धतां॑ भूः ।

मृ॒त्युर्-न्न॑श्य॒त्वायु॑ व॒र्द्धतां॑ भुवः ।

मृ॒त्युर्-न्न॑श्य॒त्वायु॑ व॒र्द्धतां॑ सुवः ।

मृ॒त्युर्-न्न॑श्य॒त्वायु॑ व॒र्द्धतां॑ भूर्भुव॒स्सुवः॑ ।

मृ॒त्युर्-न्न॑श्य॒त्वायु॑ व॒र्द्धतां॑ ॥

-----मृ॒त्यु सू॒क्तं स॑माप्तं-----

15 मृत संजीविनी सूक्तं (यक्ष्मघ्न सूक्तं)

(Rig Veda 10.161)

मुञ्चामित्वा हविषा जीवनाय कमज्ञात-यक्ष्मा-दुत राज-यक्ष्मात् ।

ग्राहिर् जग्राह यदि वैतदेनन्तस्या इन्द्राग्नी प्रमुमुक्तमेनं ॥ 1

यदिक्षितायुर्-यदिवापरैतो यदिमृत्योरन्ति कन्नीत एव ।

तमाहरामि निर्ऋते रूपस्था-दस्पार्षमेनं शतशारदाय ॥ 2

सहस्राक्षेण शतशारदेन शतायुषा हविषा ऽहार्षमेनं ।

शतं यथेमं शरदो न यातीन्द्रो विश्वस्य दुरितस्य पारं ॥ 3

शतञ्जीव शरदो वर्द्धमान-श्शतं हेमन्ताञ्छत-मुवसन्तान् ।

शतमिन्द्राग्नी सविता बृहस्पति-श्शतायुषा हविषेमं पुनर्दुः ॥ 4

आहार्षं त्वा विदन्त्वा पुनरागाः पुनर्नव ।

सर्वाङ्ग सर्वन्ते चक्षुः सर्व-मायुश्चते ऽविदं ॥ 5

तदित् पदं न विचिकेत-विद्वान् । यन्मृतः पुनरप्येति जीवान् ।
 त्रिवृद् भुवनस्य रथवृत् । जीवो गर्भो न मृतस्स जीवात् ॥ 6

ओं शान्तिः शान्तिः शान्तिः ॥

16 आयुष्य सूक्तं

(Exact source not Known)

यो ब्रह्मा ब्रह्मण उज्जहार प्राणैः शिरः कृत्तिवासाः पिनाकी ।
 ईशानो देवस्सन आयुर्दधातु तस्मै जुहोमि हविषा घृतेन ॥ 1

विभ्राजमान-स्सरिरस्य मद्ध्याद् रोचमानो घर्मरुचिर्य आगात् ।
 स मृत्युपाशा-नपनुद्य घोरा-निहायुषेणो घृतमत्तु देवः ॥ 2

ब्रह्मज्योतिर् ब्रह्मपत्नीषु गर्भं यमादधात् पुरुरूपं जयन्तं ।
 सुवर्णरंभ-ग्रह-मर्कमर्च्यं तमायुषे वर्धयामो घृतेन ॥ 3

श्रियं लक्ष्मी-मौबला-मंबिकां गां षष्ठीञ्च यामिन्द्र-सेनैत्युदाहुः ।
 तां विद्यां ब्रह्मयोनिं सरूपा-मिहायुषे तर्पयामो घृतेन ॥ 4

दा॒क्षाय॑ण्य-स्सर्व॑यो॒न्य स्सु॑यो॒न्य-स्सह॑स्र॒शो वि॑श्व रू॒पा वि॒रू॒पाः ।

स॒सू॒नव॑-स्स॒पत॑यः स॒यू॒थ्या आ॒यु॒षे॒णो घृ॑तमिदं जु॒षन्तां ॥ 5

दि॒व्या ग॑णा ब॒हुरू॒पाः पु॒रा॒णा आ॒यु॒श्छि॒दो नः प्र॑मथ॒न्तु वी॒रान् ।

ते॒भ्यो जु॑होमि ब॒हुधा॑ घृ॒तेन॑ मा नः प्र॒जाꣳ री॑रिषो मो॒त वी॒रान् ॥ 6

ए॒कः पु॒रस्ता॑त् य इ॒दं ब॒भूव॑ यतो ब॒भूव॑ भु॒वन॑स्य गो॒पाः ।

यम॑प्येति भु॒वनꣳ सां॑परा॒ये स नो॑ ह॒विर् घृ॑त-मिहा॒युषे॑ऽतु दे॒वः ॥ 7

व॒सून् रु॒द्रा॒ना-दि॒त्यान् म॑रुतोऽथ सा॒द्द॒ध्यान् ऋ॑भून् य॒क्षान्
गन्ध॑र्वाꣳश्च पि॒तृꣳश्च वि॒श्वान् ।

भृ॒गून्थ्-सर्पाꣳश्चा-ङ्गि॑रसोऽथ स॒र्वान् घृ॑तꣳ हु॒त्वा स्वा॑युष्या
म॒हया॑म श॒श्वत् ॥ 8

वि॒ष्णो त्व॒न्नो अ॒न्तम॑-श्श॒र्मय॑च्छ स॒हन्त्य॑ ।

प्र॒ते धा॑रा मधु॒श्रुत॑ उ॒थ्सं॑दु॒हते॑ अ॒क्षितं॑ ॥ 9

(ओं शान्तिः॑ शान्तिः॑ शान्तिः॑ ॥)

17 नवग्रह सूक्तं

1. (देवता – आदित्याः , अधिदेवता– अग्निः,

प्रत्यधिदेवता – पशुपतिः)

ओं आ॒स॒त्ये॒न रज॑सा॒ वर्त्त॑मानो नि॒वेश॑यन्न॒मृतं॑ म॒र्त्यञ्च॑ ।
हि॒र॒ण्य॑ये॒न स॒वि॒ता र॒थे॒ना ऽदे॒वो या॑ति॒ भुव॑ना वि॒पश्य॑न् ॥
(TS 3.4.11.2)

अ॒ग्निं दू॒तं वृ॑णीमहे॒ हो॒तारं॑ वि॒श्ववे॑दसं ।
अ॒स्य य॒ज्ञस्य॑ सु॒क्रतुं॑ ॥ (T.B.3.5.2.3)

येषा॒मी॒शे प॒शुप॑तिः प॒शूनां॑-चतु॒ष्पदा॑मु॒त च॑ द्वि॒पदां॑ ।
निष्क्री॑तोऽयं य॒ज्ञियं॑ भा॒गमे॑तु रा॒यस्पो॑षा यज॑मानस्य सन्तु ॥
(TS 3.1.4.1)

(ओं अधिदेवता प्रत्यधिदेवता सहिताय भगवते आदित्याय नमः) 1

2. (देवता – अङ्गारकः , अधिदेवता – पृथिवी ,

प्रत्यधिदेवता – क्षेत्रपतिः)

ओं अ॒ग्नि॒र्मूर्ध्ना॑ दि॒वः क॒कुत्प॑तिः पृ॒थि॒व्या अ॒यं ।

अपा॑ꣳ रेता॑ꣳसि जि॒न्वति॑ ॥ (TS 1.5.5.1)

स्यो॒ना पृ॑थि॒वि भ॒वाऽनृ॑क्ष॒रा नि॒वेश॑नी ।

यच्छा॑न-॒श्शर्म॑ स॒प्रथाः॑ ॥ (TA 6.1.10)

क्षेत्र॑स्य पति॑ना वय॑ꣳ हि॒तेने॑व जयाम॑सि ।

गाम॑श्चं पोष॑यित्वा स नो मृ॑डाती-दृ॒शे ॥ (TS 1.1.14.2)

(ओं अधिदेवता प्रत्यधिदेवता सहिताय भगवते अङ्गारकाय नमः) 2

3. (देवता – शुक्रः, अधिदेवता – इन्द्राणी, प्रत्यधिदेवता – इन्द्रः)

ओं प्र॒व॒श्शु॒क्राय॑ भा॒नवे॑ भ॒रध्व॑ꣳ ह॒व्यं म॒तिं चा॒ग्नये॑ सु॒पूतं॑ ।

यो दै॒व्यानि॑ मा॒नुषा॑ ज॒नूꣳ-प्य॒न्तर् वि॒श्वानि॑ वि॒द्मना॑ जिगा॑ति ॥

(TB 2.8.2.3)

इन्द्रा॑णी मा॒सु ना॒रिषु॑ सु॒पत्नी॑-म॒हम॑श्र॒वं ।

न ह्य॑स्या अ॒पर॑च॒न ज॒रसा॑ म॒रते॑ पतिः ॥ (TS 1.7.13.1)

इ॒न्द्रं॑ ँ॒ वो॒ वि॒श्व॒त॒स्प॒रि॒ ह॒वा॒म॒हे॒ ज॒ने॒भ्यः॑ ।

अ॒स्मा॒क॒म॒स्तु॒ के॒वलः॑ ॥ (TS 1.6.12.1)

(ओं अधिदेवता प्रत्यधिदेवता सहिताय भगवते शुक्राय नमः) 3

4. (देवता – सोमः/चन्द्रमा, अधिदेवता– आपः ,

प्रत्यधिदेवता – गौरी)

ओं आप्या॑यस्व॒ समे॑तु ते वि॒श्व॒त॒-स्सो॒म वृ॑ष्णि॒यं ।

भ॒वा वा॒ज॒स्य॑ सं॒ग॒थे ॥ (TS 4.2.7.4)

अ॒प्सु॒मे सो॒मो अ॒ब्र॒वी॒द॒न्त॒र् वि॒श्व॒ानि॑ भे॒ष॒जा ।

अ॒ग्नि॒ञ्च वि॒श्व॒शं॑भुव॒-मा॒प॒श्च वि॒श्व॒भे॒ष॒जीः ॥ (TB 2.5.8.6)

गौरी॑ मि॒माय॑ स॒लि॒लानि॑ तक्ष॒त्येक॑पदी द्वि॒पदी॑ सा चतु॑ष्पदी ।

अ॒ष्टा॒पदी॑ न॒व॒पदी॑ ब॒भू॒वु॒षी स॒ह॒स्रा॑क्षरा पर॒मे व्यो॑मन् ॥ (TB .2.4.6.11)

(ओं अधिदेवता प्रत्यधिदेवता सहिताय भगवते सोमाय नमः) 4

5. (देवता – बुधः, अधिदेवता – विष्णुः ,

प्रत्यधिदेवता – पुरुष नारायणः)

ओं उद्बुद्ध्यस्वाग्ने॑ प्रति॑जागृह्येन॑ मि॒ष्टापूर्ते॑ सꣳ सृजे॑था मय॒ञ्च ।

पुनः॑ कृ॒ण्वꣳस्त्वा॑ पि॒तरं॑ यु॒वान-म॒न्वाताꣳसी॑ त्वयि॒ तन्तु॑मे॒तं ॥

(TS 4.7.13.5)

इ॒दं वि॒ष्णुर् वि॒च॒क्रमे॑ त्रे॒धा नि॒दधे॑ प॒दं ।

स॒मूढ॑मस्य पाꣳ सु॒रे ॥ (TS 1.2.13.1)

वि॒ष्णो ररा॑टमसि॒ वि॒ष्णोः पृ॒ष्ठम॑सि॒ वि॒ष्णो-श्न॑प्त्रे॒स्थो वि॒ष्णो
स्स्यूर॑सि॒ वि॒ष्णोर् ध्रु॒वम॑सि॒ वैष्ण॑वमसि॒ वि॒ष्णवे॑ त्वा ॥ (TS 1.2.13.3)

(ओं अधिदेवता प्रत्यधिदेवता सहिताय भगवते बुधाय नमः) 5

6. (देवता – बुहस्पतिः, अधिदेवता – इन्द्र-मरुत,

प्रत्यधिदेवता – ब्रह्म)

ओं बृ॒हस्प॑ते अति॒ यद॒र्यो अ॒र्हद् द्यु॒मद्-वि॒भाति॒ क्रतु॑ म॒ज्जने॑षु ।

यद्दी॑द यच्छ॒ वस॑र्त्त प्रजा॒त तद॒स्मासु॑ द्रवि॒णं धेहि॑ चि॒त्रं ॥

(TS 1.8.22.2)

इन्द्र॑मरु॒त्व इ॒ह पा॒हि सोमं॑ यथा॑ शार्या॒ते अपि॑बस्सु॒तस्य॑ ।
 तव॑ प्रणी॒ती तव॑ शूर॒ शर्म॑न्ना-वि॒वास॑न्ति क॒वयः॑ सुय॒ज्ञाः ॥
 (TS 1.4.18.1)

ब्रह्म॑ज॒ज्ञानं॑ प्रथ॒मं पु॒रस्ता॑द् वि॒सीम॑त-स्सु॒रुचो॑ वे॒न आवः॑ ।
 स॒बुद्धि॑न्या उप॒मा अ॒स्य वि॒ष्ठास्स॑तश्च॒ योनि॑म-स॒तश्च॑ वि॒वः ॥
 (TS 4.2.8.2)

(ओं अधिदे॒वता प्रत्य॑धिदे॒वता स॑हि॒ताय॑ भ॒गव॑ते बृ॒हस्प॑तये॒ नमः॑) 6

7. (दे॒वता – शनैश्च॑रः, अधिदे॒वता – प्र॑जापतिः,

प्रत्य॑धिदे॒वता – यमः॑)

ओं श॒न्नो दे॒वी-र॒भिष्ट॑य॒ आपो॑ भवन्तु पी॒तये॑ ॥
 शं यो॒रभि॑-स्रवन्तु नः ॥ (TA 7.42.4)

प्र॒जाप॑ते न त्वदे॒ता-न्य॒न्यो वि॒श्वा जा॒तानि॑ परि॒ता ब॑भूव ।
 यत्का॑मास्ते जुहु॒मस्त॑न्नो अस्तु व॒यं स्या॑म प॒तयो॑ रयी॒णां ॥
 (TS 1.8.14.2)

इ॒मं य॑म प्र॒स्तर॑माहि सी॒दाङ्कि॑रोभिः पि॒तृभिः॑ स॒म्वि॑दानः ।
 आ॒त्वा म॒न्त्राः क॑वि॒शस्ता॑ वह॒न्त्वे॒ना रा॑जन् ह॒विषा॑ मादयस्व ॥
 (TS 2.6.12.6)

(ओं अधिदेवता प्रत्यधिदेवता सहिताय भगवते शनैश्चराय नमः) 7

8. (देवता – राहु, अधिदेवता– सर्पः, प्रत्यधिदेवता – निर्ऋति)

ओं कया नश्चित्र आभुवदूती सदावृध स्सखा ॥

कया शचिष्ठया वृता ॥ (TS 4.2.11.2)

आऽयङ्कौः पृश्निरक्रमी-दसनन् मातरं पुनः ।

पितरञ्च प्रयन्त्सुवः ॥ (TS 1.5.3.1)

यत्ते देवी निर्ऋति राबबन्ध दाम ग्रीवास्व-विचर्त्य ।

इदन्ते तद्विष्या-म्यायुषो न मद्ध्या-दथा जीवः

पितुमद्धि प्रमुक्तः ॥ (TS 4.2.5.3)

(ओं अधिदेवता प्रत्यधिदेवता सहिताय भगवते राहवे नमः) 8

9. (देवता – केतुः , अधिदेवता – ब्रह्म,

प्रत्यधिदेवता – चित्रगुप्तः)

ओं केतुङ् कृण्वन्नकेतवे पेशो मर्या अपेशसे ॥

समुषद्भिरजायथाः ॥ (TS 7.4.20.1)

ब्र॒ह्मा दे॒वानां॑ प॒दवीः॑ क॒वीना-मृ॒षिर्वि॒प्राणां॑ म॒हिषो मृ॒गाणां॑ ।

श्ये॒नो गृ॒द्ध्राणा॑ स्व॒धिति॑र् व॒नाना॑ सोमः॑

पवि॒त्र म॒त्येति॑ रेभ॒न् ॥ (TS 3.4.11.1)

सचि॒त्र चि॒त्रं चि॒तय॑न्त-म॒स्मे चि॒त्रक्ष॑त्र चि॒त्रत॑मं व॒योधां॑ ।

चन्द्रं॑ रयिं॑ पु॒रुवी॑रं बृ॒हन्तं॑ चन्द्र-च॒न्द्राभि॑र्-गृ॒णते॑ यु॒वस्व ॥

(RV 6.6.7).

(ओं अधिदेवता प्रत्यधिदेवता सहितेभ्यो भगवद्भ्यः केतुभ्यो नमः) 9

॥ ओं आदित्यादि नवग्रह देवताभ्यो नमो नमः॥

(ओं शान्तिः शान्तिः शान्तिः ॥)

18 दिक् पालका मन्त्राः

1. (देवता – इन्द्रः) (दिक् – पूर्व) (TS 1.6.12.5)

त्रा॒ता॒रमि॑न्द्र-मवि॒ता॒र-मि॑न्द्र ह॒वे ह॒वे सु॒हव॑ शू॒रमि॑न्द्र ।

हु॒वे नु श॒क्रं पु॒रुहू॑त-मि॑न्द्र स्व॒स्ति नो म॒घवा॑ धा॒त्विन्द्रः॑ ॥ 1

2. (देवता-अग्नीः) (दिक्-दक्षिण पूर्व/आग्नेय दिक्) (T.S.2.5.12.3)

त्वन्नो॑ अग्ने॑ वरुणस्य॑ विद्वान् देवस्य॑ हेडोऽव॑ यासिसीष्ठाः ।
यजिष्ठो॑ वह्नितम॑ रशोशु॑चानो विश्वा॑ द्वेषाँ॑सि प्रमु॑मुग्ध्यस्मत् ॥ 2

3. (देवता - यमः) (दिक् - दक्षिणं) (T.B.3.1.2.11)

सुगन्नः॑ पन्थाम॑भयं कृणोतु । यस्मिन्नक्षत्रे॑ यम एति॑ राजा ॥
यस्मिन्नेन॑-मभ्यषि॑ञ्चन्त देवाः । तदस्य॑ चित्रं॑ हविषा॑ यजाम ।
अप॑ पाप्मानं॑ भरणीर् भरन्तु ॥ 3

4. (देवता- निर्ऋतिः) (दिक् - दक्षिण पश्चिमं) (TS 4.2.5.4)

असुन्वन्त॑-मयजमान॑-मिच्छ स्तेन॑-स्येत्यान् तस्कर॑स्यान्वेषि ।
अन्य॑-मस्म-दिच्छ॑ सा त इत्या॑ नमो देवि निर्ऋते॑ तुभ्यमस्तु ॥ 4

5. (देवता- वरुणः) (दिक् - पश्चिमं) (TS 2.1.11.6)

तत्त्वा॑ यामि ब्रह्म॑णा वन्दमान॑-स्तदाशास्ते॑ यजमानो हविर्भिः॑ ।
अहेड॑मानो वरुणेह॑ बोद्ध्युरुशँ॑ स मा न आयुः॑ प्रमोषीः ॥ 5

6. (देवता – वायुः) (दिक् – उत्तर पश्चिमं) (T.B.2.8.1.2)

आ नो॑ नि॒यु॒द्धि॑-॒र॒श॒ति॒नी॑-॒भि॒र॒ध्व॒रं । स॒ह॒स्रि॒णी॒भि॒-रु॒प॒या॒हि य॒ज्ञं ।
वा॒यो अ॒स्मिन् ह॒वि॒षि॑ मा॒दय॑स्व ।
यू॒यं पा॑त स्व॒स्ति-भि॒स्स॒दानः॑ ॥ 6

7. (देवता – सोमः) (दिक् – उत्तरं) (T.B.2.4.2.7)

व॒यं सो॑म व्र॒ते तव॑ । म॒न॒स्त॒नू॒षु बि॒भ्रतः॑ । प्र॒जा॒व॒न्तो अ॒शी॒म॒हि ॥ 7

8. (देवता – ईशानः) (दिक् – उत्तर पूर्व) (RV.1.89.5)

तमी॑शा॒नं ज॒गत॑-स्त॒स्थु-ष॒स्पतिं॑ । धि॒यं जि॒न्व॒म॒व॒से हू॒म॒हे व॒यं ।
पू॒षा नो॑ य॒था वे॒द सा॒म॒स॒द्व॒धे र॒क्षि॒ता पा॒यु-र॒द॒ब्ध-स्व॒स्तये॑ ॥ 8

9. (देवता – ब्रह्मा) (दिक् – ऊर्ध्वं Skywards) (RV.8.63.1.2)

अ॒स्मे रु॒द्रा मे॒ह॒ना प॑र्व॒ता॒सो वृ॒त्र॒ह॒त्ये भ॑र॒हू॒तौ स॒जोषाः॑ ।
य॒शंस॑ते स्तु॒व॒ते धा॒यि प॒ज्र इ॒न्द्र॒ज्ये॒ष्ठा अ॒स्मा अ॑व॒न्तु दे॒वाः ॥ 9

10. (देवता – विष्णुः) [दिक् – अधरं (पाताळं)] (TA. 6.1.10)

स्यो॒ना पृ॑थि॒वि भ॒वाऽनृ॑क्ष॒रा नि॒वेश॑नी । य॒च्छा न॒शर्म॑ स॒प्र॒थाः ॥ 10

19 नक्षत्र सूक्तं

(Starting from TB 3.1.1, for item no. 1 to 40)

1. नक्षत्रं – कृत्तिका

देवता – अग्निः

अ॒ग्नि॒र्नः॑ पा॒तु कृ॑त्ति॒काः । नक्ष॑त्रं दे॒वमिन्द्रि॑यं ।

इ॒दमा॑सां-वि॒चक्ष॑णं । ह॒विरा॑सन् जु॒होत॑न ।

यस्य॑ भा॒न्ति र॒श्मयो॑ यस्य॑ के॒तवः॑ । यस्ये॒मा वि॒श्वा भु॑व॒नानि॑ सर्वा॑ ।

स कृ॑त्तिका भि॒रभि-सँ॑वसानः । अ॒ग्निर्नो॑ दे॒वस्सु॑वि॒ते द॑धातु ॥ 1

2. नक्षत्रं – रोहिणी

देवता – प्रजापतिः

प्र॒जाप॑ते रोहि॒णी वे॑तु॒ पत्नी॑ । वि॒श्वरू॑पा बृ॒हती चि॒त्रभा॑नुः ।

सा नो॑ य॒ज्ञस्य॑ सु॒वि॒ते द॑धातु । यथा जी॒वेम॑ श॒रद॑स्स॒वीराः॑ ।

रोहि॒णी दे॒व्युद॑गात् पु॒रस्ता॑त् । वि॒श्वा रू॒पाणि॑ प्र॒तिमो॑द॒माना॑ ।

प्र॒जाप॑तिꣳ ह॒विषा॑ व॒र्द्धय॑न्ती । प्रि॒या दे॒वाना॑-मु॒पया॑तु य॒ज्ञं ॥ 2

3. नक्षत्रं – मृगशीर्षः

देवता – सोमः

सोमो॑ रा॒जा मृ॑गशी॒र्षेण॑ आ॒गन् । शि॒वं नक्ष॑त्रं प्रि॒यम॑स्य॒ धाम॑ ।

आ॒प्याय॑मानो बहु॒धा जने॑षु । रे॒तः प्र॒जां य॑ज॒माने॑ द॒धातु॑ ।

यत्ते॑ नक्ष॑त्रं मृ॒गशी॑र्षमस्ति॑ । प्रि॒यञ् रा॑जन् प्रि॒यत॑मं प्रि॒याणां॑ ॥
तस्मै॑ ते सोम॑ ह॒विषा॑ वि॒धेम॑ । शन्न॑ ए॒धि द्वि॒पदे॑ शंचतु॑ष्पदे ॥ 3

4. नक्षत्रं – आर्द्रा

देवता – रुद्रः

आ॒र्द्रया॑ रु॒द्रः प्र॑थ॒मा न॑ एति॑ । श्रेष्ठो॑ दे॒वानां॑ पति॑र॒घ्निया॑नां ॥
नक्ष॑त्रमस्य॑ ह॒विषा॑ वि॒धेम॑ । मा नः॑ प्र॒जाञ् री॑रिषन् मोत॑ वी॒रान् ।
हेती॑ रु॒द्रस्य॑ परि॒णो वृ॑णक्तु॑ । आ॒र्द्रा नक्ष॑त्रं जुष॒ताञ् ह॒विर्नः॑ ।
प्र॒मुञ्च॑मानौ दु॒रितानि॑ वि॒श्वा ॥ अ॒पा॒घश॑ञ् सन्नु॒-दता॑मरातिं ॥ 4

5. नक्षत्रं – पुनर्वसु

देवता – अदितिः

पुन॑र्नो दे॒व्यदि॑ति-स्पृ॒णोतु॑ । पुन॑र्वसू नः पुन॑रेतां य॒ज्ञं ।
पुन॑र्नो दे॒वा अ॒भिय॑न्तु॒ सर्वे॑ ॥ पुनः॑ पुन॑र्वो ह॒विषा॑ यजामः ।
ए॒वा न दे॒व्य-दि॑तिरन॒र्वा । वि॒श्वस्य॑ भ॒र्त्री ज॑गतः प्र॒तिष्ठा॑ ।
पुन॑र्वसू ह॒विषा॑ व॒र्द्धय॑न्ती । प्रि॒यं दे॒वाना॑-म॒प्येतु॑ पाथः ॥ 5

6. नक्षत्रं – पुष्यः

देवता – बृहस्पतिः

बृ॒हस्प॑तिः प्र॒थम॑ञ्जायमानः । ति॒ष्यं नक्ष॑त्रम॒भि संब॑भूव ।
श्रेष्ठो॑ दे॒वानां॑ पृ॒तना॑सु जि॒ष्णुः । दि॒शो नु॑ सर्वा॑ अभय॑न्नो अस्तु॑ ।

ति॒ष्यः॑ पु॒रस्ता॑दु॒त म॑द्ध्यतो नः । बृ॒हस्प॑तिर् नः परि॑पातु प॒श्चात् ।
बा॒धे ता॑न् द्वेषो॒ अभ॑यं कृणुतां । सु॒वीर्य॑स्य पत॑यस्याम ॥ 6

7. नक्षत्रं – आश्रेषं

देवता – सर्पाः

इ॒दं स॒र्पेभ्यो॑ ह॒विर॑स्तु जुष्टं॑ । आ॒श्रेषा॑ येषा॑ मनु॑यन्ति चे॒तः ।
ये अ॒न्तरि॑क्षं पृथि॒वीं-क्षि॑यन्ति । तेन॑ स्स॒र्पासो॒ हव॑मागमिष्ठाः ।
ये रो॒चने॑ सू॒र्यस्या॑पि सर्पाः । ये दि॒वं दे॒वी-मनु॑सञ्चरन्ति ।
येषा॑मा॒श्रेषा॑ अनु॑यन्ति का॒मं । तेभ्य॑-स्स॒र्पेभ्यो॑ मधु॑-मज्जु॒होमि॑ ॥ 7

8. नक्षत्रं – मघा

देवता – पितरः

उप॑हूताः पि॒तरो॒ ये म॒घासु॑ । मनो॑जवस-स्सु॒कृत॑-स्सु॒कृत्याः॑ ।
ते नो॑ नक्ष॒त्रे हव॑मागमिष्ठाः । स्व॒धाभि॑र् य॒ज्ञं प्र॑यतं जुषन्तां ।
ये अ॒ग्निद॑ग्धा येऽन॒ग्नि-द॑ग्धाः । येऽमु॒ल्लो॒कं पि॒तरः॑ क्षि॑यन्ति ।
या॒श्च वि॒द्यया॑ उ॒ च न॑ प्रवि॒द्य । म॒घासु॑ य॒ज्ञं सु॒कृतं॑ जुषन्तां ॥ 8

9. नक्षत्रं – पूर्वफल्गुनी

देवता – अर्यमा

गवां॑ पतिः॒ फल्गु॑नी-नामसि॒ त्वं । तद॑र्यमन् वरुण मि॒त्र चा॑रु ।
तन्त्वा॑ व॒यं स॒नितार॑ स॒नीनां॑ । जी॒वा जी॑वन्तमु॒प सँवि॑शेम ।

ये॒ने॒मा॒ वि॒श्वा॒ भु॒व॒ना॒नि॒ स॒ज्जि॒ता । यस्य॑ दे॒वा अ॒नु॒स॒य्य॑न्ति॒ चे॒तः ।
अ॒र्य॒मा॒ रा॒जाऽज॒र॒स्तु॒ वि॒ष्मा॒न् । फ॒ल्गु॒नी॒ना-मृ॒ष॒भो॒ रोर॑वीति ॥ 9

10. नक्षत्रं – उत्तर फल्गुनी **देवता – भगः**

श्रे॒ष्ठो॑ दे॒वानां॑॑ भ॒गवो॑ भ॒गासि॑ । तत्त्वा॑ वि॒दुः फ॒ल्गु॒नी-स्तस्य॑ वि॒त्तात् ।
अ॒स्मभ्यं॑-क्ष॒त्रम॒जर॑ सु॒वीर्यं॑ । गो॒मद॑श्च-व॒दुप॑सन्नु-दे॒ह ।
भ॒गो॒ह दा॒ता भ॒ग इ॒त्प्रदा॒ता । भ॒गो दे॒वीः फ॒ल्गु॒नी-रा॒वि॒वेश॑ ।
भ॒गस्ये॑त्तं प्र॒स॒वं ग॒मेम॑ । यत्र॑ दे॒वै-स्स॒ध॒मादं॑ म॒देम॑ ॥ 10

11. नक्षत्रं – हस्तः **देवता – सविता**

आ॒या॒तु दे॒व-स्स॒वि॒तो प॒या॒तु । हि॒र॒ण्य॒येन॑ सु॒वृ॒ता र॒थेन॑ ।
व॒हन् ह॒स्तं सु॒भगं॑ वि॒द्वना॑प॒सं । प्र॒यच्छ॑न्तं प॒पु॒रिं पु॒ण्य॒मच्छ॑ ।
ह॒स्तः प्र॒यच्छ॑ त्व॒मृतं॑ व॒सीयः॑ । दक्षि॑णेन॒ प्रति॑गृ॒ष्णीम॑ ए॒नत् ।
दा॒ता॒र-म॒द्य स॒वि॒ता वि॒देय॑ । यो नो॑ ह॒स्ताय॑ प्र॒सु॒वाति॑ य॒ज्ञं ॥ 11

12. नक्षत्रं – चित्रा **देवता – त्वष्टा**

त्व॒ष्टा नक्ष॑त्र-म॒भ्येति॑ चि॒त्रां । सु॒भं स॒सं-यु॒वति॑ रो॒चमा॑नां ।
नि॒वेश॑य-न्न॒मृता॑न् म॒र्त्याश्च॑ । रू॒पाणि॑ पि॒शन् भु॒व॒ना॒नि वि॒श्वा ।

तन्नस्त्वष्टा तदु चित्रा विचष्टां । तन्नक्षत्रं भूरिदा अस्तु मह्यं ॥
तन्नः प्रजां वीरवतीं सनोतु । गोभिर्नो अश्वै-स्समनक्तु यज्ञं ॥ 12

13. नक्षत्रं – स्वाती

देवता – वायुः

वायुर् नक्षत्र-मभ्येति निष्ठ्यां । तिग्मश्रृंगो वृषभो रोरुवाणः ।
समीरयन् भुवना मातरिश्वा । अप द्वेषांसि नुदतामरातीः ।
तन्नो वायस्तदु निष्ठ्या शृणोतु । तन्नक्षत्रं भूरिदा अस्तु मह्यं ॥
तन्नो देवासो अनु जानन्तु कामं । यथा तरेम दुरितानि विश्वा ॥ 13

14. नक्षत्रं – विशाखा

देवता – इन्द्राग्नी

दूरमस्मच्छत्रवो यन्तु भीताः । तदिन्द्राग्नी कृणुतां तद् विशाखे ।
तन्नो देवा अनुमदन्तु यज्ञं । पश्चात् पुरस्ता-दभयन्नो अस्तु ।
नक्षत्राणा-मधिपत्नी विशाखे । श्रेष्ठा-विन्द्राग्नी भुवनस्य गोपौ ।
विषूच-श्शत्रूनपबाधमानौ । अपक्षुध-न्नुदतामरातिं ॥ 14

15. पौर्णमासि

पूर्णा पश्चादुत पूर्णा पुरस्तात् । उन्मद्ध्यतः पौर्णमासी जिगाय ।
तस्यां देवा अधि सं वसन्तः । उत्तमे नाक इह मादयन्तां ।

पृ॒थ्वी सु॒वर्चा॑ यु॒वति॑-स्सजोषाः॑ । पौ॒र्ण॒मा॒स्यु॒दगा॑-च्छोभ॑माना ।
आ॒प्याय॑यन्ती दु॒रितानि॑ वि॒श्वा । उ॒रुं दु॒हां यँज॑मानाय य॒ज्ञं ॥ 15

16. नक्षत्रं – अनूराधा

देवता – मित्रः

ऋ॒द्ध्या॒स्म ह॒व्यैर् नम॑सोप-सद्य । मि॒त्रं दे॒वं मि॒त्रधे॑यन्नो अस्तु ।
अ॒नू॒रा॒धान्. ह॒विषा॑ व॒र्द्धय॑न्तः । श॒तं जी॑वेम श॒रद॑स्सवीराः ।
चि॒त्रं-नक्ष॑त्र-मु॒दगा॑त् पु॒रस्ता॑त् । अ॒नू॒रा॒धा स इति॑ यद् वद॑न्ति ।
तन्मि॒त्र एति॑ प॒थिभि॑ दे॒वयानैः॑ । हि॒र॒ण्य॒यैर् वित॑तै-रन्त॑रिक्षे ॥ 16

17. नक्षत्रं – ज्येष्ठा

देवता – इन्द्रः

इ॒न्द्रो ज्ये॑ष्ठा मनु॒ नक्ष॑त्रमेति । यस्मिन् वृ॒त्रं वृ॑त्र तू॒र्ये त॒तार॑ ।
तस्मिन् व॒य-म॒मृतं॑ दु॒हानाः॑ । क्षु॒धन्त॑रेम दु॒रितिं॑ दु॒रिष्टिं॑ ।
पु॒र॒न्द॒राय॑ वृष॒भाय॑ धृ॒ष्णवे॑ । अ॒षाढा॑य स॒हमा॑नाय मी॒ढुषे॑ ।
इ॒न्द्राय॑ ज्ये॑ष्ठा मधु॒मदु॑हाना । उ॒रुं कृ॑णोतु यज॑मानाय लो॒कं ॥ 17

18. नक्षत्रं – मूलं

देवता – प्रजापतिः

मू॒लं प्र॒जां वी॒रव॑तीं वि॒देय॑ । प॒राच्ये॑तु नि॒र्ऋ॑तिः प॒राचा॑ ।
गो॒भिर् नक्ष॑त्रं प॒शुभि॑-स्सम॑क्तं । अ॒हर् भू॒याद् यज॑मानाय म॒ह्यं ॥

अ॒हर्नो॑ अ॒द्य सु॒वि॒ते द॒धातु॑ । मूलं॑ नक्ष॒त्रमि॒ति यद् वद॑न्ति ।
परा॑चीं वा॒चा निर्ऋ॑तिं नुदामि । शि॒वं प्र॒जायै॑ शि॒वमस्तु॑ मह्यं ॥ 18

19. नक्षत्रं – पूर्वाषाढा देवता – आपः

या दि॒व्या आपः॑ पय॒सा सं॒बभू॑वुः । या अ॒न्तरि॑क्ष उ॒त पा॒र्त्थि॒वीर्याः॑ ।
यासा॑मषा॒ढा अनु॑यन्ति का॒मं । ता न॒ आपः॑ श॒ऽस्यो॒ना भव॑न्तु ।
याश्च॑ कू॒प्या याश्च॑ ना॒द्या-स्समु॑द्रि॒याः । याश्च॑ वै॒शन्ती॒रुत प्रा॑स॒चीर्याः॑ ।
यासा॑मषा॒ढा मधु॑ भक्षयन्ति । ता न॒ आपः॑ श॒ऽस्यो॒ना भव॑न्तु ॥ 19

20. नक्षत्रं – उत्तराषाढा देवता – विश्वेदेवाः

तन्नो॑ वि॒श्वे उप॑ श्रृण्वन्तु दे॒वाः । तद॑षा॒ढा अ॒भिसँ॑यन्तु य॒ज्ञं ।
तन्नक्ष॑त्रं प्रथ॒तां प॒शुभ्यः॑ । कृ॒षिर्-वृ॒ष्टिर् यज॑मानाय कल्प॒तां ।
शु॒भ्राः क॒न्या यु॒वतय॑-स्सु॒पेश॑सः । क॒र्मकृ॑त-स्सु॒कृतो॑ वी॒र्या॑वतीः ।
वि॒श्वान् दे॒वान् ह॒विषा॑ वर्द्धयन्तीः ।
अ॒षा॒ढाः का॒म मु॑पयान्तु य॒ज्ञं ॥ 20

21. नक्षत्रं – अभिजित्**देवता – ब्रह्मा**

यस्मिन् ब्रह्माभ्यजयत् सर्वमेतत् । अमुञ्च लोकमिदमूच सर्वं ।
 तन्नो नक्षत्र-मभिजिद् विजित्य । श्रियं दधात्व-हणीयमानं ।
 उभौ लोकौ ब्रह्मणा सञ्जितेमौ । तन्नो नक्षत्र-मभिजिद् विचष्टां ।
 तस्मिन् वयं पृतना स्संजयेम । तन्नो देवासो अनुजानन्तु कामं ॥ 21

22. नक्षत्रं – श्रवणं**देवता – विष्णुः**

शृण्वन्ति श्रोणा-ममृतस्य गोपां । पुण्यामस्या उपशृणोमि वाचं ।
 महीं देवीं विष्णुपत्नी मजूर्यां । प्रतीची मेनाञ् हविषा यजामः ।
 त्रेधा विष्णु-रुरुगायो विचक्रमे । महीं दिवं पृथिवी-मन्तरिक्षं ।
 तच्छ्रोणैति श्रव-इच्छमाना । पुण्यञ् श्लोकं यजमानाय कृण्वती ॥ 22

23. नक्षत्रं – श्रविष्ठा**देवता – वसवः**

अष्टौ देवा वसवस्सोम्यासः । चतस्रो देवी रजराः श्रविष्ठाः ।
 ते यज्ञं पान्तु रजसः परस्तात् । सँवथ्सरीण-ममृतञ् स्वस्ति ।
 यज्ञं नः पान्तु वसवः पुरस्तात् । दक्षिणतो-ऽभियन्तु श्रविष्ठाः ।
 पुण्यन्नक्षत्रमभि सँविशाम । मा नो अराति-रघशञ् सागन् ॥ 23

24. नक्षत्रं – शतभिषक्**देवता – वरुणः**

क्ष॒त्रस्य॑ रा॒जा वरु॑णोऽधि॒राजः॑ । नक्ष॑त्राणां॒ शत॑भिष॒ग् वसि॑ष्ठः ।
 तौ दे॒वेभ्यः॑ कृ॒णुतो॑ दी॒र्घमा॑युः । श॒तं सह॑स्रा भेष॒जानि॑ धत्तः ।
 य॒ज्ञन्नो॑ रा॒जा वरु॑ण उप॒यातु॑ । तन्नो॑ वि॒श्वे अ॒भिसँ॑य्यन्तु दे॒वाः ।
 तन्नो॑ नक्ष॑त्रं॒ शत॑भिष॒ग् जुषा॑णं । दी॒र्घमा॑युः प्र॒तिर॑द् भेष॒जानि॑ ॥ 24

25. नक्षत्रं – पूर्वप्रोष्ठपदा**देवता – अजयेकपादः**

अ॒ज एक॑पा- दु॒दगा॑त् पु॒रस्ता॑त् । वि॒श्वा भू॑तानि प्र॒ति मो॑द॒मानः॑ ।
 तस्य॑ दे॒वाः प्र॒सवं॑ य॒न्ति स॑र्वे । प्रो॒ष्ठप॑दासो अ॒मृत॑स्य गो॒पाः ।
 वि॒भ्राज॑मान-स्स॒मिधान॑ उ॒ग्रः । आ॒न्तरि॑क्ष-म॒रुह॑द-ग॒न्धां ।
 तं सूर्य॑ दे॒व-म॒जमे॑कपादं । प्रो॒ष्ठप॑दासो अ॒नुय॑न्ति स॑र्वे ॥ 25

26. नक्षत्रं – उत्तरप्रोष्ठपदा**देवता – अहिर्बुद्धिधनयः**

अ॒हिर् बु॒द्धिध॑नयः प्रथ॒मान॑ एति । श्रे॒ष्ठो दे॒वाना॑मु॒त मा॑नुषाणां ।
 तं ब्रा॒ह्मणा॑-स्सो॒मपा॑-स्सो॒म्यासः॑ । प्रो॒ष्ठप॑दासो अ॒भिर॑क्षन्ति स॑र्वे ।
 च॒त्वार॑ एक॒मभि॑ कर्म दे॒वाः । प्रो॒ष्ठप॑दास इति॒ यान् व॑दन्ति ।
 ते बु॒द्धनि॑यं परि॒षद्य॑ स्तु॒वन्तः॑ । अ॒हिं र॑क्षन्ति नम॒सोप॑ सद्य ॥ 26

27. नक्षत्रं – रेवतीदेवता – पूषा

पू॒षा रे॒वत्य॑न्वे॒ति प॒न्थां॑ । पु॒ष्टि॒पती॑ प॒शुपा॑ वाज॑ब॒स्त्यौ ।
 इ॒मानि॑ ह॒व्या प्र॑यता जुषा॒णा । सु॒गैर्नो॑ या॒नैरु॒पया॑तां य॒ज्ञं ।
 क्षु॒द्रान् प॒शून् र॑क्षतु रे॒वती॑ नः । गा॒वो नो॑ अ॒श्वाँ अ॒न्वे॒तु पू॒षा ।
 अ॒न्नँ र॑क्षन्तौ बहु॒धा वि॒रूपं॑ । वाजँ॑ स॒नुतां॑ य॒जमा॑नाय य॒ज्ञं ॥ 27

28 नक्षत्रं – अश्विनीदेवता – अश्विनी देवौ

तद॒श्विना॑-व॒श्वयु॑जो-प॒यातां॑ । शु॒भङ्ग॑मि॒ष्टौ सु॒यमे॑भि॒रश्वैः॑ ।
 स्व॒न्नक्ष॑त्रँ ह॒विषा॑ यजन्तौ । म॒ध्वा-सं॑पृ॒क्तौ य॒जुषा॑ स॒मक्तौ॑ ।
 यौ दे॒वानां॑ भि॒षजौ॑ ह॒व्यवा॒हौ । वि॒श्वस्य॑ दू॒ता-व॒मृत॑स्य गो॒पौ ।
 तौ नक्ष॑त्रं-जु॒जुषा॑णो-प॒यातां॑ । नमो॑ऽश्वि॒भ्यां कृ॑णुमो-ऽश्व॒ग्युभ्यां॑ ॥ 28

29. नक्षत्रं – अपभरणीदेवता – यमः

अप॑ पा॒प्मानं॑ भ॒रणी॑र् भ॒रन्तु॑ । तद् य॒मो रा॒जा भ॑ग॒वान् वि॑च॒ष्टां ।
 लो॒कस्य॑ रा॒जा म॒हतो॑ म॒हान् हि॑ । सु॒ग॒न्नः प॒न्था॒मभ॑यं कृ॒णोतु॑ ।
 यस्मिन्॑ नक्ष॒त्रे य॒म ए॒ति रा॒जा । यस्मि॑न्ने॒न-म॒भ्यषि॑ञ्चन्त दे॒वाः ।
 तद॑स्य चि॒त्रँ ह॒विषा॑ य॒जाम॑ । अप॑ पा॒प्मानं॑ भ॒रणी॑र् भ॒रन्तु॑ ॥ 29

30. अमावासि

निवेश॑नी स॒ङ्गम॑नी वसू॑नां वि॒श्वा रू॒पाणि वसू॑न्या-वेश॑यन्ती ।
 सह॒स्र-पोष॑ सु॒भगा ररा॑णा सा न आ॒गन् वर्च॑सा सँवि॒दाना ।
 यत्ते॑ दे॒वा अ॒दधु॑र् भा॒गधे॑य-ममा॑वास्ये सँव॑सन्तो म॒हित्वा ।
 सा नो॑ य॒ज्ञं पि॑पृहि वि॒श्ववारे॑ रयि॒न्नो धेहि॑ सु॒भगे सु॒वीरं॑ ॥ 30

Optional Additional Chanting (31 to 40)

31. चन्द्रमा

नवो॑ नवो भवति जा॒यमा॑नोऽ॒ह्नां के॒तु-रुष॑सा मे॒त्यग्रै॑ ।
 भा॒गं दे॒वेभ्यो॑ वि॒दधा॑त्यायन् प्र॒चन्द्र॑मास्तिरिति दी॒र्घमा॑युः ॥
 यमा॑दित्या अ॒शुमा॑प्याय॒यन्ति॑ यम॒क्षित॑-म॒क्षित॑यः पिब॑न्ति ।
 तेन॑ नो रा॒जा वरु॑णो बृ॒हस्प॑ति रा॒प्याय॑यन्तु भु॒वन॑स्य गो॒पाः ॥ 31

32. अहो रात्री

ये वि॒रूपे॑ सम॒नसा॑ सँव्य॑यन्ती । स॒मानं॑ तन्तुं॑ परि॒ता-त॑नातै॑ ।
 वि॒भू प्र॒भू अ॒नुभू॑ वि॒श्वतो॑ हुवे । ते नो॑ नक्ष॒त्रे ह॒वमा॑ग-मे॒तं ।

व॒यं दे॒वी ब्र॒ह्म॒णा संवि॑दा॒नाः । सु॒र॒न्ना॒सो दे॒व॒वीतिं॑ द॒धा॒नाः ।
अ॒हो॒रा॒त्रे ह॒विषा॑ व॒र्द्धय॑न्तः । अति॑ पा॒प्मान॑-मति॑मु॒क्त्या ग॑मेम ॥ 32

33. उषा

प्र॒त्यु॒व दृ॒श्याय॑ती । व्यु॒च्छन्ती॑ दुहि॒ता दि॒वः ।
अ॒पो म॒ही वृ॑णुते चक्षु॑षा । तमो॑ ज्योति॑ष्कृ॒णोति॑ सू॒नरी॑ ॥
उ॒दु स्त्रि॒यास्स॑चते॒ सूर्यः॑ । स चा॑ उ॒द्यन्न॑क्ष॒त्र मर्चि॑मत् ।
त वे॒दुषो॑ व्यु॒षि सूर्य॑स्य च । संभ॑क्तेन गमेमहि ॥ 33

34. नक्षत्रः

तन्नो॑ नक्ष॒त्र मर्चि॑मत् । भानु॑मत्तेज उ॒च्छर॑त् ।
उ॒पय॑ज्ञ-मिहा॒गम॑त् । प्र॒नक्ष॑त्राय दे॒वाय॑ । इन्द्रा॑येन्दु॒ः ह॒वाम॑हे ।
स न॑ स्सवि॒ता सु॒वथ् स॒निं । पु॒ष्टि॒दां वी॒रव॑त्तमं ॥ 34

35. सूर्यः

उ॒दुत्यं॑ जा॒तवे॑दसं दे॒वं व॑हन्ति के॒तवः॑ । दृ॒शे वि॒श्वाय॑ सू॒र्य ॥
चि॒त्रं दे॒वा॒ना मु॒दगा॑दनी॒कं चक्षु॑र् मि॒त्रस्य॑ वरु॒णस्या॑ग्नेः ।
आ॒ऽप्रा द्या॒वापृ॑थि॒वी अ॒न्तरि॑क्ष॒ः सूर्य॑ आ॒त्मा ज॑गतस्त॒स्थुष॑श्च ॥ 35

36. अदितिः

अ॒दि॒तिर्न॑ उ॒रुष्य॑-त्व॒दि॒तिः श॒र्म य॑च्छतु । अ॒दि॒तिः पा॒त्व॒ ह॒सः ।
 म॒हीमू॑षु मा॒तर॒ सु॒व्र॒ता॒ना-मृ॒तस्य॑ प॒त्नी म॑वसे हुवेम ।
 तु॒वि॒क्ष॒त्रा-म॒ज॒र॒न्ती मु॒रू॒ची सु॒श॒र्मा॒ण-म॑दि॒ति सु॒प्र॒णी॒तिं ॥ 36

37. विष्णुः

इ॒दं वि॑ष्णुर् वि॒च॒क्रे मे॒ त्रे॒धा नि॑दधे प॒दं । स॒मू॒ढम॑स्य पा॒ सुरे॑ ।
 प्र॒तद्वि॑ष्णु स्तवते वी॒र्या॑य । मृ॒गो न॑ भी॒मः कु॑च॒रो गि॑रि॒ष्ठाः ।
 य॒स्यो॒रुषु॑ त्रि॒षु वि॒क्रम॑णेषु । अ॒धि॒क्षि॒यन्ति॑ भु॒व॒ना॒नि वि॒श्वा ॥ 37

38. अग्निः

अ॒ग्नि॒र् मू॒र्धा दि॒वः क॒कु॒त्प॒तिः पृ॒थि॒व्या अ॒यं ।
 अ॒पा रे॒ता सि॑ जि॒न्वति॑ ।
 भु॒वो य॒ज्ञस्य॑ र॒ज॒सश्च॑ ने॒ता य॒त्रा नि॒यु॒द्धिः स॒च॒से शि॒वाभिः॑ ।
 दि॒वि मू॒र्धा॒नं द॑धि॒षे सु॒व॒र्षां जि॒ह्वा॒म॒ग्ने च॑कृ॒षे ह॒व्य॒वा॒हं ॥ 38

39. अनुमती

अनु॑नोऽद्या॑नुमति॑र् य॒ज्ञं दे॒वेषु॑ मन्यतां ।
 अ॒ग्निश्च॑ ह॒व्यवा॑हनो भवतां दा॒शुषे॑ मयः ।
 अ॒न्विद॑नुमते॒ त्वं म॒न्यासै॑ शंच॒ नः कृ॑धि ।
 क्र॒त्वे द॑क्षाय नो हि॒नु प्र॒ण आ॒यू॒षि ता॑रिषः ॥ 39

40. हव्यवाहः (अग्निः)

ह॒व्यवा॑ह॒मभि॑-मा॒तिषा॑हं॑ । र॒क्षो॒हणं॑ पृ॒तना॑सु जि॒ष्णुं ।
 ज्यो॑ति॒ष्मन्तं॑ दी॒द्यतं॑ पु॒रन्धिं॑ । अ॒ग्नि॒ऽस्वि॑ष्ट कृ॒तमा॑हु॒वेम॑ ।
 स्वि॑ष्ट म॒ग्ने अ॒भित॑त् पृ॒णाहि॑ । वि॒श्वा दे॒व पृ॒तना॑ अ॒भिष्य॑ ।
 उ॒रुन्नः॑ प॒न्थां प्र॑दि॒शन् वि॑भा॒हि । ज्यो॑ति॒ष्मद्धे॒ह्य ज॒रन्न॑ आ॒युः ॥ 40

20 शान्ति पञ्चकं

TA 5.1.1

ओं श॒न्नो मि॒त्रः शं॑ व॒रुणः॑ । श॒न्नो भ॑व॒त्व॒र्य॒मा ।
 श॒न्न इ॒न्द्रो बृ॒हस्प॑तिः । श॒न्नो वि॒ष्णु॑रु॒रुक्रमः॑ ।

नमो॑ ब्रह्म॑णे । नमस्ते॑ वायो ।

त्वमे॒व प्र॒त्यक्षं॑ ब्रह्मा॑सि । त्वमे॒व प्र॒त्यक्षं॑ ब्रह्म॑ वदिष्यामि ।

ऋतं॑ वदिष्यामि । सत्यं॑ वदिष्यामि ।

तन्मा॑मवतु । तद्व॒क्तार॑मवतु । अव॒तु मां । अव॒तु व॒क्तारं॑ ॥ 1

ओं शान्तिः॑ शान्तिः॑ शान्तिः॑ ॥

TA 5.12.1

ओं शन्नो॑ मि॒त्रः शं॑ वरु॒णः । शन्नो॑ भव॒त्व॒र्य॒मा ।

शन्न॑ इन्द्रो॒ बृह॒स्पतिः॑ । शन्नो॑ विष्णु॒रुरु॒क्रमः॑ । नमो॑ ब्रह्म॑णे ।

नमस्ते॑ वायो । त्वमे॒व प्र॒त्यक्षं॑ ब्रह्मा॑सि । त्वामे॒व प्र॒त्यक्षं॑ ब्रह्मा॑वादिषं ।

ऋत॑मवादिषं । सत्य॑मवादिषं । तन्मा॑मावीत् । तद्व॒क्तार॑मावीत् ।

आवी॑न्मां । आवी॑द्व॒क्तारं॑ ॥ 2

ओं शान्तिः॑ शान्तिः॑ शान्तिः॑ ॥

TA 5.13.1

ओं सह॑ नाववतु । सह॑ नौ भुनक्तु । सह॑ वी॒र्यं॑ करवावहै ।

तेज॒स्विना॒-वधी॑तमस्तु मा विद्विषा॒वहै॑ ॥ 3

ओं शान्तिः॑ शान्तिः॑ शान्तिः॑ ॥

TA 7.1.1

नमो॑ वा॒चे या चो॑दिता या चानु॑दिता तस्यै॑ वा॒चे नमो॑
 नमो॑ वा॒चे नमो॑ वा॒चस्प॑तये नम ऋ॑षिभ्यो मन्त्र॑कृद्भ्यो मन्त्र॑पतिभ्यो
 मा मामृ॑षयो मन्त्र॑कृतो मन्त्र॑पतयः परा॑दुर्मा-ऽहमृ॑षीन् मन्त्र॑कृतो
 मन्त्र॑पतीन् परा॑दां वै॒श्वदे॒वीं वा॒चमु॒द्यास॑ शि॒वा मद॑स्ताञ्जु॒ष्टां
 दे॒वेभ्यः॑ शर्म॑ मे द्यौः शर्म॑ पृथि॒वी शर्म॑ विश्व॑मिदं जगत् ।
 शर्म॑ चन्द्र॑श्च सूर्य॑श्च शर्म॑ ब्रह्म॑ प्रजा॒पती ।
 भू॒तं व॑दिष्ये भु॒वनं व॑दिष्ये तेजो॑ वदिष्ये यशो॑ वदिष्ये तपो॑ वदिष्ये
 ब्रह्म॑ वदिष्ये स॒त्यं व॑दिष्ये तस्मा॑ अ॒हमि॒द-मु॒पस्तर॑ण-मु॒पस्तृ॑ण
 उ॒पस्तर॑णं मे प्र॒जायै॑ पशू॒नां भू॒यादु॒पस्तर॑णम॒हं प्र॒जायै॑ पशू॒नां
 भू॒यासं प्रा॑णापानौ मृ॒त्योर्मा॑पातं प्रा॒णापा॑नौ मा मा हा॒सिष्टं॑ मधु॑
 म॒निष्ये॑ मधु॑ ज॒निष्ये॑ मधु॑ वक्ष्यामि मधु॑ वदिष्यामि मधु॑मतीं दे॒वेभ्यो॑
 वा॒चमु॒द्यास॑ शुश्रू॒षेण्यां॑ मनु॒ष्येभ्य॑स्तं मा दे॒वा अव॑न्तु
 शो॒भायै॑ पि॒तरो॑ ऽनु॒मद॑न्तु ॥ 4

ओं शान्तिः॑ शान्तिः॑ शान्तिः॑ ॥

T.B.3.5.11.1

ओं तच्छं॑ योरावृ॑णीमहे । गा॒तुं य॒ज्ञाय॑ । गा॒तुं य॒ज्ञप॑तये ।
 दैवी॑ स्व॒स्तिरस्तु॑ नः । स्व॒स्तिर्-मा॑नुषेभ्यः ।
 ऊ॒र्ध्वं जि॑गातु भेष॒जं । श॒त्रो अस्तु॑ द्वि॒पदे॑ । शं चतु॑ष्पदे ॥ 5
 ओं शान्तिः॑ शान्तिः॑ शान्तिः॑ ॥

21 रुद्र नमकं**TS 2.3.14.3**

ओं । ग॒णाना॑न्त्वा ग॒णप॑ति॒ः ह॒वामहे॑ क॒विं क॒वीना-मु॑प॒मश्र॑वस्तमं ।
 ज्येष्ठ॑राजं ब्र॒ह्मणां॑ ब्र॒ह्मण॑स्पत॒ आन॑श्शृ॒ण्वन्नू॑तिभिः सीद॒ साद॑नं ॥
 श्री महागणपतये नमः ॥

TS 4.7.3.1

शं च॑ मे , मय॑श्च मे, प्रि॒यं च॑ मे, ऽनु॒काम॑श्च मे,
 काम॑श्च मे , सौम॑नसश्च मे, भ॒द्रं च॑ मे, श्रेय॑श्च मे,
 वस्य॑श्च मे, यश॑श्च मे, भ॒गश्च॑ मे, द्र॒विणं॑ च मे,
 य॒न्ता च॑ मे, ध॒र्ता च॑ मे, क्षे॒मश्च॑ मे, धृ॒तिश्च॑ मे,
 वि॒श्वं च॑ मे, म॒हश्च॑ मे, सँ॒विच्च॑ मे, ज्ञा॒त्रञ्च॑ मे,
 सू॒श्च मे, प्र॒सूश्च॑ मे, सी॒रं च॑ मे, ल॒यश्च॑ मे,

ऋ॒तं च॑ मे॒, ऽमृ॑तं च॑ मे॒, ऽय॒क्ष्मं च॑ मे॒, ऽना॑मयच्च॒ मे॒,
जी॒वातु॑श्च॒ मे॒, दी॒र्घायु॑त्वं च॑ मे॒, ऽन॑मि॒त्रं च॑ मे॒, ऽभ॑यं च॑ मे॒,
सु॒गं च॑ मे॒, श॒यनं॑ च॑ मे॒, सू॒षा च॑ मे॒, सु॒दिनं॑ च॑ मे॒ ॥

ओं शान्तिः॑ शान्तिः॑ शान्तिः॑ ॥

(TS 4.5.1 - 4.5.11)

प्रथमोऽनुवाकः

ओं नमो॑ भगवते॑ रु॒द्राय॑ ॥

ओं नम॑स्ते रु॒द्र म॒न्यव॑ उ॒तो त॒ इष॑वे नमः॑ ।

नम॑स्ते अस्तु॒ धन्व॑ने बा॒हुभ्या॑मु॒त ते॒ नमः॑ । 1.1

या त॒ इषुः॑ शि॒वत॑मा शि॒वं ब॒भूव॑ ते॒ धनुः॑ ।

शि॒वा श॑र॒व्या या॑ तव॒ तया॑ नो रु॒द्र मृ॑डय । 1.2

या ते॑ रु॒द्र शि॒वा त॒नूर॑घो॒रा ऽपा॑पकाशिनी ।

तया॑ नस्त॒नुवा॒ शन्त॑मया॒ गिरि॑शन्ता—भि॒चाक॑शीहि । 1.3

यामिषुं॑ गिरि॒शन्त॑ ह॒स्ते बि॒भर्ष्य॑स्तवे ।

शि॒वाङ्गि॑रि॒त्र ताङ्कू॑रु मा हि॒ंसीः॑ पु॒रुषं॑ जगत् । 1.4

शिवे॑न वच॑सा त्वा गिरि॑शाच्छा वदाम॑सि ।

यथा॑ न॒स्सर्व॑मि-ज्जगद॑ यक्ष्म॑ सु॒मना॑ असत् ।

1.5

अ॒द्ध्यवो॑चदधि-व॒क्ता प्र॑थ॒मो दै॒व्यो भि॒षक् ।

अ॒ही॑श्च॒ सर्वा॑न् ज॒भय॑न् त्सर्वा॑श्च यातु॑ धा॒न्यः ।

1.6

अ॒सौ यस्ता॑म्रो अ॒रुण॑ उ॒त ब॒भ्रुस्सु॑म॒ङ्गलः॑ ।

ये चे॒मा॑ रु॒द्रा अ॒भितो॑ दिक्षु॑ श्रि॒ताः स॒हस्र॑शो ऽवै॒षा॑ हे॒ड ई॒महे॑ ।

1.7

अ॒सौ यो॑ ऽव॒सर्प॑ति नी॒लग्री॑वो विलो॑हितः ।

उ॒तैनं॑ गो॒पा अ॒दृश॑न्-न॒दृश॑न्-नुद॒हार्यः॑ ।

उ॒तैनं॑-वि॒श्वा भू॒तानि॑ स दृ॒ष्टो मृ॑डयाति नः ।

1.8

नमो॑ अस्तु॒ नील॑ग्री॒वाय स॒हस्रा॑क्षाय॒ मी॒ढुषे॑ ।

अथो॑ ये अ॒स्य स॒त्वानो॑ऽहं तेभ्यो॑ ऽकर॒न्नमः॑ ।

1.9

प्रमु॑ञ्च धन्व॑न-स्त्वमु॒भयो-रार्त्वि॑योज्या ।

याश्च॑ ते ह॒स्त इ॒षवः॑ परा॒ ता भ॑गवो वप ।

1.10

अ॒व॒त॒त्य॒ ध॒नु॒स्त्व॒ꣳ स॒ह॒स्रा॒क्ष॒ श॒ते॒षु॒धे ।

नि॒शी॒र्य॒ श॒ल्या॒नां॒ मु॒खा॒ शि॒वो॒ नः॒ सु॒म॒ना॒ भ॒व ।

1.11

वि॒ज्यं॒ ध॒नुः॒ क॒प॒दि॒नो॒ वि॒श॒ल्यो॒ बा॒ण॒वा॒ꣳ उ॒त ।

अ॒ने॒श॒न्न॒स्ये॒ष॒व॒ आ॒भु॒र॒स्य॒ नि॒ष॒ङ्ग॒धिः॑ ।

1.12

या॒ ते॒ हे॒ति॒र्-मी॒ढु॒ष्ट॒म॒ ह॒स्ते॒ ब॒भू॒व॒ ते॒ ध॒नुः॑ ।

त॒या॒ऽस्मा॒न् वि॒श्व॒त॒ स्त्व॒म॒य॒क्ष्म॒या॒ परि॑ब्भुज ।

1.13

न॒म॒स्ते॒ अ॒स्त्वा॒यु॒धा॒या-ना॒त॒ता॒य॒ धृ॒ष्ण॒वे॑ ॥

उ॒भा॒भ्या॒मु॒त॒ ते॒ न॒मो॒ बा॒हु॒भ्यां॒ त॒व॒ ध॒न्व॒ने॑ ।

1.14

परि॑ ते॒ ध॒न्व॒नो॒ हे॒ति॒र॒स्मा॒न् वृ॒ण॒क्तु॑ वि॒श्व॒तः॑ ।

अ॒थो॒ य॒ इ॒षु॒धि॒स्त॒वा॒रे॒ अ॒स्म॒न्नि॒धे॒हि॒ तं॑ ॥ 1

1.15

न॒म॒स्ते॒ अ॒स्तु॒ भ॒ग॒व॒न् वि॒श्वे॒श्व॒रा॒य॒ म॒हा॒दे॒वा॒य॒ त्र्यं॒ब॒का॒य॒ त्रि॒पु॒रा॒न्त॒का॒य॑

त्रि॒का॒ग्नि॒-का॒ला॒य॒ का॒ला॒ग्नि॒-रु॒द्रा॒य॒ नी॒ल॒क॒ण्ठा॒य॒ मृ॒त्यु॒ज्ज॒या॒य॑

स॒र्वे॒श्व॒रा॒य॒ स॒दा॒शि॒वा॒य॒ (श॒ङ्क॒रा॒य॒) श्री॒म॒न्-म॒हा॒दे॒वा॒य॒ न॒मः॑ ॥

द्वितीयोऽनुवाकः

नमो॑ हिर॑ण्य॒ बा॒हवे॑ से॒नान्ये॑ दि॒शांच॒ पत॑ये नमो॒	2.1
नमो॑ वृ॒क्षेभ्यो॑ हरि॑केशेभ्यः पशू॒नां पत॑ये नमो॒	2.2
नम॑स्स॒स्पिञ्ज॑राय॒ त्विषी॑मते पथी॒नां पत॑ये नमो॒	2.3
नमो॑ ब॒भ्लु॒शाय॑ वि॒व्याधि॑ने-ऽन्ना॒नां पत॑ये नमो॒	2.4
नमो॑ हरि॑केशा-योप॒वीति॑ने पु॒ष्टा॒नां पत॑ये नमो॒	2.5
नमो॑ भ॒वस्य॑ हे॒त्यै ज॑गतां पत॑ये नमो॒	2.6
नमो॑ रु॒द्राया॑-त॒तावि॑ने क्षे॒त्राणां॑ पत॑ये नमो॒	2.7
नमः॑ सू॒ताया॑-ह॒न्त्याय॑ वना॒नां पत॑ये नमो॒	2.8
नमो॑ रोहि॑ताय स्थ॒पत॑ये वृ॒क्षाणां॑ पत॑ये नमो॒	2.9
नमो॑ म॒न्त्रिणे॑ वाणि॒जाय॑ क॒क्षाणां॑ पत॑ये नमो॒	2.10
नमो॑ भुव॒न्तये॑ वा॒रिव॑स्कृ॒ता-यौष॑धी॒नां पत॑ये नमो॒	2.11
नम॑ उ॒च्चैर्-घो॑षाया क्र॒न्दय॑ते पत्ती॒नां पत॑ये नमो॒	2.12
नमः॑ कृ॒त्स्न॑वी॒ताय॑ धाव॒ते स॑त्त्व॒नां पत॑ये नमः॑ ॥ 2	2.13

तृतीयोऽनुवाकः

नम॑ स्सह॑मानाय॒ निव्या॑धिन॒ आव्या॑धिनी॒नां पत॑ये नमो॒	3.1
नमः॑ ककु॒भाय॑ निष॒ङ्गि॑णे॒ स्तेना॑नां पतये नमो॒	3.2
नमो॑ निष॒ङ्गि॑ण इषु॒धि॒मते॑ तस्करा॒णां पत॑ये नमो॒	3.3
नमो॑ वज्ज॑ते परि॒वज्ज॑ते स्तायू॒नां पत॑ये नमो॒	3.4
नमो॑ निचे॒रवे॑ परि॒चरा॑यार॒ण्यानां॑ पतये नमो॒	3.5
नमः॑ सृ॒का॒वि॒भ्यो जिघा॑ँसद्भ्यो मुष्ण॒तां पत॑ये नमो॒	3.6
नमो॑ ऽसि॒मद्भ्यो॑ नक्तं॒ चर॑द्भ्यः प्रकृ॒न्तानां॑ पतये नमो॒	3.7
नम॑ उष्णी॒षि॒णे गि॒रि॒चरा॑य कुलु॒ञ्चानां॑ पतये नमो॒	3.8
नम॑ इषु॒मद्भ्यो॑ धन्वा॒वि॒भ्यश्च॑ वो नमो॒	3.9
नम॑ आत॒न्वाने॑भ्यः प्रति॒दधाने॑भ्यश्च वो नमो॒	3.10
नम॑ आय॒च्छद्भ्यो॑ विसृ॒जद्भ्यश्च॑ वो नमो॒	3.11
नमो॑ ऽस्य॒द्भ्यो वि॒द्ध्यद्भ्यश्च॑ वो नमो॒	3.12
नम॑ आसी॒नेभ्यः॑ शया॒नेभ्यश्च॑ वो नमो॒	3.13
नम॑ स्स्व॒पद्भ्यो॑ जाग्र॒द्भ्यश्च॑ वो नमो॒	3.14

नम॑स्तिष्ठ॑द्भ्यो॒ धाव॑द्भ्यश्च॒ वो॒ नमो॑	3.15
नम॑स्सभा॑भ्य॒ स्सभा॑पतिभ्यश्च॒ वो॒ नमो॑	3.16
नमो॑ अ॒श्वेभ्यो॑ ऽश्व॑पतिभ्यश्च॒ वो॒ नमः॑ ॥ 3 ॥	3.17

चतुर्थोऽनुवाकः

नम॑ आ॒व्याधि॑नी॒भ्यो॒ विवि॑द्ध्यन्तीभ्यश्च॒ वो॒ नमो॑	4.1
नम॑ उ॒गणा॑भ्य॒ स्तृ॒हती॑भ्यश्च॒ वो॒ नमो॑	4.2
नमो॑ गृ॒थ्सेभ्यो॑ गृ॒थ्स॑पतिभ्यश्च॒ वो॒ नमो॑	4.3
नमो॑ ब्रा॒तै॒भ्यो॒ ब्रा॒त॑पतिभ्यश्च॒ वो॒ नमो॑	4.4
नमो॑ ग॒णेभ्यो॑ ग॒ण॑पतिभ्यश्च॒ वो॒ नमो॑	4.5
नमो॑ वि॒रूपे॑भ्यो॒ विश्व॑रूपेभ्यश्च॒ वो॒ नमो॑	4.6
नमो॑ म॒हद्भ्यः॑ क्षु॒ल्लके॑भ्यश्च॒ वो॒ नमो॑	4.7
नमो॑ र॒थिभ्यो॑ ऽर॒थेभ्यश्च॑ वो॒ नमो॑	4.8
नमो॑ र॒थै॒भ्यो॒ र॒थ॑पतिभ्यश्च॒ वो॒ नमो॑	4.9
नमः॑ से॒नाभ्य॑ स्से॒नानि॑भ्यश्च॒ वो॒ नमो॑	4.10
नमः॑ क्ष॒त्तृभ्य॑ स्संग्र॒हीतृ॑भ्यश्च॒ वो॒ नमो॑	4.11

नम॑स्तक्ष॑भ्यो रथ॑कारे॑भ्यश्च वो॑ नमो॑ 4.12

नमः॑ कु॒लाले॑भ्यः कम॑रि॒भ्यश्च वो॑ नमो॑ 4.13

नमः॑ पु॒ज्जिष्टे॑भ्यो निषा॑दे॒भ्यश्च वो॑ नमो॑ 4.14

नम॑ इषु॒कृद्भ्यो॑ धन्व॒कृद्भ्यश्च वो॑ नमो॑ 4.15

नमो॑ मृ॒गयु॑भ्य इ॒श्वनि॑भ्यश्च वो॑ नमो॑ 4.16

नमः॑ श्व॒भ्य इ॒श्वप॑ति॒भ्यश्च वो॑ नमः॑ ॥ 4 4.17

पञ्चमोऽनुवाकः

नमो॑ भ॒वाय॑ च रु॒द्राय॑ च नम॑श्श॒र्वाय॑ च प॒शुप॑तये च

नमो॑ नी॒लग्री॑वाय च शि॒ति॒कण्ठ॑ाय च नमः॑ क॒पर्दि॑ने च व्यु॒प्तके॑शाय च

नम॑ स्सह॒स्राक्ष॑ाय च श॒तध॑न्वने च नमो॑ गि॒रि॒शाय॑ च शि॒पिवि॑ष्टाय च

नमो॑ मी॒ढुष्ट॑माय चेषु॑मते च नमो॑ ह्र॒स्वाय॑ च वा॒मना॑य च

नमो॑ बृ॒हते॑ च वर्॒षिय॑से च नमो॑ वृ॒द्धाय॑ च स॒म्वृ॑द्ध्वने च

नमो॑ अ॒ग्रिया॑य च प्र॒थमा॑य च नम॑ आ॒शवे॑ चा॒जिरा॑य च

नमः॑ शी॒घ्रिया॑य च शी॒भ्याय॑ च नम॑ ऊ॒र्म्या॑य चाव॒स्वन्या॑य च

नमः॑ स्रो॒तस्या॑य च द्वी॒प्याय॑ च ॥ 5

षष्ठोऽनुवाकः

नमो॑ ज्येष्ठाय॑ च कनिष्ठाय॑ च नमः॑ पूर्वजाय॑ चापरजाय॑ च
 नमो॑ मद्ध्यमाय॑ चापगल्भाय॑ च नमो॑ जघन्याय॑ च बुद्धिन्याय॑ च
 नमस्सोभ्याय॑ च प्रतिसर्याय॑ च नमो॑ याम्याय॑ च क्षेम्याय॑ च
 नम॑ उर्वर्याय॑ च खल्याय॑ च नमः॑ श्लोक्याय॑ चावसान्याय॑ च
 नमो॑ वन्याय॑ च कक्ष्याय॑ च नमः॑ श्रवाय॑ च प्रतिश्रवाय॑ च
 नम॑ आशुषेणाय॑ चाशुरथाय॑ च नमः॑ शूराय॑ चावभिन्दते॑ च
 नमो॑ वर्मिणे॑ च वरूथिने॑ च नमो॑ बिल्मिने॑ च कवचिने॑ च
 नमः॑ श्रुताय॑ च श्रुतसेनाय॑ च ॥ 6

सप्तमोऽनुवाकः

नमो॑ दुन्दुभ्याय॑ चाहनन्याय॑ च नमो॑ धृष्णावे॑ च प्रमृशाय॑ च
 नमो॑ दूताय॑ च प्रहिताय॑ च नमो॑ निषङ्गिणे॑ चेषुधिमत॑े च
 नम॑ स्तीक्ष्णेषवे॑ चायुधिने॑ च नमः॑ स्वायुधाय॑ च सुधन्वने॑ च
 नमस्स्रुत्याय॑ च पथ्याय॑ च नमः॑ काट्याय॑ च नीप्याय॑ च
 नमः॑ सूद्याय॑ च सरस्याय॑ च नमो॑ नाद्याय॑ च वैशन्ताय॑ च
 नमः॑ कूप्याय॑ चावट्याय॑ च नमो॑ वर्ष्याय॑ चावर्ष्याय॑ च

नमो॑ मे॒घ्याय॑ च वि॒ध्यु॒त्याय॑ च नम॑ ई॒द्ध्रि॒याय॑ चा॒त॒प्याय॑ च
 नमो॑ वा॒त्याय॑ च रे॒ष्मि॒याय॑ च नमो॑ वा॒स्त॒व्याय॑ च वा॒स्तु॒पाय॑ च ॥ 7

अष्टमोऽनुवाकः

नमः॑ सो॒माय॑ च रु॒द्राय॑ च नम॑ स्ता॒म्राय॑ चा॒रु॒णाय॑ च
 नम॑ श॒ङ्गाय॑ च प॒शु॒प॒तये॑ च नम॑ उ॒ग्राय॑ च भी॒माय॑ च
 नमो॑ अ॒ग्रे॒व॒धाय॑ च दू॒रे॒व॒धाय॑ च नमो॑ ह॒न्त्रे॑ च ह॒नी॒य॒से॑ च
 नमो॑ वृ॒क्षे॒भ्यो॑ ह॒रि॒केशे॑भ्यो॑
 नम॑ स्ता॒राय॑
 नम॑ शं॒भवे॑ च म॒यो॒भवे॑ च
 नम॑ श॒ङ्क॒राय॑ च म॒य॒स्करा॑य च नम॑ शि॒वाय॑ च शि॒व॒त॒राय॑ च
 नम॑ स्ती॒र्थ्याय॑ च कू॒ल्याय॑ च नमः॑ पा॒र्याय॑ चा॒वा॒र्याय॑ च
 नमः॑ प्र॒तर॑णाय चो॒त्तर॑णाय च नम॑ आ॒ता॒र्याय॑ चा॒ला॒द्याय॑ च
 नम॑ श॒ष्याय॑ च फे॒न्याय॑ च नमः॑ सि॒क्त्याय॑ च प्र॒वा॒ह्याय॑ च ॥ 8

नवमोऽनुवाकः

नम॑ इ॒रि॒ण्या॑ च प्र॒प॒थ्या॑ च नमः॑ कि॒ञ्शि॒लाय॑ च क्ष॒य॒णाय॑ च
 नमः॑ क॒प॒र्दि॒ने च पु॒ल॒स्तये॑ च नमो॑ गो॒ष्ठ्या॑ च गृ॒ह्याय॑ च
 नम॑ स्त॒ल्प्या॑ च गे॒ह्याय॑ च नमः॑ का॒त्याय॑ च ग॒ह्व॒रे॒ष्ठाय॑ च
 नमो॑ हृ॒द॒य्या॑ च नि॒वे॒ष्या॑ च नमः॑ पा॒ञ्च॒स॒व्याय॑ च र॒ज॒स्याय॑ च
 नमः॑ शु॒ष्क्या॑ च ह॒रि॒त्या॑ च नमो॑ लो॒प्याय॑ चो॒ल॒प्याय॑ च
 नम॑ ऊ॒र्व्या॑ च सू॒र्म्या॑ च नमः॑ प॒र्ण्या॑ च प॒र्ण॒श॒द्याय॑ च
 नमो॑ऽप॒गु॒र॒मा॒णाय॑ चा॒भि॒घ्न॒ते च नम॑ आ॒क्खि॒द॒ते च प्र॒क्खि॒द॒ते च
 नमो॑ वः कि॒रि॒के॒भ्यो दे॒वा॒नाञ्च॑ हृ॒द॒ये॒भ्यो नमो॑ वि॒क्षी॒ण॒के॒भ्यो
 नमो॑ वि॒चि॒न्व॒त्के॒भ्यो नम॑ आ॒नि॒र्ह॒ते॒भ्यो नम॑ आ॒मी॒व॒त्के॒भ्यः ॥ 9

दशमोऽनुवाकः

द्रा॒पे अ॒न्ध॒स॒स्प॒ते द॒रि॒द्र॒न्नी॒ल॒लो॒हि॒त ।
 ए॒षां पु॒रु॒षा॒णामे॒षां प॒शू॒नां मा भे॑ र्मा॒ऽरो मो॑ ए॒षां किञ्च॑नाम॒मत् ॥ 10.1
 या ते॑ रु॒द्र शि॒वा त॒नू॒श्शि॒वा वि॒श्वा॒ह॒भे॒ष॒जी ।
 शि॒वा रु॒द्र॒स्य॑ भे॒ष॒जी तया॑ नो मृ॒ड जी॒व॒सै ॥ 10.2

इ॒माꣳ रु॒द्राय॑ तव॑से क॒प॒र्दि॒ने॑ क्ष॒य॒द्वी॒राय॑ प्र॒भ॒रा॒महे॑ म॒तिं ।
 यथा॑ नः॒ श॒म॒स॒द्-द्वि॒प॒दे॒ चतु॑ष्प॒दे॒ वि॒श्वं पु॒ष्टं ग्रा॒मे अ॒स्मि-न्न॑ना॒तुरं॑ । 10.3

मृ॒डा नो॑ रु॒द्रो त॒नो म॒य॒स्कृ॒धि क्ष॒य॒द्वी॒राय॑ न॒म॒सा वि॒धेम॑ ते ।
 यच्छ॑ञ्च योश्च॒ म॒नु॒रा॒य॒जे पि॒ता तद॑श्याम॒ तव॑ रु॒द्र प्र॒णी॒तौ । 10.4

मा नो॑ म॒हान्त॑मु॒त मा नो॑ अ॒र्भ॒कं मा न॒ उक्ष॑न्तमु॒त मा न॒ उक्षि॑तं ।
 मा नो॑ व॒धीः पि॒तरं॑ मो॒त मा॒तरं॑ प्रि॒या मा न॑स्त॒नुवो॑ रु॒द्र री॒रिषः॑ । 10.5

मा न॑स्तो॒के त॒नये॑ मा न॒ आयु॑षि॒ मा नो॑ गो॒षु मा नो॑ अ॒श्वेषु॑ री॒रिषः॑ ।
 वी॒रा॒न्मा॒नो रु॒द्र भा॒मि॒तो॒व॒धीर्. ह॒विष्म॑न्तो न॒म॒सा वि॒धेम॑ ते । 10.6

आ॒रा॒त्ते गो॒घ्न उ॒त पू॒रुष॑घ्ने क्ष॒य॒द्वी॒राय॑ सु॒म्न-म॒स्मे ते॑ अ॒स्तु ।
 र॒क्षा च॑ नो॒ अधि॑ च दे॒व ब्रू॑ह्य॒धा च नः॑ श॒र्म यच्छ॑द्वि॒बर्॒हाः । 10.7

स्तु॒हि श्रु॒तं ग॒र्त्त॒स॒दं यु॑वा॒नं मृ॒ग॒न्न भी॒म-मु॑प॒ह॒नु-मु॒ग्रं ।
 मृ॒डा ज॒रि॒त्रे रु॒द्र स्त॒वा॒नो अ॒न्य॒न्ते अ॒स्मन्नि॑व॒पन्तु॑ से॒नाः । 10.8

परि॑णो रु॒द्रस्य॑ हे॒तिर् वृ॑णक्तु परि॑त्वे॒षस्य॑ दु॒र्मति॑रघा॒योः ।

अव॑ स्ति॒रा म॒घव॑द्भ्य-स्तनुष्व मी॒द्वस्तो॑काय॒ तन॑याय मृडय । 10.9

मी॒दुष्ट॑म शि॒वत॑म शि॒वो न॑स्सुमना॒ भव॑ ।

पर॑मे वृ॒क्ष आयु॑धन्नि॒धाय॒ कृत्तिं॑ व॒सान आ॑चर पिना॒कं बि॒भ्रदा॑गहि । 10.10

वि॒कि॒रिद॑ वि॒लोहि॑त नम॒स्ते अ॑स्तु भगवः ।

यास्ते॑ स॒हस्र॑ँ हे॒तयो॑ऽन्य-म॒स्मन्नि॑वपन्तु ताः । 10.11

स॒हस्रा॑णि स॒हस्र॑धा बा॒हुवो॑स्तव हे॒तयः॑ ।

तासा॑मी॒शानो॑ भगवः परा॒चीना॒ मुखा॑ कृ॒धि ॥ 10 ॥ 10.12

एकादशोऽनुवाकः

स॒हस्रा॑णि स॒हस्र॑शो ये रु॒द्रा अधि॑ भू॒म्यां॑ ।

तेषा॑ँ स॒हस्र॑योजने ऽव॒धन्वा॑नि तन्मसि । 11.1

अ॒स्मिन्-म॑ह॒त्यर्ण॑वे-ऽन्तरि॑क्षे भ॒वा अधि॑ । 11.2

नी॒लग्री॑वाः शि॒ति॒कण्ठाः॑ श॒र्वा अधः॑ क्ष॒माच॑राः । 11.3

नी॒लग्री॑वा-शि॒ति॒कण्ठा॑ दि॒वँ रु॒द्रा उप॑श्रिताः । 11.4

ये वृक्षेषु सस्पिञ्जरा नीलग्रीवा विलोहिताः । 11.5

ये भूताना-मधिपतयो विशिखासः कपर्दिनः । 11.6

ये अन्नेषु विविद्ध्यन्ति पात्रेषु पिबतो जनान् । 11.7

ये पथां पथिरक्षय ऐलबृदा यव्युधः । 11.8

ये तीर्थानि प्रचरन्ति सृकावन्तो निषङ्गिणः । 11.9

य एतावन्तश्च भूयाँसश्च दिशो रुद्रा वितस्थिरे ।

तेषाँ सहस्रयोजने ऽवधन्वानि तन्मसि । 11.10

नमो रुद्रेभ्यो ये पृथिव्यां यैऽन्तरिक्षे ये दिवि येषामन्नं वातो

वर्षमिषवस्-तेभ्यो दश प्राची दशदक्षिणा दशप्रतीचीर्

दशोदीचीर् दशोर्ध्वा-स्तेभ्यो नमस्ते नो मृडयन्तु ते यं द्विष्मो

यश्च नो द्वेष्टि तं वो जंभे दधामि ॥ 11 11.11

त्र्यंबकादि महामन्त्रः

TS 1.8.6.2 for 1 / TS 5.5.9.3 for 2 / RV.5.42.11 for 3 / RV 10.60.12 for 4 /
TB 3.10.8.2 for 5 / T.A.6.58.1 for 6/ T.A.6.75.1 & T.A.6.74.1 for 7)

त्र्य॑ंबकं॑ य॒जामहे॑ सु॒गन्धिं॑ पु॒ष्टिव॑र्धनं ।

उ॒र्वारु॑कमि॒व ब॑न्धनान् मृ॒त्योर् मु॑क्षी॒य मा॑ऽमृतात् ॥ 1

यो रु॒द्रो अ॒ग्नौ यो अ॒प्सु य ओष॑धीषु यो रु॒द्रो वि॒श्वा
 भु॒वना ऽऽवि॑वेश॒ तस्मै॑ रु॒द्राय॑ नमो॑ अस्तु ॥ 2

तमु॑ष्टुहि यः स्वि॒षुः सु॒धन्वा॒ यो वि॒श्वस्य॑ क्षय॑ति भेष॒जस्य॑ ।
 यक्ष्वा॑महे सौम॒नसा॑य रु॒द्रं नमो॑भिर्-दे॒वम॑सुरं दु॒वस्य॑ ॥ 3

अ॒यं मे॒ हस्तो॑ भग॒वान॒यं मे॒ भग॑वत्तरः ।
 अ॒यं मे॒ वि॒श्व-भै॑षजो॒यञ् शि॒वाभि॑मर्शनः ॥ 4

ये ते स॒हस्र॑म॒युतं॑ पा॒शा मृ॒त्यो म॑र्त्या॒य ह॑न्त॒वे ।
 तान् य॒ज्ञस्य॑ मा॒यया॑ सर्वा॒नव॑ यजामहे ॥ 5

मृ॒त्यवे॒ स्वाहा॑ मृ॒त्यवे॒ स्वाहा॑ ॥ 6

ओं न॒मो भ॒गव॑ते रु॒द्राय॑ वि॒ष्णवे॑ मृ॒त्युर्मे॑ पा॒हि ॥

प्रा॒णानां॑ ग्र॒न्थिर॑सि रु॒द्रो मा॑ वि॒शान्त॑कः । ते॒नान्ने॑ना॒प्याय॑स्व ॥ 7

न॒मो रु॒द्राय॑ वि॒ष्णवे॑ मृ॒त्युर्मे॑ पा॒हि ॥

ओं शान्तिः॑ शान्तिः॑ शान्तिः॑ ॥

22 चमकं

(TS 4.7.1 - 4.7.11)

प्रथमोऽनुवाकः

ओं अ॒ग्नावि॑ष्णू स॒जोष॑से॒मा व॑र्द्धन्तु वा॒ङ्गिरः॑ ।

ध्यु॒नैर्-वा॑जेभि॒-रा॒गतं॑ ॥

वा॒जश्च॑ मे, प्र॒स॒वश्च॑ मे, प्र॒य॒तिश्च॑ मे, प्र॒सि॒तिश्च॑ मे,

धी॒तिश्च॑ मे, क्र॒तुश्च॑ मे, स्वर॑श्च मे, श्लो॒कश्च॑ मे,

श्रा॒वश्च॑ मे, श्रु॒तिश्च॑ मे, ज्यो॒तिश्च॑ मे, सु॒वश्च॑ मे,

प्रा॒णश्च॑ मे, ऽपान॑श्च मे, व्या॒नश्च॑ मे, ऽसु॑श्च मे,

चि॒तं च॑ म, आ॒धी॒तं च॑ मे, वाक्च॑ मे, मन॑श्च मे,

चक्षु॑श्च मे॒ , श्रो॑त्रं च मे॒ , दक्ष॑श्च मे॒ , बलं॑ च मे॒ ,
 ओज॑श्च मे॒ , सह॑श्च मे॒ , आयु॑श्च मे॒ , जरा॑ च मे॒ ,
 आ॒त्मा च॑ मे॒ , त॒नूश्च॑ मे॒ , शर्म॑ च मे॒ , वर्म॑ च मे॒ ,
 ऽङ्गानि॑ च मे॒ , ऽस्थानि॑ च मे॒ , परू॑ष्णि च मे॒ , शरी॑राणि च मे॒ ॥ 1 (36)

द्वितीयोऽनुवाकः

ज्यै॑ष्ठ्यं च मे॒ , आधि॑पत्यं च मे॒ , म॒न्युश्च॑ मे॒ , भाम॑श्च मे॒ ,
 ऽम॑श्च मे॒ , ऽम्भ॑श्च मे॒ , जे॒मा च॑ मे॒ , महि॒मा च॑ मे॒ ,
 वरि॑मा च मे॒ , प्रथि॑मा च मे॒ , वर्ष्मा॑ च मे॒ , द्राघु॑या च मे॒ ,
 वृ॒द्धं च॑ मे॒ , वृ॒द्धिश्च॑ मे॒ , स॒त्यं च॑ मे॒ , श्र॒द्धा च॑ मे॒ ,
 जग॑च्च मे॒ , धनं॑ च मे॒ , व॒शश्च॑ मे॒ , त्विषि॑श्च मे॒ ,
 क्री॒डा च॑ मे॒ , मोद॑श्च मे॒ , जा॒तं च॑ मे॒ , जनि॑ष्यमाणं च मे॒ ,
 सू॒क्तं च॑ मे॒ , सु॒कृतं॑ च मे॒ , वि॒त्तं च॑ मे॒ , वेद्यं॑ च मे॒ ,
 भू॒तं च॑ मे॒ , भवि॑ष्यच्च मे॒ , सु॒गं च॑ मे॒ , सु॒पथं॑ च मे॒ ,

ऋ॒द्धं च॑ मे॒, ऋ॒द्धिश्च॑ मे॒, क्लृ॒प्तं च॑ मे॒, क्लृ॒प्तिश्च॑ मे॒,
म॒तिश्च॑ मे॒, सु॒म॒तिश्च॑ मे॒ ॥ 2 (38)

तृतीयोऽनुवाकः

शं च॑ मे॒, म॒यश्च॑ मे॒, प्रि॒यं च॑ मे॒, ऽनु॒का॒मश्च॑ मे॒,
का॒मश्च॑ मे॒, सौ॒म॒न॒सश्च॑ मे॒, भ॒द्रं च॑ मे॒, श्रे॒यश्च॑ मे॒,
व॒स्यश्च॑ मे॒, य॒शश्च॑ मे॒, भ॒गश्च॑ मे॒, द्र॒वि॒णं च॑ मे॒,
य॒न्ता च॑ मे॒, ध॒र्ता च॑ मे॒, क्षे॒मश्च॑ मे॒, धृ॒तिश्च॑ मे॒,
वि॒श्वं च॑ मे॒, म॒हश्च॑ मे॒, सँ॒वि॒च्च॑ मे॒, ज्ञा॒त्रं च॑ मे॒,
सू॒श्च॑ मे॒, प्र॒सू॒श्च॑ मे॒, सी॒रं च॑ मे॒, ल॒यश्च॑ म॒,
ऋ॒तं च॑ मे॒, ऽमृ॒तं च॑, मे॒ऽय॒क्ष्मं च॑ मे॒, ऽना॒म॒य॒च्च॑ मे॒,
जी॒वा॒तुश्च॑ मे॒, दी॒र्घा॒यु॒त्वं च॑ मे॒, ऽन॒मि॒त्रं च॑ मे॒, ऽभ॒यं च॑ मे॒,
सु॒गं च॑ मे॒, श॒य॒नं च॑ मे॒, सू॒षा च॑ मे॒, सु॒दि॒नं च॑ मे॒ ॥ 3 (36)

चतुर्थोऽनुवाकः

ऊ॒र्क्च॑ मे, सू॒नृता॑ च मे, प॒यश्च॑ मे, र॒सश्च॑ मे,
 घृ॒तं च॑ मे, म॒धु च॑ मे, स॒ग्धिश्च॑ मे, स॒पीति॑श्च मे,
 कृ॒षिश्च॑ मे, वृ॒ष्टिश्च॑ मे, जै॒त्रं च॑ मे, औ॒द्भि॒ध्यं च॑ मे,
 र॒यिश्च॑ मे, रा॒यश्च॑ मे, पु॒ष्टं च॑ मे, पु॒ष्टिश्च॑ मे,
 वि॒भु च॑ मे, प्र॒भु च॑ मे, ब॒हु च॑ मे, भू॒यश्च॑ मे,
 पूर्णं॑ च मे, पूर्ण॑तरं च मे ऽक्षि॑तिश्च मे, कू॒यवा॑श्च मे,
 ऽन्नं॑ च मे, ऽक्षु॑च्च मे, व्री॒हय॑श्च मे, य॒वाश्च॑ मे,
 मा॒षाश्च॑ मे, ति॒लाश्च॑ मे, मु॒द्गाश्च॑ मे, ख॒ल्वाश्च॑ मे,
 गो॒धूमा॑श्च मे, म॒सुरा॑श्च मे, प्रि॒यंग॑वश्च मे ऽण॑वश्च मे,
 श्या॒माका॑श्च मे, नी॒वारा॑श्च मे ॥ 4 (38)

पञ्चमोऽनुवाकः

अ॒श्मा च॑ मे, मृ॒त्तिका॑ च मे, गि॒रय॑श्च मे, प॒र्वता॑श्च मे,
 सि॒कता॑श्च मे, व॒नस्प॑तयश्च मे, हि॒रण्यं॑ च मे, ऽय॑श्च मे,

सीसं च मे, त्रपुश्च मे, श्यामं च मे, लोहं च मे,
ऽग्निश्च म, आपश्च मे, वीरुधश्च म, ओषधयश्च मे,

कृष्टपच्यं च मे, ऽकृष्टपच्यं च मे,
ग्रांयाश्च मे, पशव आरण्याश्च यज्ञेन कल्पन्तां ,

वित्तं च मे, वित्तिश्च मे, भूतं च मे, भूतिश्च मे,
वसु च मे, वसतिश्च मे, कर्म च मे, शक्तिश्च मे,

ऽर्थश्च म, एमश्च म, इतिश्च मे, गतिश्च मे ॥ 5 (32)

षष्ठोऽनुवाकः

अग्निश्च म इन्द्रश्च मे,
सविता च म इन्द्रश्च मे,
पूषा च म इन्द्रश्च मे,
मित्रश्च म इन्द्रश्च मे,

त्वष्टा च म इन्द्रश्च मे,
विष्णुश्च म इन्द्रश्च मे ,

सोमश्च म इन्द्रश्च मे,
सरस्वती च म इन्द्रश्च मे,
बृहस्पतिश्च म इन्द्रश्च मे,
वरुणश्च म इन्द्रश्च मे,

धाता च म इन्द्रश्च मे,
ऽश्विनौ च म इन्द्रश्च मे,

म॒रु॒तश्च॑ म॒ इन्द्र॑श्च॒ मे,
पृ॒थि॒वी च॑ म॒ इन्द्र॑श्च॒ मे,

वि॒श्वे च॑ मे, दे॒वा इन्द्र॑श्च॒ मे,
ऽन्त॒रि॒क्षं च॑ म॒ इन्द्र॑श्च॒ मे,

द्यौश्च॑ म॒ इन्द्र॑श्च॒ मे,
मूर्ध्ना॑ च॒ म॒ इन्द्र॑श्च॒ मे,

दि॒शश्च॑ म॒ इन्द्र॑श्च॒ मे,
प्र॒जा॒प॒तिश्च॑ म॒ इन्द्र॑श्च॒ मे ॥ 6 (21)

सप्तमोऽनुवाकः

अ॒॒शुश्च॑ मे, र॒श्मिश्च॑ मे,
उपा॒॒शुश्च॑ मे, ऽन्त॒र्या॒मश्च॑ म,

ऽदा॒भ्यश्च॑ मे, ऽधि॑प॒तिश्च॑ म,
ऐन्द्र॑वा॒यवश्च॑ मे, मै॒त्राव॑रु॒णश्च॑ म,

आ॒श्वि॒नश्च॑ मे, प्र॒तिप्र॑स्था॒नश्च॑ मे,
आ॒ग्र॒य॒णश्च॑ मे, वै॒श्वदे॑वश्च॒ मे,

शु॒क्रश्च॑ मे, म॒न्थी च॑ म,
ध्रु॒वश्च॑ मे, वै॒श्वान॑रश्च॒ म,

ऋ॒तु॒ग्र॒हाश्च॑ मे, ऽति॒ग्रा॒ह्याश्च॑ म, ऐन्द्रा॑ग्नश्च॒ मे, वै॒श्वदे॑वश्च॒ मे,

म॒रु॒त्वती॑याश्च॒ मे, मा॒हेन्द्र॑श्च॒ म, आ॒दि॒त्यश्च॑ मे, सा॒वि॒त्रश्च॑ मे,

सा॒र॒स्व॒तश्च॑ मे, पौ॒ष्णश्च॑ मे, पा॒त्नी॒व॒तश्च॑ मे, हा॒रि॒यो॒ज॒नश्च॑ मे ॥ 7 (28)

अष्टमोऽनुवाकः

इ॒ध्मश्च॑ मे, ब॒र्हिश्च॑ मे, वे॒दिश्च॑ मे, धि॒ष्णि॒याश्च॑ मे,
 सु॒चश्च॑ मे, च॒म॒साश्च॑ मे, ग्रा॒वा॒णश्च॑ मे, स्वर॑वश्च म,
 उ॒पर॒वाश्च॑ मे, ऽधि॒ष॒व॒णे च॑ मे, द्रो॒ण॒क॒ल॒शश्च॑ मे, वा॒य॒व्या॒नि च॑ मे,
 पू॒त॒भृ॒च्च॑ म, आ॒ध॒व॒नी॒यश्च॑ म, आ॒ग्नी॒द्ध्रं च॑ मे, ह॒वि॒र्धा॒नं च॑ मे,
 गृ॒हाश्च॑ मे, स॒दश्च॑ मे, पु॒रो॒डा॒शाश्च॑ मे, प॒च॒ताश्च॑ मे,
 ऽव॒भृ॒थश्च॑ मे, स्व॒गा॒का॒रश्च॑ मे ॥ 8 (22)

नवमोऽनुवाकः

अ॒ग्निश्च॑ मे, घ॒र्मश्च॑ मे, ऽर्क॑श्च मे, सू॒र्यश्च॑ मे,
 प्रा॒णश्च॑ मे, ऽश्व॑मे॒धश्च॑ मे, पृ॒थि॒वी च॑ मे, ऽदि॒तिश्च॑ मे,
 दि॒तिश्च॑ मे, द्यौश्च॑ मे, श॒क्व॒री॒र॒ङ्गु॒लयो॒-दि॒शश्च॑ मे,
 य॒ज्ञेन॑ क॒ल्प॒न्ता- मृ॒क्च॑ मे, सा॒म च॑ मे, स्तो॒मश्च॑ मे, य॒जुश्च॑ मे,
 दी॒क्षा च॑ मे, त॒पश्च॑ म, ऋ॒तुश्च॑ मे, व्र॒तं च॑ मे
 ऽहो॒रा॒त्रयो॑र् वृ॒ष्ट्या, बृ॒ह॒द्र॒थ॒न्त॒रे च॑ मे य॒ज्ञेन॑ क॒ल्पे॒तां ॥ 9 (21)

दशमोऽनुवाकः

गर्भा॑श्च मे, व॒त्स॑श्च मे, त्र्य॒वि॒श्च मे, त्र्य॒वी॒च मे ,
 दि॒त्य॒वाट् च मे, दि॒त्यौ॒ही च मे, पञ्चा॑विश्च मे, पञ्चा॒वी च मे,
 त्रि॒व॒त्स॑श्च मे, त्रि॒व॒त्सा च मे, तु॒र्य॒वाट् च मे, तु॒र्यौ॒ही च मे,
 प॒ष्ठ॒वाट् च मे, प॒ष्ठौ॒ही च म, उ॒क्षा च मे, व॒शा च म
 ऋ॒ष॒भ॑श्च मे, वे॒ह॒च्च मे, ऽन॒ड्वान् च मे, धे॒नुश्च म
 आ॒युर्-य॒ज्ञेन॑ कल्पतां, प्रा॒णो य॒ज्ञेन॑ कल्पता-
 म॒पा॒नो य॒ज्ञेन॑ कल्पतां , व्य॒ानो य॒ज्ञेन॑ कल्पतां
 चक्षु॑र्-य॒ज्ञेन॑ कल्पता॒७, श्रो॒त्रं य॒ज्ञेन॑ कल्पतां
 म॒नो य॒ज्ञेन॑ कल्पतां , वा॒ग्य॒ज्ञेन॑ कल्पता-
 मा॒त्मा य॒ज्ञेन॑ कल्पतां , य॒ज्ञो य॒ज्ञेन॑ कल्पतां ॥ 10 (29)

एकादशोऽनुवाकः

ए॒का च मे, ति॒स्रश्च मे, पञ्च॑ च मे, स॒प्त च मे,
 न॒व च म, ए॒काद॑श च मे, त्रयो॑दश च मे, पञ्च॑दश च मे,

स॒प्तद॑श च मे॒, न॒वद॑श च म॒, ए॒कवि॑ंशतिश्च मे॒,
 त्रयो॑विंशतिश्च मे॒, पञ्च॑विंशतिश्च मे॒, स॒प्त वि॑ंशतिश्च मे॒,
 न॒ववि॑ंशतिश्च म॒, ए॒कत्रि॑ंशच्च मे॒,

त्रय॑स्त्रिंशच्च मे॒, च॒तस्र॑श्च मे॒, ऽष्टौ च मे॒, द्वा॑दश च मे॒,
 षोड॑श च मे॒, वि॑ंशतिश्च मे॒, च॒तुर्वि॑ंशतिश्च मे॒, ऽष्टा॑विंशतिश्च मे॒,
 द्वा॒त्रिं॑शच्च मे॒, षट्॑त्रिंशच्च मे॒, च॒त्वारि॑ंशच्च मे॒,
 च॒तुश्च॑त्वारिंशच्च मे॒, ऽष्टा॑चत्वारिंशच्च मे॒ वा॒जश्च॑,
 प्र॒स॒वश्चा॑-पि॒जश्च॑ क्र॒तुश्च॑ सु॒वश्च॑ मूर्धा च॒ व्य॒ञ्जि॒य
 -श्चा॒न्त्या॒य॒नश्चा॒न्त्यश्च॑ भौ॒व॒नश्च॑ भु॒व॒नश्चा॑-धि॒प॒तिश्च॑ ॥ 11 (41)

(TS 3.3.2.1)

इ॒डा दे॒व॒हूर्-म॒नुर्-य॒ज्ञनी॑र् बृ॒ह॒स्प॒ति-रु॒क्थाम॑द॒नि श॑ं॒सि॒षद्-
 वि॒श्वे-दे॒वाः सू॒क्त॒वाचः॑ पृ॒थि॒वि॒मा॒त॒र्मा मा॑ हि॒ंसी॑र्-म॒धु
 म॒नि॒ष्ये म॒धु ज॒नि॒ष्ये म॒धु व॑क्ष्यामि म॒धु व॑दिष्यामि म॒धु म॑तीं
 दे॒वेभ्यो॑ वा॒चमु॑द्यासं-शुश्रू॒षे॒ण्यां म॒नुष्ये॑भ्यस्तं मा॑ दे॒वा अ॑वन्तु
 शो॒भायै॑ पि॒तरो॑ ऽनु॒मद॑न्तु ॥ (ओं शान्तिः॒ शान्तिः॒ शान्तिः॑ ॥

23 पुरुष सूक्तं

(TA 3.12.1)

ओं । सहस्रशीर्षा पुरुषः । सहस्राक्षः सहस्रपात् ।
 स भूमिं विश्वतो वृत्वा । अत्यतिष्ठद्-दशाङ्गुलं । पुरुष एवेदं सर्वं ।
 यद् भूतं यच्च भव्यं । उतामृतत्व-स्येशानः । यदन्नेनाति-रोहति ।
 एतावानस्य महिमा । अतो ज्यायाँश्च पूरुषः ॥ 1

पादोऽस्य विश्वा भूतानि । त्रिपादस्या-मृतन्दिवि । त्रिपादूर्ध्व
 उदैत् पुरुषः । पादोस्येहा ऽऽभवात्पुनः । ततो विष्वङ् व्यक्रामत् ।
 साशनानशने अभि । तस्माद् विराड् जायत । विराजो अधि पूरुषः ।
 स जातो अत्यरिच्यत । पश्चाद् भूमिमथो पुरः ॥ 2

यत् पुरुषेण हविषा । देवा यज्ञमतन्वत । वसन्तो अस्या-सीदाज्यं ।
 ग्रीष्म इद्ध्म-श्शरद्धविः । सप्तास्यासन् परिधयः ।
 त्रिस्सप्त समिधः कृताः । देवा यद् यज्ञं-तन्वानाः ।
 अबद्धन् पुरुषं पशुं । तं यज्ञं बर्हिषि प्रौक्षन् ।
 पुरुषं जातमग्रतः ॥ 3

तेन॑ दे॒वा अ॒यज॑न्त । सा॒द्ध्य॒या ऋ॒षय॑श्च॒ ये । तस्मा॑द् य॒ज्ञाथ् सर्व॑हु॒तः ॥
 संभृ॑तं पृ॒षदा॒ज्यं । प॒शूँ॒स्ताँ॒श्च॒क्रे वा॒यव्यान् ।
 आ॒र॒ण्यान्-ग्रा॒म्याश्च॒ ये । तस्मा॑द् य॒ज्ञाथ् सर्व॑हु॒तः ।
 ऋ॒चः सा॒मानि॑ ज॒ज्ञिरे॑ । छन्दा॑ँ॒सि ज॒ज्ञिरे॑ तस्मा॑त् ।
 य॒जुस्तस्मा॑ द॒जाय॑त ॥ 4

तस्मा॑दश्वा॒ अजा॑यन्त । ये के॑ चो॒भया॑द॒तः । गा॒वो ह ज॒ज्ञिरे॑ तस्मा॑त् ।
 तस्मा॑ज्जा॒ता अ॒जाव॑यः । यत्पु॑रु॒षं व्य॑दधुः । क॒ति॒था व्य॑कल्पयन् ।
 मुखं॑ कि॒मस्य॑ कौ बा॒हू । का॒वूरू॑ पा॒दावु॑च्येते ।
 ब्रा॒ह्म॒णो॒स्य मुख॑मासीत् । बा॒हू रा॒जन्यः॑ कृतः ॥ 5

ऊ॒रू तद॑स्य॒ यद्वैश्यः॑ । प॒द्भ्याँ॒ शू॒द्रो अ॒जाय॑तः ।
 च॒न्द्र॒मा मन॑सो जा॒तः । चक्षो॑-स्सू॒र्यो अ॒जाय॑त ।
 मु॒खादि॑न्द्र-श्वा॒ग्निश्च॑ । प्रा॒णाद् वा॒यु-र॒जाय॑त ।
 ना॒भ्या आ॑सीदन्त॒रिक्षं॑ । शी॒र्ष्णो द्यौः॑ सम॒वर्त्त॑त ।
 प॒द्भ्यां भूमि॑ दि॒शः श्रो॑त्रात् । तथा॑ लो॒काँ अ॒कल्प॑यन् ॥ 6

वे॒दा॒ह॒मे॒तं॑ पु॒रु॒षं॑ म॒हान्तं॑ । आ॒दि॒त्य॒व॒र्णं॑ तम॒स॒स्तु॑ पा॒रे ।
 सर्वा॑णि रू॒पाणि॑ वि॒चित्य॑ धी॒रः । ना॒मा॒नि कृ॒त्वा॒भि॒व॒दन्॑ यदा॒स्ते॑ ।
 धा॒ता पु॒रस्ता॒द्यमु॒दा ज॒हार॑ । श॒क्रः प्र॒वि॒द्वान् प्र॒दि॒शश्च॑त॒स्रः ।
 तमे॒वं वि॒द्वान॒मृत॑ इ॒ह भ॑वति । ना॒न्यः प॒न्था अ॒य॒नाय॑ वि॒द्यते॑ ।
 य॒ज्ञेन॑ य॒ज्ञ-म॑यजन्त दे॒वाः । ता॒नि ध॒र्मा॒णि प्र॒थ॒मा॒न्या॑सन् ।
 ते ह॒ नाकं॑ म॒हि॒मान॑स्सचन्ते । यत्र॒ पूर्वे॑ सा॒द्द॒ध्या-स्स॑न्ति दे॒वाः ॥ 7
 (ओं शान्तिः॑ शान्तिः॑ शान्तिः॑ ॥)

“ ओं नमो नारायणाय ” (It is customary to chant this during
 continous chanting of Uttara Narayanam)

24 उत्तर नारायणं

(TA 3.13.1)

अ॒द्भ्यस्सं॑भू॒तः पृ॒थि॒व्यै र॒साच्च॑ । वि॒श्वक॑र्म॒णः स॒म॒व॒र्त॒ताधि॑ ।
तस्य॑ त्व॒ष्टा वि॒दध॑द्रूपमेति । तत्पु॑रुषस्य वि॒श्व मा॒जा॒न॒म॒ग्रे ॥ 1

वेदा॑हमे॒तं पु॑रुषं म॒हान्तं॑ । आ॒दि॒त्य व॑र्णं तम॒सः पर॑स्तात् ।
तमे॒वं वि॒द्वान॒मृत॑ इ॒ह भ॑वति । नान्यः पन्था॑ वि॒द्यतेऽय॑नाय ॥ 2

प्र॒जा॒प॒तिश्च॑रति गर्भे॑ अ॒न्तः । अ॒जा॒य॒मा॒नो बहु॑धा विजायते ।
तस्य॑ धी॒राः परि॑जानन्ति योनिं॑ । मरी॑चीनां प॒दमि॑च्छन्ति वे॒धसः॑ ॥ 3

यो दे॒वेभ्य॑ आ॒त॒प॒ति । यो दे॒वानां॑ पु॒रोहि॑तः ।
पूर्वो॑ यो दे॒वेभ्यो॑ जा॒तः । नमो॑ रु॒चाय॑ ब्रा॒ह्म॒ये ॥ 4

रुचं॑ ब्रा॒ह्मज्ज॒नय॑न्तः । दे॒वा अ॒ग्रे तद॑ब्रुवन् ।
यस्त्वै॒वं ब्रा॒ह्म॒णो वि॒द्यात् । तस्य॑ दे॒वा अस॑न्वशे ॥ 5

॥
 ह्री॑श्च ते ल॒क्ष्मीश्च॑ प॒त्न्यौ । अ॒हो॒रा॒त्रे पा॒र्श्वे ।
 नक्ष॑त्राणि रू॒पं । अ॒श्विनौ॑ व्या॒त्तं ।
 इ॒ष्टं म॑निषाण । अ॒मुं म॑निषाण । स॒र्वं म॑निषाण ॥ 6

25 महा नारायणं

(TA 6.11.1)

स॒हस्र॑शीर्षं दे॒वं वि॒श्वाक्षं॑ वि॒श्वशं॑ भु॒वं ।
 वि॒श्वं ना॒राय॑णं दे॒वम॒क्षरं॑ प॒रमं॑ प॒दं ॥ 1

वि॒श्वतः॑ प॒रमा॑न्नित्यं वि॒श्वं ना॒राय॑णं ह॒रिं ।
 वि॒श्वमे॒वेदं॑ पु॒रुष॑ स्तद्वि॒श्व-मु॑पजीवति ॥ 2

प॒तिं वि॒श्वस्या॑त्मे॒श्वरं॑ शा॒श्वतं॑ शि॒वम॑च्युतं ।
 ना॒राय॑णं म॒हाज्ञे॑यं वि॒श्वात्मा॑नं प॒राय॑णं ॥ 3

ना॒राय॑ण प॒रो ज्यो॑ति॒रात्मा॑ ना॒राय॑णः प॒रः ॥ 4

ना॒राय॑ण प॒रं ब्र॒ह्म त॑त्त्वं ना॒राय॑णः प॒रः ।
 ना॒राय॑ण प॒रो ध्या॑ता ध्या॒नं ना॒राय॑णः प॒रः ।

यच्च॑ किञ्चि॒ज्-जग॑त्सर्वं दृ॒श्यते॑ श्रूय॒तेऽपि॑ वा ।

अन्त॑र् ब॒हिश्च॑ तथ् सर्वं॑ व्याप्य॑ ना॒राय॑णः स्थि॒तः ॥ 5

अन॑न्त म॒व्ययं॑ क॒विः॑ स॒मुद्रे॑न्तं वि॒श्वशं॑भुव॑ ।

पद्म॑को॒श-प्र॑तीका॒शः॑ हृद॑यं चाप्य॒धोमु॑खं ॥ 6

अ॒धो नि॒ष्ट्या वि॑तस्त्यान्ते ना॒भ्यामु॑परि तिष्ठति ।

ज्वा॒लमा॒लाकु॑लं भा॒ती वि॒श्वस्या॑यतनं महत् ॥ 7

सन्त॑तः शि॒लाभि॑स्तु ल॒ंबत्या॑ को॒शस॑न्निभं ।

तस्या॑न्ते सु॒षिर्ः सू॒क्ष्मं तस्मि॑न् सर्वं॑ प्रतिष्ठितं ॥ 8

तस्य॑ म॒ध्ये म॒हान॑ग्निर् वि॒श्वार्चि॑र् वि॒श्वतो॑ मुखः ।

सोऽग्र॑भुग् वि॒भज॑न् तिष्ठ॒न्नाहार॑-म॒जरः॑ क॒विः ॥ 9

तिर्य॑गू॒र्ध्वं म॒धश्शायी॑ रश्मयस्तस्य सन्त॑ता ।

सन्ता॑पयति स्वं दे॒हमा॑पादतल॒ मस्त॑कः ।

तस्य॑ म॒ध्ये वह्नि॑ शि॒खा अ॒णीयो॑र्ध्वा व॒यव॑स्थितः ॥ 10

नी॒लतो॑ यद॑ म॒द्ध्य॒स्थाद् वि॒द्युल्ले॑खेव॒ भास्व॑रा ।

नी॒वार॒ शू॒कव॑त्तन्वी पी॒ता भा॑स्वत्य॒णूप॑मा ॥ 11

तस्याः॑ शि॒खाया॑ म॒द्ध्ये॒ पर॑मा॒त्मा व्य॑वस्थि॒तः ।

स ब्र॒ह्म स शि॒वः स हरिः॑ सेन्द्रः॒ सोऽक्ष॑रः पर॒मः स्व॒राट् ॥ 12

ऋ॒तꣳ स॒त्यं परं॑ ब्र॒ह्म पु॒रुषं॑ कृ॒ष्ण पि॒ङ्गलं॑ ।

ऊ॒र्ध्व॑रि॒तं वि॑रू॒पाक्षं॑ वि॒श्वरू॑पाय॒ वै नमो॑ नमः॑ ॥

ना॒रा॒य॒णाय॑ वि॒द्महे॑ वा॒सुदे॑वाय॒ धीम॑हि । तन्नो॑ वि॒ष्णुः प्र॑चोद॒यात् ॥

वि॒ष्णोर्नु॑कं वी॒र्या॑णि प्र॒वोचं॑ यः पा॒र्त्थि॒वानि॑ वि॒ममे॑ रा॒जाꣳसि॑ यो

अ॒स्क॒भाय॑-दु॒त्तरꣳ स॒धस्थं॑ वि॒चक्र॑माण-स्त्रे॒धोरु॑गा॒यो

वि॒ष्णो-र॒राट॑म॒सि वि॒ष्णोः पृ॒ष्ठम॑सि॒ विष्णो-श्न॑प्त्रे॒स्थो वि॒ष्णो-

स्स्यूर॑सि॒ विष्णोर्ध्रु॑वम॒सि वैष्ण॑वम॒सि वि॒ष्णवे॑ त्वा ॥

*वि॒ष्णवे॑ ना॒रा॒य॒णाय॑ नमः॑ ॥ (ओं शान्तिः॒ शान्तिः॒ शान्तिः॑ ॥)

26 घोष शान्ति

(TA 7.41.1)

श॒न्नो वा॒तः प॒वतां॑ मा॒तरि॒श्वा श॒न्न स्त॒पतु॑ सू॒र्यः ।

अ॒हानि॑ शं भ॒वन्तु न॒ इ॒शः रा॒त्रिः प्र॒ति॒धी॒यतां॑ ॥

श॒मु॒षा नो॑ व्यु॒च्छतु॑ श॒मादि॒त्य उ॒देतु॑ नः ।

शि॒वा न॒ इ॒शान्त॑मा॒भव सु॒मृ॒डीका॑ सर॒स्वति॑ । मा॒ते व्यो॑म स॒न्दृशि॑ ॥ 1

इ॒डा॒यै वा॒स्त्व॒सि वा॒स्तुम॑द्वा॒स्तुम॑न्तो भू॒यास्म मा॑ वा॒स्तो॒रि॒च्छि॒त्स्

म॒ह्यवा॒स्तु स्स॑ भू॒याद् यो॑ऽस्मा॒न् द्वेष्टि॑ यं च॒ वयं॑ द्वि॒ष्मः ॥

प्र॒ति॒ष्ठा॒सि प्र॒ति॒ष्ठाव॑न्तो भू॒यास्म मा॑ प्र॒ति॒ष्ठाया॑छि॒त्स् म॒ह्य

प्र॒ति॒ष्ठस्स॑ भू॒याद् यो॑ऽस्मा॒न् द्वेष्टि॑ यं च॒ वयं॑ द्वि॒ष्मः ॥ 2

आ॒वा॒त वा॒हि भे॒षजं॑ वि॒वा॒त-वा॒हि य॒द्र॒पः ।

त्व॒हि वि॒श्वभे॑ष॒जो दे॒वानां॑ दू॒त ई॒य॒से ॥

द्वा॒वि॒मौ वा॒तौ वा॒त आ॒सि॒न्धो॒रा प॒रा॒व॒तः ।

दक्षं॑ मे अ॒न्य आ॒वा॒तु प॒रा॒न्यो वा॒तु य॒द्र॒पः ॥

यद॒दो वा॑त ते गृ॒हेऽमृत॑स्य नि॒धिर्हि॒तः ।
 ततो॑ नो दे॒हि जी॒वसे॒ ततो॑ नो धे॒हि भे॒षजं॑ ।
 ततो॑ नो म॒ह आव॑ह वा॒त आ॒वातु॑ भे॒षजं॑ ॥
 शं॒भूर्-मयो॑भूर्-नो ह॒दे प्र॒ण आयु॑षि तारिषत् ।
 इन्द्र॑स्य गृ॒होऽसि॑ तं त्वा प्र॒पद्ये॑ स॒गुस्साश्चः॑ ।
 स॒ह यन्मे॑ अ॒स्ति तेन॑ ॥ 3

भूः प्र॒पद्ये॑ भुवः प्र॒पद्ये॑ सुवः प्र॒पद्ये॑ भूर्भुव॑स्सुवः प्र॒पद्ये॑ वा॒युं
 प्र॒पद्ये॑ऽना॒र्त्ता दे॒वतां॑ प्र॒पद्ये॑-ऽश्मान॑माखणं प्र॒पद्ये॑ प्र॒जाप॑तेर्
 ब्रह्म॑को॒शं ब्रह्म॑ प्र॒पद्ये॑ ओं प्र॒पद्ये॑ ॥
 अ॒न्तरि॑क्षं म उ॒र्वन्तरं॑ बृ॒हद॒ग्नयः॑ पर्व॒ताश्च॑ यया वा॒तः स्व॒स्त्या
 स्व॒स्तिमा॒न्तया॑ स्व॒स्त्या स्व॒स्ति मा॒नसानि॑ ॥
 प्रा॒णापा॑नौ मृ॒त्योर् मा पा॑तं प्रा॒णापा॑नौ मा मा हा॒सिष्टं॑
 मयि॑ मे॒धां मयि॑ प्र॒जां मय्य॑ग्नि स्तेजो॑ दधातु

मयि॑ मे॒धां मयि॑ प्र॒जां मयीन्द्र॑ इन्द्रि॒यं दधातु॑
मयि॑ मे॒धां मयि॑ प्र॒जां मयि॑ सूर्यो॑ भ्राजो॑ दधातु ॥ 4

द्यु॒भिर॒क्तुभिः॑ परि॒पात॑-म॒स्मा-नरि॑ष्टेभिर॒श्विना॑ सौ॒भगे॑भिः ।
तन्नो॑ मि॒त्रो वरु॑णो मा॒महन्ता॑-म॒दितिः॑-सिन्धुः॑ पृथि॒वी उ॒तद्यौः॑ ॥
कया॑नश्चि॒त्र आ॒भुव॑ दू॒ती स॒दावृ॑ध स्सखा॑ । कया॑श्चि॒ष्ठया॑ वृ॒ता ॥

कस्त्वा॑ स॒त्यो म॒दानां॑ म॒हिष्ठो॑ म॒त्सद॒न्धसः॑ ।

दृ॒ढा-चि॒दा-रु॒जे-वसु॑ ॥

अ॒भीषु॑ण स्सखा॑ना-म॒विता॑-ज॒रित्-ऋ॒णां । श॒तं भ॒वास्यू॒तिभिः॑ ॥

वय॑स्सुप॒र्णा उप॑सेदु॒रिन्द्रं॑ प्रि॒यमे॒धा ऋ॒षयो॑ ना॒धमा॑नाः ।

अप॑द॒ध्वान्त॑मूर्णु॒हि पू॒र्द्धिच॑क्षुर् मुमु॒ग्ध्यस्मा॑-न्नि॒धये॑व ब॒द्धान् ॥

शन्नो॑ दे॒वीर॒भिष्टय॑ आपो॑ भवन्तु पी॒तये॑ । श॒म्यो-र॒भिस्र॑वन्तुनः ॥

ई॒शाना॑ वा॒र्याणां॑ क्षय॑न्ती श्व॒र्षणी॑नां । अ॒पो या॑चामि भेष॒जं ॥

सु॒मित्रा॑न आप॑ ओष॒धय॑ स्सन्तु दु॒र्मित्रा॑स्तस्मै॑ भूया-सु॒र्योऽस्मान्

द्वेष्टि॑ यं च॒ वयं॑ द्वि॒ष्मः ॥ 5

आपो॑हि॒ष्ठा म॑यो॒भुव॒-स्तान॑ ऊ॒र्जे द॑धातन । म॒हे र॑णाय॒ चक्ष॑से ।
 यो वः॑ शि॒वत॑मो र॒सस्त॑स्य॒ भाज॑यतेह॒ नः । उ॒शती॑रिव॒ मातरः॑ ।
 तस्मा॑ अ॒रं ग॑मामवो॒ यस्य॑ क्षयाय॒ जिन्व॑थ । आपो॑ जनय॒था चनः॑ ॥
 पृ॒थि॒वी शान्ता॑ साऽग्निना॑ शान्ता॒ सा मे॑ शान्ता शुच॑श्च॒ शम॑यतु ।
 अ॒न्तरि॑क्षश्च॒ शान्तं॑ तद् वा॒युना॑ शान्तं॒ तन्मे॑ शान्तश्च॒ शुच॑श्च॒ शम॑यतु ।
 द्यौः शान्ता॑ साऽऽदित्येन॑ शान्ता॒ सा मे॑ शान्ता शुच॑श्च॒ शम॑यतु ॥ 6

पृ॒थि॒वी शान्ति॑र॒न्तरि॑क्षश्च॒ शान्ति॑र् द्यौ इ॒शान्ति॑र् दि॒शः शान्ति॑-
 रवा॒न्तर॑दि॒शः-शान्ति॑-र॒ग्निइ॑शान्ति॒र्-वा॒युइ॑शान्ति॒-रा॒दित्य॑ इ॒शान्ति॑-
 श्च॒न्द्रमा॑ इ॒शान्ति॑र्-नक्ष॑त्राणि॒ शान्ति॑-रा॒पइ॑शान्ति॒-रोष॑धय॒ इ॒शान्ति॑र्-
 वन॑स्पतय॒ इ॒शान्ति॑र्-गौ इ॒शान्ति॑-र॒जा शान्ति॑-र॒श्च इ॒शान्तिः॑
 पु॒रुष॑ इ॒शान्ति॑र् ब्र॒ह्म शान्ति॑र् ब्रा॒ह्मण॑ इ॒शान्ति॑-इ॒शान्ति॑-
 रे॒व शान्ति॑ इ॒शान्ति॑र् मे अस्तु॑ शान्तिः॑ ॥

तया॒ऽह॒ं शान्त्या॑ सर्व॑ शान्त्या॑ मह्यं॑ द्विपदे॑ चतुष्पदे॑ च
 शान्तिं॑ करोमि॑ शान्तिर्॑ मे अस्तु॑ शान्तिः॑ ॥ 7

ए॒ह श्रीश्च॑ ह्रीश्च॑ धृतिश्च॑ तपो॑ मे॒धा प्रति॑ष्ठा श्रद्धा॑ सत्यं॑ धर्मश्चै॒तानि॑
 मो॒त्तिष्ठ॑न्त-मनू॒त्तिष्ठ॑न्तु॒ मामा॑ श्रीश्च॑ ह्रीश्च॑ धृतिश्च॑ तपो॑ मे॒धा प्रति॑ष्ठा
 श्रद्धा॑ सत्यं॑ धर्मश्चै॒तानि॑ मा॒ मा हा॑सिषुः ॥

उ॒दायु॑षा स्वा॒युषो॑-दोष॑धीना॒ं रसे॒नोत् पर्जन्य॑स्य शु॒ष्मेणो॑दस्था-
 म॒मृता॑ अनु॑ ॥ तच्चक्षु॑र् दे॒वहि॑तं पु॒रस्ता॑-च्छु॒क्रमु॑च्चरत् ॥ 8

पश्ये॑म श॒रद॑श्शतं जीवे॑म श॒रद॑श्शतं नन्दा॑म श॒रद॑श्शतं मोदा॑म
 श॒रद॑श्शतं भवा॑म श॒रद॑श्शतं शृ॒णवा॑म श॒रद॑श्शतं प्रब्र॑वाम
 श॒रद॑श्शत-मजी॑तास्याम श॒रद॑श्शतं जोक्च॑ सूर्यं॑ दृ॒शे ॥

य उ॒दगा॑न् मह॒तोऽर्ण॑वान् वि॒ब्राज॑मान-स्सरि॒रस्य॑ मद्द॒ध्याथ्स॑ मा
 वृष॑भो लो॒हिता॑क्ष स्सूर्यो॑ वि॒पश्चि॑न् मन॑सा पु॒नातु॑ ॥ 9

ब्र॒ह्म॒ण॒श्चो॒त॒न्य॒सि॒ ब्र॒ह्म॒ण॒ आ॒णी॒स्थो॒ ब्र॒ह्म॒ण॒ आ॒व॒प॒न॒म॒सि॒ धा॒रि॒ते॒यं॑
 पृ॒थि॒वी॒ ब्र॒ह्म॒णा॒ म॒ही॒ धा॒रि॒त-मे॒ने॒न॒ म॒ह॒द॒न्त॒रि॒क्षं॑ दि॒वं॑ दा॒धार
 पृ॒थि॒वी॒ꣳ स॒दे॒वां-ꣳय॒द॒हं-ꣳवे॒द॒ तद॒हं॑ धा॒र॒या॒णि॒ मा॒म॒द्वे॒दोऽधि॑ वि॒स्र॑सत् ।
 मे॒धा॒म॒नी॒षे॒ मा॒वि॒श॒ताꣳ स॒मी॒ची॒ भू॒त॒स्य॒ भ॒व्य॒स्या॒व॒रु॒द्ध्यै॑
 स॒र्व॒मा॒यु॒र॒या॒णि॒ स॒र्व॒मा॒यु॒र॒या॒णि॒ ॥ 10

आ॒भिर् गी॒र्भिर् यद॒तो॒न॒ ऊ॒न॒मा॒प्या॒य॒य॒ हरि॒वो॒ वर्द्ध॑मानः ।
 य॒दा॒ स्तो॒तृ॒भ्यो॒ म॒हि॒ गो॒त्रा॒ रु॒जा॒सि॒ भू॒यि॒ष्ठ॒भा॒जो॒ अध॑ते श्याम ।
 ब्र॒ह्म॒ प्रा॒वा॒दि॒ष्म॒ तन्नो॒ मा॒हा॒सी॒त् ॥

ओं शान्तिः॑ शान्तिः॑ शान्तिः॑ ॥

(Shanti Japam ends)

27 हिरण्यगर्भ सूक्तं

(TS 4.1.8.3)

1. हिर॒ण्य॒गर्भ॑ स्स॒मव॑र्त्तता॒ग्रे भू॒तस्य॑ जा॒तः प॒तिरे॑क॒ आसी॑त् ।
स दा॒धार पृ॒थि॒वीं ध्या॑मु॒तेमां॑ क॒स्मै दे॒वाय॑ ह॒विषा॑ वि॒धेम ॥
2. यः प्रा॑ण॒तो नि॑मिष॒तो म॑हि॒त्वैक॑ इ॒द्राजा॑ जग॒तो ब॒भूव॑ ।
य ई॒शो अ॒स्य द्वि॒पद॑श्चतु॒ष्पदः॑ क॒स्मै दे॒वाय॑ ह॒विषा॑ वि॒धेम ॥
3. य आ॒त्मदा॑ ब॒लदा॑ यस्य॒ विश्व॑ उ॒पास॑ते प्र॒शिषं॑ य॒स्य दे॒वाः ।
यस्य॑ छा॒याऽमृतं॑ य॒स्य मृ॒त्युः क॒स्मै दे॒वाय॑ ह॒विषा॑ वि॒धेम ॥
4. यस्ये॒मे हि॒मव॑न्तो म॒हि॒त्वा यस्य॑ स॒मुद्र॑ र॒सया॑ स॒हाऽऽहुः॑ ।
यस्ये॒माः प्र॒दि॒शो यस्य॑ बा॒हू क॒स्मै दे॒वाय॑ ह॒विषा॑ वि॒धेम ॥
5. यं क्र॑न्द॒सी अ॒वसा॑ तस्त॒भाने॑ अ॒भ्यैक्षे॑तां॒ मन॑सा॒ रेज॑माने ।
यन्ना॒धिसू॒र उ॒दितौ॑ व्येति॒ क॒स्मै दे॒वाय॑ ह॒विषा॑ वि॒धेम ॥
6. येन॑ द्यौरु॒ग्रा पृ॒थि॒वी च दृ॒ढे येन॑ सु॒वः स्त॒भितं॑ य॒ेन ना॒कः ।
यो अ॒न्तरि॑क्षे॒ रज॑सो वि॒मानः॑ क॒स्मै दे॒वाय॑ ह॒विषा॑ वि॒धेम ॥

-
7. आपो॑ ह॒ यन्म॑ह॒तीर् विश्व॑मा॒यन् दक्ष॑न्दधा॒ना ज॒नय॑न्तीर॒ग्निं ।
ततो॑ दे॒वाना॑-न्नि॒र्वर्त्त॑ता-सु॒रेकः॑ क॒स्मै दे॒वाय॑ ह॒विषा॑ वि॒धेम ॥
8. यश्चि॑दापो॑ म॒हिना॑ प॒र्यप॑श्य दक्ष॑न्दधा॒ना ज॒नय॑न्तीर॒ग्निं ।
यो दे॒वेष्वधि॑ दे॒व येक॑ आसीत् क॒स्मै दे॒वाय॑ ह॒विषा॑ वि॒धेम ॥
ओं शान्तिः॑ शान्तिः॑ शान्तिः॑ ॥
-

28 वेद काण्ड तैत्तिरीय संहिता

28.1 प्रथमकाण्डे प्रथमप्रश्नः प्रथमपञ्चातिः

(TS 1.1.1.1)

इ॒षे॒त्वो॒र्जे॒त्वा वा॒यव॑स्थो पा॒यवः॑ स्थ दे॒वोवः॑ सवि॒ता प्रा॑र्पयतु
 श्रे॒ष्ठत॑माय॒ कर्म॑ण॒ आप्या॑यद्ध्व -म॒घ्निया॑ दे॒वभा॒ग मूर्ज॑स्वतीः
 पय॑स्वतीः प्र॒जाव॑ती-र॒नमी॒वा अ॒यक्ष्मा॑ मावः स्तेन ई॒शत॑मा-
 ऽघ॑श॒ऽसो रु॒द्रस्य॑ हे॒तिः परि॑वो वृणक्तु ध्रु॒वा अ॒स्मिन् गो॑पतौ स्यात
 ब॒ह्वीर्-य॑ज॒मान॑स्य प॒शून् पा॑हि ॥

28.2 द्वितीयकाण्डे प्रथमप्रश्नः प्रथमपञ्चातिः

(TS 2.1.1.1)

वा॒यव्य॑श्चे॒तमा॑ ल॒भेत॑ भू॒ति का॑मो वा॒युर्वे॑-क्षे॒पिष्ठा॑ दे॒वता॑
 वा॒युमे॒वस्वे॑न भा॒गधे॒येनो॑प धावति स ए॒वैनं॑ भू॒तिं ग॑मयति
 भव॑त्ये॒वाति॑ क्षि॒प्रा दे॒वते॑त्या हु॒स्सैन॑ मी॒श्वरा॑ प्र॒दह॑ इत्ये॒तमे॒व स॑न्तं
 वा॒यवे॑ नि॒युत्व॑त आल॒भेत॑ नि॒युद्धा॑ अ॒स्य धृ॒तिर्धृ॑त ए॒व भू॒ति मु॑पैत्य
 प्र॒दाहा॑य भव॑त्ये॒व ॥

28.3 तृतीयकाण्डे प्रथमप्रश्नः प्रथम पञ्चातिः

(TS 3.1.1.1)

प्र॒जा॒प॒ति॒-र॒काम॑य॒त प्र॒जा-स्सृ॑जे॒येति॒ स॒त॒पो ऽत॑प्य॒त स॒ सर्पा॑ न
 सृ॒ज॒त सोऽ॒काम॑य॒त, प्र॒जा-स्सृ॑जे॒येति॒ स द्वि॒तीय॑म॒तप्य॑त स॒ वया॑स्य
 सृ॒ज॒त सोऽ॒काम॑य॒त प्र॒जा-स्सृ॑जे॒येति॒, स तृ॒तीय॑म॒तप्य॑त स॒ ए॒तं
 दी॒क्षि॒त वा॒दम॑ प॒श्य॒त्तम॑व॒द॒त्ततो॒ वै स प्र॒जा अ॒सृ॒ज॒त, य॒त्तप॑स्त॒प्त्वा
 दी॒क्षि॒त वा॒दं व॑द॒ति प्र॒जा ए॒व त॒द्यज॑मानः ॥

28.4 चतुर्थकाण्डे प्रथमप्रश्नः प्रथमपञ्चातिः

(TS 4.1.1.1)

यु॒ञ्जानः॑ प्र॒थमं॑ म॒नस्त॑त्वाय॒ स॒वि॒ता धि॒यः ।
 अ॒ग्निं ज्यो॑ति-नि॒चाय्य॑ पृ॒थि॒व्या अ॒द्ध्याऽभ॑रत् ।
 यु॒क्त्वाय॑ म॒नसा॑ दे॒वान्-थ्सु॑व॒र्यतो॒ धि॒या दि॒वं ।
 बृ॒हज्ज्यो॑तिः॒ करि॑ष्य॒त स्स॒वि॒ता प्र॑सु॒वाति॒ तान् ।
 यु॒क्तेन॑ म॒नसा॑ व॒यं दे॒वस्य॑ स॒वितु॑स्स॒वे । सु॒वर्गे॑याय॒ शक्त्यै॑ ।
 यु॒ञ्ज॒ते म॒न उ॒त यु॒ञ्ज॒ते धि॒यो वि॒प्रा वि॒प्रस्य॑ बृ॒हतो॑ वि॒पश्चि॑तः ।
 वि॒हो॒त्राद॑धे॒ वयु॑ना॒ विदे॑क॒ इत् ॥

28.5 पञ्चमकाण्डे प्रथमप्रश्नः प्रथमपञ्चातिः

(TS 5.1.1.1)

सा॒वि॒त्राणि॑ जु॒होति॑ प्र॒सू॒त्यै च॑तुर्गृ॒हीतेन॑ जु॒होति॑,
 चतु॑ष्पादः प॒शवः॑ प॒शूने॒वा वरु॑न्धे च॒तस्रो॑ दि॒शो दि॒क्ष्वे॒व प्र॑ति॒तिष्ठ॑ति,
 छन्दा॑ँसि दे॒वेभ्यो॑ ऽपा॒क्रा म॒न्नवो॑ ऽभा॒गानि॑ ह॒व्यं,
 वँक्ष्या॑म॒ इति॑ तेभ्य॑ ए॒तच्च॑तुर् गृ॒हीत॑-म॒धारय॑न्,
 पुरो॑ऽनु॒वाक्या॑यै या॒ज्यायै॑ दे॒वता॑यै वषट्का॒राय॑ यच्च॑तुर् गृ॒हीतं
 जु॒होति॑ छन्दा॑ँस्ये॒व तत् प्री॑णाति॒ तान्य॑स्य प्री॒तानि॑
 दे॒वेभ्यो॑ ह॒व्यं वँह॑न्ति॒ यं का॒मये॑त ॥

28.6 षष्ठकाण्डे प्रथमप्रश्नः प्रथमपञ्चातिः

(TS 6.1.1.1)

प्रा॒चिन॑वँ शङ्क॒रोति॑, दे॒वम॑नु॒ष्या दि॒शो-व्य॑भजन्त, प्रा॒ची॒न्दे॒वा
 दक्षि॑णा पि॒तरः॑ प्र॒तीचीं॑ म॒नुष्या॑, उ॒दीची॑ँ रु॒द्राय॑त् प्रा॒चीन॑वँ
 शङ्क॒रोति॑, दे॒वलोक॑मे॒व तद्य॑ज॒मान॑ उ॒पाव॑र्तते॒ परि॑श्रयत्यन्तर् हि॒तोहि॑,
 दे॒वलोक॑ो म॒नुष्य॑ लो॒कान्ना॑स्मा ल्लो॒कात्, स्वे॑तव्य मि॒वे त्या॑हुः
 को॒हित॑ द्वेद॒ यद्ध्य॑ मु॒ष्मिन् लो॒केऽस्ति॑-वा॒नवे॑ति॒ दि॒क्ष्वती॑ का॒शान्
 करो॑ति ।

28.7 सप्तमकाण्डे प्रथमप्रश्नः प्रथमपञ्चातिः

(TS 7.1.1.1)

प्र॒जन॑न॒म् ज्यो॑ति॒-र॒ग्निर्-दे॒वता॑ना॒म् ज्यो॑ति॒र् वि॒राट् , छ॒न्द॒साम्
ज्यो॑ति॒र्-वि॒राड्-वा॒चो॑ऽनौ स॒न्तिष्ठ॑ते वि॒राज॑म॒भि संप॑द्यते ,
तस्मा॑त्त-ज्ज्यो॑ति॒ रुच्य॑ते, द्वौ स्तो॑मौ प्रा॒तस्स॑व॒नं , 'व॑हतो यथा॑
प्रा॒णश्चा॑ पा॒नश्च॑, द्वौ मा॒द्ध्य॑न्दि॒नं स॑व॒नं-यथा॑ चक्षु॑श्च श्रो॒त्रञ्च॑,
द्वौ तृ॑तीय स॒व॒नं यथा॑ वाक्च॑ प्र॒तिष्ठा॑ च, पु॒रुष॑ स॒म्मितो॑ वा ए॒ष
य॒ज्ञोऽस्थू॑रिः ॥

28.8 सप्तमकाण्डे पञ्चमप्रश्नः अन्त्यपञ्चातिः

TS 7.5.25.2

स॒मु॒द्र उ॒दर॑म॒न्तरि॑क्षं पा॒युर् द्वा॒वापृ॑थि॒वी आ॒ण्डौ ग्रा॒वा शे॒पस्सो॑मो
रेतो॑ यज्जं ज॒भ्यते॑ तद्वि॒द्योत॑ते यद्वि॒धूनु॑ते तथ्स्त॒नय॑ति यन्मे॒हति॑
तद्व॑र्षति॒ वागे॒वास्य॑ वा ग॒हर्वा अ॑श्च॒स्य जा॑य॒मान॑स्य म॒हिमा
पु॒रस्ता॑ज्जाय॒ते रा॒त्रिरे॑नं म॒हिमा प॒श्चाद॑नुजायत ए॒तौ वै म॑हि॒माना॑
व॒श्च-म॒भित॑-स्संब॑भूवतु॒र्हयो॑ दे॒वान॑व॒हर्वा-ऽसु॑रान् वा॒जी
ग॒न्ध॒र्वान॑श्चो म॒नुष्या॑न्त्समु॒द्रोवा अ॑श्च॒स्य यो॒नि स्स॑मु॒द्रो ब॑न्धुः ॥

28.9 तैत्तिरीय यजुब्राह्मणम्-प्रथमाष्टके प्रथमप्रश्नः प्रथम दशिनि

TB 1.1.1.1

ब्र॒ह्म स॒न्धत्तं॑ त॒न्मे जि॒न्वतं॑ । क्ष॒त्रञ् स॒न्धत्तं॑ त॒न्मे जि॒न्वतं॑ ।
 इ॒षञ् स॒न्धत्तं॑ ता॒म्मे जि॒न्वतं॑ । ऊ॒र्जञ् स॒न्धत्तं॑ ता॒म्मे जि॒न्वतं॑ ।
 र॒यिञ् स॒न्धत्तं॑ ता॒म्मे जि॒न्वतं॑ । पु॒ष्टिञ् स॒न्धत्तं॑ ता॒म्मे जि॒न्वतं॑ ।
 प्र॒जाञ् स॒न्धत्तं॑ ता॒म्मे जि॒न्वतं॑ । प॒शून्ध॒सन्धत्तं॑ ता॒न्मे जि॒न्वतं॑ ।
 स्तु॒तोऽसि॒जन॑धाः । दे॒वास्त्वा शु॒क्रपाः॑ प्र॒णय॑न्तु ॥
 सु॒वीराः॑ प्र॒जाः प्र॒जन॑यन् प॒रीहि॑ ।

28.10 द्वितीयाष्टके प्रथमप्रश्नः प्रथम दशिनि

TB 2.1.1.1

अ॒ङ्गिर॑सो वै स॒त्रमा॑सत । तेषां॑ पृ॒श्निर्-घ॒र्मधु॑-गा॒सीत् ।
 सर्जी॑षेणा जी॒वत् । तेऽब्रु॑वन् । क॒स्मैनु॑-स॒त्रमा॑स्महे ।
 येऽस्या॑ ओष॒धीर्न॑ ज॒नयाम॑ इति । ते दि॒वो वृ॑ष्टि॒मसृ॑जन्त ।
 या॒वन्त॑ स्स्तो॒का अ॒वा प॑द्यन्त । ताव॑ती॒रो-ष॑धयोऽजा॒यन्त॑ ।
 ता जा॒ताः पि॒तरो॑ वि॒षेणा॑ लिंपन् ॥ [] तासां॑ ज॒ग्ध्वा-रु॑प्य॒न्त्यैत् ।

28.11 तृतीयाष्टके प्रथमप्रश्नः प्रथम दशिनि

TB 3.1.1.1

अ॒ग्नि॒र्नः॑ पा॒तु कृ॒त्तिकाः॑ । नक्ष॑त्रं दे॒वमिन्द्रि॒यम् ।

इ॒दमा॑सां-वि॒चक्ष॑णम् । ह॒विरा॒सन् जु॑होतन ।

यस्य॑ भा॒न्ति रश्म॑यो यस्य॑ के॒तवः॑ ।

यस्ये॒मा वि॒श्वा भु॑वनानि सर्वा॑ । स कृ॒त्तिका-भि॑रभि सँव॑सानः ।

अ॒ग्निर्नो॑ दे॒वस्सु॑वि॒ते द॑धातु । प्र॒जाप॑ते रोहि॒णीवे॑तु पत्नी॑ ।

वि॒श्वरू॑पा बृ॒हती चि॒त्रभा॑नुः ॥ [] सा नो॑ य॒ज्ञस्य॑ सु॒वि॒ते द॑धातु ।

28.12 तृतीयाष्टके नवमप्रश्नः प्रथम दशिनि

TB 3.9.1.1

प्र॒जाप॑ति-रश्म॑मे॒ध म॑सृजत । सोऽ॒स्मात्सृ॑ष्टो-ऽपा॑क्रामत् ।

तम॑ष्टाद॒शिभि॑रनु प्रायु॑ङ्क्त । तमा॑प्नोत् । तमा॑प्त्वाऽष्टा॑ द॒शिभि॑र वा॒रुन्ध॑ ।

यद॑ष्टा द॒शिन॑ आल॒भ्यन्ते॑ । य॒ज्ञमे॒वतै-रा॑प्त्वा यज॑मानो ऽव॒रुन्धे॑ ।

सँव॑त्सरस्य॑ वा ए॒षा प्र॑तिमा । यद॑ष्टाद॒शिनः॑ ।

द्वाद॑श मा॒साः पञ्च॑र्तवः । सँव॑त्सरो॑ ऽष्टा द॒शः ॥

28.13 तृतीयाष्टके नवमप्रश्नः अन्त्य दशिनि

TB 3.9.23.2

यद्द॑र्श॒णपूर्॑ण मा॒सौ यज॑ते । अ॒श्वस्यै॑व मे॒द्ध्यस्य॑ प॒दे प॒दे जु॑होति ।
 ए॒त द॑नु॒कृति॑ ह॒स्मवै॑ पु॒रा । अ॒श्वस्य॑ मे॒द्ध्यस्य॑ प॒दे प॒दे जु॑हति ।
 यो॒वा अ॒श्वस्य॑ मे॒द्ध्यस्य॑ वि॒वर्त्त॑नं वे॒द ।
 अ॒श्वस्यै॑व मे॒द्ध्यस्य॑ वि॒वर्त्त॑ने वि॒वर्त्त॑ने जु॑होति ।
 अ॒सौवा आ॑दि॒त्यो ऽश्वः॑ । स आ॑ह॒वनी॒यमा॑गच्छति ।
 तद्वि॑वर्त्तते । यद॑ग्नि॒होत्रं॑ जु॑होति ।
 अ॒श्वस्यै॑व मे॒द्ध्यस्य॑ वि॒वर्त्त॑ने वि॒वर्त्त॑ने जु॑होति ।
 ए॒त द॑नु॒कृति॑ ह॒स्मवै॑ पु॒रा ।
 अ॒श्वस्य॑ मे॒द्ध्यस्य॑ वि॒वर्त्त॑ने वि॒वर्त्त॑ने जु॑हति ॥

28.14 काटके प्रथमप्रश्नः प्रथम दशिनि

TB 3.10.1.1

सं॒ज्ञानं॑ वि॒ज्ञानं॑ प्र॒ज्ञानं॑ जा॒नद॑भि जा॒नत् ।
 सं॒कल्प॑मानं प्र॒कल्प॑मान-मु॒पक॑ल्पमान-मु॒पक्लृ॑प्तं क्लृ॒प्तं ।
 श्रे॒यो व॑सी॒य आ॒यथ्स॑संभू॒तं भू॒तं ।
 चि॒त्रः के॒तुः प्र॒भाना॑भान्-थ्सं॒भान् ।

ज्योतिष्मा७ स्तेजस्वानातप७ स्तपन्न भितपन् ।
 रोचनो रोचमान-श्शोभन-श्शोभमानः कल्याणः ।
 दर्शा दृष्टा दर्शता विश्वरूपा सुदर्शना ।
 आप्यायमा-नाप्यायमा-नाप्याया सूनृतेरा ॥
 आपूर्यमाणा पूर्यमाणा पूरयन्ती पूर्णा पौर्णमासी ।
 दाता प्रदाता ऽनन्दो मोदः प्रमोदः ॥ []
 आवेशय-निवेशयन्-थ्सँवेशन-स्सँ शान्त इशान्तः ।

28.15 काटके तृतीयप्रश्नः अन्त्य दशिनि

TB 3.12.9.8

तस्यै वात्मा पद वित्तं विदित्वा । न कर्मणा लिप्यते पापकेन ।
 पञ्चपञ्चाशत स्त्रिवृत स्सँवथ्सराः । पञ्चपञ्चाशतः पञ्चदशाः ।
 पञ्चपञ्चाशत स्सप्तदशाः । पञ्च पञ्चा शत एकविंशाः ।
 विश्व सृजाँ सहस्र सँवथ्सरं ।
 एते नवै विश्व सृज इदं विश्वमसृजन्त । यद्विश्व मसृजन्त ।
 तस्माद्विश्व सृजः । विश्वमेना ननु प्रजायते ।

ब्रह्म॑ण-स्सा॒युज्य॑ꣳ स॒लो॒क॒तां॑ य॒न्ति॑ ।

ए॒ता सा॒मे॒व दे॒वता॑नाꣳ सा॒युज्यं॑ । सा॒र्षि॒ताꣳ स॒मा॒न लो॒क॒तां॑ य॒न्ति॑ ।

य ए॒त दु॒प॒य॒न्ति॑ । ये चै॒नत् प्राहुः॑ । येभ्यश्चै॒नत् प्राहुः॑ । ॐ ॥

28.16 आरण्यके प्रथमप्रश्नः प्रथम दशिनि

TA 1.1.1

भ॒द्रं क॒र्णे॒भिः शृ॒णु॒याम॑ दे॒वाः । भ॒द्रं प॑श्ये॒माक्ष॑भिर् यज॒त्राः ।

स्थि॒रैरङ्गै॑स्तुष्टु॒वाꣳ स॑स्त॒नूभिः॑ । व्य॒शेम॑ दे॒वहि॑तं य॒दायुः॑ ।

स्व॒स्ति न॒ इन्द्रो॑ वृ॒द्धश्र॑वाः । स्व॒स्ति नः॑ पू॒षा वि॒श्ववे॑दाः ।

स्व॒स्ति न॒स्ताक्ष॑र्यो अरि॒ष्टने॑मिः । स्व॒स्ति नो॒ बृह॑स्पतिर् दधातु ।

आ॒प॒मापा॑-म॒प॒स्सर्वाः॑ । अ॒स्मा-द॒स्मा-दि॒तो॒स्मुतः॑ ॥ []

अ॒ग्निर्-वा॒युश्च॑ सू॒र्यश्च॑ ।

28.17 आरण्यके दशमप्रश्नः अन्त्य दशिनि

TA 6.80.1

तस्यै॒वं वि॒दुषो॑ य॒ज्ञस्या॒त्मा यज॑मान-इ॒श्रद्धा॑ प॒त्नी शरी॑र-

मि॒द्धम॑मुरो॒वेदि॑र्-लो॒मानि॑ ब॒र्हिर् वे॒द-शि॑खा हृ॒दयं॑ यूपः का॒म

आज्यं॑ म॒न्युः प॒शुस्त॑पो ऽग्निर्-द॒म-इ॒शम॑यिता दक्षि॒णा-वा॑ग्धो॒ता

प्रा॒ण उ॒द्गा॒ता ,

चक्षु॑रध्व॒र्युर्-मनो॑ ब्र॒ह्मा श्रोत्र॑म॒ग्नी-ध्याव॑द्धि॒यते सा दी॒क्षा यद॑श्नाति
तद्ध॒विर्-यत्पि॑बति॒ तदस्य॑ सोम॒पानं यँद्र॑मते॒ तदुप॑सदो॒ यत्संच॑-
रत्युप॑ वि॒श-त्यु॑त्तिष्ठते॒ च सप्र॑व॒र्ग्यो यन्मुखं॑ तदाह॒वनीयो॑ या
व्या॑हति-राहु॒तिर्-यद॑स्य ,

वि॒ज्ञानं॑ तज्जु॒होति॑ यत्सा॒यं प्रा॑तर॒त्ति तत्स॒मिधं॑ यँत्प्रा॒तर् म॒द्ध्यन्दि॑नꣳ
सा॒यञ्च॑ तानि॒ सवनानि॑ ये अ॒होरा॒त्रे ते द॒र्शपूर्ण॑मा॒सौ
येऽ॒र्धमा॒साश्च॑ मा॒साश्च॑ ते चा॒तुर्मा॒स्यानि॑ य ऋ॒तव॑स्ते प॒शुब॑न्धा ये
संवँ॑त्सराश्च॒ परिव॑त्सराश्च॒ ते ऽह॑र्गणा-स्सर्व॒ वेद॑सं ँ॒वा,

ए॒तत्स॒त्रं यँन्म॑रणं॒ तदव॑भृथ॒ एत॑द्वै ज॒राम॑र्य-म॒ग्निहो॒त्रꣳ स॒त्रं
यँ॒ एवं॑ वि॒द्वा-नु॑द॒गय॑ने प्र॒मीय॑ते दे॒वाना॑मे॒व म॒हिमा॑नं ग॒त्वा
ऽऽदि॑त्यस्य॒ सायु॑ज्यं,

गच्छ॑त्यथ॒ यो दक्षि॑णे प्र॒मीय॑ते पि॒तृणा॑-मे॒व म॒हिमा॑नं ग॒त्वा च॒न्द्रम॑स
स्सायु॑ज्यꣳ सलो॒कता॑-मा॒प्नोत्ये॒तौ वै सू॒र्याच॑न्द्रम॒सौर्-म॒हिमानौ॑

ब्राह्म॑णो वि॒द्वान॑भि॒ जय॑ति॒ तस्मा॑द्ब्रह्म॑णो॒ महि॑मान॒ मा॒प्नोति॑
तस्मा॑द्ब्रह्म॑णो॒ महि॑मान॒-मित्यु॑पनिषत् ॥

ॐ शान्तिः॑ शान्तिः॑ शान्तिः॑ ॥

29 ऋचां प्राची

(TB 3.12.9.1)

ऋ॒चां प्रा॒ची मह॑ती दि॒गुच्य॑ते । दक्षि॑णा-माहु॒र्-यजु॑षा-मपा॒रां ।
अथ॑र्वणा-म॒ण्डिर॑सां प्र॒तीची॑ । साम्ना॒-मुदी॑ची मह॒ती दि॒गुच्य॑ते ।
ऋ॒ग्भिः पूर्वा॑ह्णे दि॒वि दे॒व ई॑यते । यजु॒र्वेदे॑ तिष्ठति॒ मध्ये॑ अ॒हः ।
साम॑वेदे-नास्तम॒ये मही॑यते । वेदै॒-रशू॑न्य-स्त्रि॒भिरे॑ति॒ सूर्यः॑ ।
ऋ॒ग्भ्यो जा॒ताः सर्व॑शो मूर्ति॑-माहुः ।
सर्वा॑ गति॒र्-याजु॑षी है॒व शश्च॑त् ॥
सर्वं॑ तेज॒स्साम॑रूप्यं॒ ह शश्च॑त् । सर्वं॑ हे॒दं ब्रह्म॑णा है॒व सृ॑ष्टं ॥ 1
ऋ॒ग्भ्यो जा॒तं वैश्वं॑ वर्ण॑-माहुः । यजु॒र्वेदं॑ क्षत्रि॒यस्या॑-ह॒र्योनिं॑ ।
साम॑वेदो ब्राह्म॑णानां प्र॒सूतिः॑ । पूर्वे॑ पूर्वे॒भ्यो वच॑ ए॒त-दू॑चुः ।
आ॒द॒र्श-म॒ग्निं चि॑न्वा॒नाः । पूर्वे॑ विश्व॒ सृजो॑ऽमृ॒ताः ।

श॒तं व॑र्ष॒ सह॒स्राणि॑ । दी॒क्षिता॑ स्स॒त्र-मा॑सत ॥
 तप॑ आसीद् गृ॒हप॑तिः । ब्र॒ह्म ब्र॒ह्मा भ॑वथ् स्व॒यं ।
 स॒त्यञ्ह॑ हो तैषा॒-मासी॑त् । यद् वि॒श्वसृ॑ज आ॒सत ॥ 2

अ॒मृत॑-मे॒भ्य उ॑दगायत् । स॒हस्रं॑ परि॒वथ्स॑रान् ।
 भू॒तञ्ह॑ प्र॒स्तो-तैषा॒-मासी॑त् । भ॒विष्य॑त् प्र॒ति चा॑हरत् ।
 प्रा॒णो अ॑द्ध्व॒र्यु-र॑भवत् । इ॒दञ् सर्व॑ञ् सि॒षास॑तां ॥ 3

अ॒पा॒नो वि॒द्वा-ना॒वृतः॑ । प्र॒ति प्रा॑तिष्ठ-द॒ध्वरे॑ । आ॒र्त्त॒वा उ॑पगा॒तारः॑ ।
 स॒दस्या॑ ऋ॒तवो॑-ऽभवन् । अ॒र्द्धमा॑साश्च मा॒साश्च॑ । च॒मसा॑-द्ध्व॒र्यवो॑
 ऽभवन् । अ॒शञ् स॒द् ब्र॑ह्म॒ण-स्तेजः॑ । अ॒च्छा वा॒कोऽभव॑द्-य॒शः ।
 ऋ॒त-मैषां॑ प्र॒शास्ता॑-ऽसी॑त् । यद् वि॒श्व सृ॑ज आ॒सत ॥ 4

ऊ॒र्ग-रा॒जा॒न-मु॑दवहत् । ध्रु॒व गो॒प स्स॒हो-ऽभव॑त् ।
 ओ॒जोऽभ्य॑ष्टौद् ग्राव्.ण्णः । यद् वि॒श्व सृ॑ज आ॒सत ।
 अ॒प॒चि॒तिः पो॒त्रीया॑-म॒यज॑त् । ने॒ष्ट्रीया॑-म॒यज॑त् त्वि॒षिः ।
 आ॒ग्नी॑द्धाद् वि॒दुषी॑ स॒त्यं । श्र॒द्धा है॒वा य॑जथ् स्व॒यं ।

इ॒रा प॒त्नी वि॒श्व सृ॒जां । आ॒कू॒ति-र॒पि॒न॒डू॒विः ॥
 इ॒ध्म॒ ह क्षु॒च् चै॒-भ्य॒ उ॒ग्रे । तृ॒ष्णा चा॒ वह॑तामु॒भे ।
 वा॒गे॒षा सु॒ब्र॒ह्म॒ण्या-ऽऽ*सी॒त् । छ॒न्दो॒ यो॒गान् वि॒जान॑ती ।
 क॒ल्प॒तन्त्रा॑णि तन्वा॒ना ऽहः॑ । स॒ ऽस्थाश्च॑ सर्व॒शः ॥ 5

अ॒हो॒रा॒त्रे प॒शु पा॒ल्यौ । मु॒हूर्त्ताः प्रे॒ष्या अ॒भवन् ।
 मृ॒त्युस्त॑द-भ॒व-ब्धा॒ता । श॒मि॒तो-ग्नो॒ वि॒शां प॑तिः ॥
 वि॒श्वसृ॑जः प्रथ॒मा स्स॒त्र-मा॑सत । स॒हस्र॑ समं प्र॒सु॒तेन॑ यन्तः ।
 ततो॑ ह ज॒ज्ञे भु॑वनस्य गो॒पाः । हि॒र॒ण्म॒य इ॒शकु॑निर् ब्र॒ह्म ना॑म ।
 येन॑ सूर्य-स्त॒पति॑ तेज॒से॒द्धः । पि॒ता पु॒त्रेण॑ पि॒तृमा॑न् यो॒नियो॑नौ ।
 नावे॑दविन् म॒नुते॒ तं बृ॒हन्तं॑ । सर्वा॑नु॒भु-मा॒त्मानं॑ संप॒राये ॥ 6

ए॒ष नि॒त्यो म॑हि॒मा ब्रा॒ह्म॒णस्य॑ । न क॒र्मणा॑ वर्द्ध॒ते नो॑ क॒नीया॑न् ॥
 तस्यै॒वा-त्मा॑ प॒द॒वित्तं॑ वि॒दित्वा॑ । न क॒र्मणा॑ लि॒प्यते॑ पा॒पके॑न ।
 प॒ञ्च प॒श्चा॒शत॑-स्त्रि॒वृ॒त स्स॑व॒त्सराः॑ ।
 प॒ञ्च प॒ञ्चा॒शतः॑ प॒ञ्चद॑शाः ।

पञ्च पञ्चा॒शत॑ स्सप्तद॒शाः । पञ्च पञ्चा॒शत॑ एकवि॒ंशः॑ ।

वि॒श्वसृ॒जाँ॑ स॒हस्र॑ सँव॒त्सरं॑ ।

ए॒तेन॒ वै वि॒श्वसृ॒ज इ॒दं वि॒श्व-म॒सृज॑न्त ।

यद् वि॒श्व-म॒सृज॑न्त । तस्मा॑द् वि॒श्वसृ॒जः ॥ 7

वि॒श्व-मे॒ना-न॒नु प्र॒जाय॑ते । ब्र॒ह्मण॑ स्सायु॒ज्यँ॑ स॒लो॒कतां॑ य॒न्ति ।

ए॒तासा॑मे॒व दे॒वता॑नाँ॒ सायु॑ज्यं । सा॒र्षिताँ॑ स॒मान॑ लो॒कतां॑ य॒न्ति ।

य ए॒त-दु॒पय॑न्ति । ये चै॒नत् प्रा॑हुः । येभ्य॑-श्चै॒नत् प्रा॑हुः ॥ ओं ॥ 8

(ओं शान्तिः॑ शान्तिः॑ शान्तिः॑ ॥)

30 प्रदक्षिण मन्त्राः

(Order of chanting various mantras may vary)

Ref: TA 2.15.1 for 1 / RV 1.27.13 for 2 / TA.6.1.4 for 3 /
TS 1.2.1.26 for 4 / TB 2.4.2.9 for 5 / RV 10.173.5 for 6 /
TB 2.4.6.10 for 7 / RV.5.25.6 for 8 / TS 4.5.3.2 for 9

ये अ॒र्वा॒ङु॒तवा॑ पु॒रा॒णे वे॒दं वि॒द्वाꣳ स॒म॒भितो॑ वद॒न्त्यादि॒त्य मे॒वते॑
 परि॒वद॑न्ति॒ सर्वे॑ अ॒ग्निं द्वि॒तीयं॑ तृ॒तीयं॑ च ह॒ꣳ स॒मि॒ति या॒वती॑र्वे
 दे॒वता॒स्ता स्स॒र्वा वे॒द वि॒दि ब्रा॒ह्म॒णे व॑सन्ति॒ तस्मा॑त् ब्रा॒ह्म॒णेभ्यो॑
 वे॒दवि॒द्भ्यो दि॒वे दि॒वे न॑म॒स्कु॒र्यान्ना॑ श्ली॒लङ्की॑र्तये दे॒ता ए॒व दे॒वताः॑
 प्री॒णाति॑ ॥ 1

नमो॑ म॒हद्भ्यो॑ नमो॑ अ॒र्भके॑भ्यो नमो॑ यु॒वद्भ्यो॑ नम॑ आ॒शिने॑भ्याः ।
 य॒जाम॑ दे॒वान् यदी॑श॒क्नवा॑ म॒मा ज्या॑यसः शं स॒मावृ॑क्षि दे॒वाः ॥ 2

सद॑स॒स्पति॑ म॒द्भुतं॑ प्रि॒य-मि॒न्द्रस्य॑ का॒म्यं । स॒निं मे॒धाम॑या॒सिषं॑ ॥ 3

स॒प्रथ॑ स॒भां मे॑ गो॒पाय॑ । ये च॑ स॒भ्या स्स॒भास॑दः ।

ता॒निन्द्रि॑या॒वतः॑ कुरु । सर्व॑मा॒यु-रु॒पास॑ताम् ।

अहे॑ बु॒द्धि॒निय॑ मन्त्रं॑ मे गोपाय । य॒मृष॑य-स्त्रै-वि॒दा वि॒दुः ।

ऋच॑ स्सामा॑नि यजू॑षि । सा हि श्री॑र॒मृता॑ स॒ताम् ॥ 4

पर्व॑त इ॒वा वि॑शाचलिः । इन्द्र॑ इवे॒ह ध्रु॑वस्तिष्ठ । इ॒ह रा॒ष्ट्र मु॑धारय ।

अ॒भिति॑ष्ठन् प॒तन्य॑तः । अध॑रे॒सन्तु॑ श॒त्रवः॑ । इन्द्र॑ इव वृ॒त्रहा॑तिष्ठ ॥ 5

((सुमु॑ह॒तोऽस्तु॑ । सुप्र॑तिष्ठितमस्तु ॥))

ध्रु॒वं ते॒ राजा॑ वरु॒णो ध्रु॒वं दे॒वो बृ॒हस्प॑तिः ।

ध्रु॒वं त॒ इन्द्र॑-श्चा॒ग्निश्च॑ रा॒ष्ट्रं धा॑रयतां ध्रु॒वं ॥ 6

दे॒वीं वा॑चम॒ जन॑यन्त दे॒वाः । तां वि॑श्वरू॒पाः प॒शवो॑ वदन्ति ।

सानो॑ म॒न्त्रेष॑ मूर्जं॒ दुहा॑ना । धे॒नुर्वा॑ग॒स्मा-नु॑प॒सुष्टु॑तैतु ॥ 7

Vachanam - सुमु॑ह॒र्तो ऽस्त्वित्य॑नु गृह्णन्तु ।

Prati-Vachanam - सुमु॑ह॒र्तोऽस्तु॑ । सुप्र॑तिष्ठितमस्तु ॥

*(Rig Vedic Convention of chanting)

*अ॒ग्निस्तु॑ वि॒श्रव॑स्तमं तु॒वि ब्र॑ह्माणमु॒त्तमं॑ ।

अतू॑र्तं श्राव॒यत् प॑तिं पु॒त्रं द॑दाति दा॒शुषे॑ ॥

*अ॒ग्निर्-द॑दाति स॒त्पतिं॑ सा सा ह॒यो यु॒धा नृ॑भिः ।

अ॒ग्निर॒त्यं रघु॑ष्यदं जेतार॑-मपराजितं ॥ 8

नमः॑ स॒भाभ्य॑ स॒भाप॑तिभ्यश्च वो नमः॑ ॥ 9

31 प्रोक्षण मन्त्रः

TB 2.6.5.2 for 1 to 3 / TS 1.7.10.3 for 4, 5 / TB 3.5.10.4 for 6 & 7 /

T.B.2.4.4.10 for 8 / RV 10.137.6 for 9 / TA 1.26.5 for 10

दे॒वस्य॑त्वा स॒वि॒तुः प्र॑स॒वे । अ॒श्विनो॑र्-बा॒हुभ्यां॑ । पू॒ष्णो ह॑स्ताभ्यां ।

अ॒श्विनो॑र्-भैष॒ज्येन॑ । तेज॑से ब्रह्मवर्चसाया-भिषिञ्चामि ॥ 1

दे॒वस्य॑त्वा स॒वि॒तुः प्र॑स॒वे । अ॒श्विनो॑र् बा॒हुभ्यां॑ । पू॒ष्णो ह॑स्ताभ्यां ।

सर॑स्वत्यै भैष॒ज्येन॑ । वी॒र्या॑या-न्नाद्याया-भिषिञ्चामि ॥ 2

दे॒वस्य॑त्वा स॒वि॒तुः प्र॑स॒वे । अ॒श्विनो॑र् बा॒हुभ्यां॑ । पू॒ष्णो ह॑स्ताभ्यां ।

इन्द्र॑स्ये-न्द्रि॒येण॑ । श्रि॒यै यश॑से ब॒लाया॑-भिषिञ्चामि । 3

सोम॑ꣳ राजा॑नं वरु॑ण-म॒ग्नि म॒न्वार॑भामहे ।

आ॒दि॒त्यान् वि॒ष्णुꣳ सूर्य॑ ब्र॒ह्माण॑ञ्च बृ॒हस्प॑तिं ॥ 4

दे॒वस्य॑त्वा स॒वितुः॑ प्र॒सवे॑ ऽश्वि॒नोर् बा॒हुभ्यां॑ पू॒ष्णो ह॒स्ताभ्या॑ꣳ
स॒रस्व॑त्यै वा॒चो य॒न्तुर्-य॒न्त्रेणा॑-ग्ने॒स्त्वा सा॒म्राज्ये॑ना भि॒षिञ्चा॑-
मीन्द्र॑स्यत्वा सा॒म्राज्ये॑ना भि॒षिञ्चामि॑ बृ॒हस्प॑ते॒स्त्वा सा॒म्राज्ये॑ना
भि॒षिञ्चामि॑ ॥ 5

आ॒युरा-शा॑स्ते । सु॒प्रजा॑स्त्वमा-शा॑स्ते । स॒जात॑वनस्यामा-शा॑स्ते ।
उ॒त्तरा॑न्देव-य॒ज्यामा॑-शा॑स्ते । भू॒यो ह॒विष्क॑रणमा-शा॑स्ते ।
दि॒व्यन्धा॑मा-शा॑स्ते । वि॒श्वं प्रि॒यमा॑-शा॑स्ते ।
यद॒नेन॑ ह॒विषा॑-शा॑स्ते ॥ 6

तद॑श्यात्-तदृ॑द्ध्यात् । तद॑स्मै दे॒वारा॑सन्तां ॥
तद॑ग्निर्-दे॒वो दे॒वेभ्यो॑ वन॑ते । व॒यम॑ग्न॒रेमा॑नुषाः ।
इष्टं॑ च वी॒तं च॑ । उ॒भेच॑नो द्यावा पृथि॒वी अꣳ ह॑स॒स्पातां॑ ।
इ॒ह ग॑तिर्-वा॒मस्ये॑दं च॑ । नमो॑ दे॒वेभ्यः॑ ॥ 7

द्रु॒प॒दा॒दि॒वे॒न् मु॒मु॒चा॒नः॑ । स्वि॒न्न-स्स्ना॒त्वी म॒ला॒दि॒व ।
 पू॒तं प॒वि॒त्रे॒णे वा॒ज्यं॑ ॥ आ॒पः शु॒न्ध॒न्तु॒ मै॒न॒सः॑ ॥
 भूर्भु॒व॒स्सु॒वो भूर्भु॒व॒स्सु॒वो भूर्भु॒व॒स्सु॒वः॑ ॥ 8

प्राशन मन्त्रः

आ॒प इ॒द्वा उ॒भे॒ष॒जीः॑ । आ॒पो अ॒मी॒व चा॒त॒नीः॑ ।
 आ॒प॒स्सर्व॑स्य भे॒ष॒जी । ता॒स्ते कृ॒ण्व॒न्तु भे॒ष॒जं॑ ॥ 9

[अकाल मृत्यु हरणम् सर्व व्याधि निवारणं ।

सर्व(समस्त) पापक्षयहरं (देवता नाम*) वरुण* पाथोदकं शुभं ।]

स्त्रीणां प्राशनेः

आ॒म॒या॒वी चि॒न्वी॒त । आ॒पो वै भे॒ष॒जं॑ । भे॒ष॒ज॒मे॒वा॒स्मै॑ करोति ।
 सर्व॑मायुरेति ॥ 10

32 ओषधि सूक्तं

(TS 4.2.6.1)

या जा॒ता ओ॒ष॒धयो॑ दे॒वेभ्य॑ स्त्रि॒यु॒गं पु॒रा ।
 म॒न्दामि॑ ब॒भ्रू॒णा म॒ह॒ꣳ श॒तं धा॒मानि॑ स॒प्त च॑ ।
 श॒तं वाँ॑ अ॒ंब धा॒मानि॑ स॒हस्र॑मु॒तवो॑ रु॒हः ।
 अथा॑ श॒तक्र॑त्वो यू॒यमि॒मं मे॑ अ॒गदं॑ कृ॒त ।
 पु॒ष्पाव॑तीः प्र॒सूव॑तीः फ॒लिनी॑र॒फला॑ उ॒त ।
 अश्वा॑ इ॒व स॒जित्व॑रीर्-वी॒रुधः॑ पा॒रयि॑ष्णवः ।
 ओ॒ष॒धीरि॑ति मा॒तर-स्त॑द्वो दे॒वी-रु॒पब्रु॑वे ।
 रपा॑ꣳसि वि॒घ्न-ती॑रि॒तर प॑श्चा॒तय॑मानाः ॥ 1

अ॒श्वत्थे॑वो नि॒षद॑नं प॒र्णेवो॑ वस॒तिः कृ॒ता ।
 गो॒भाज॑ इ॒त्कि॒ला स॒थय॑थ् स॒नव॑थ पू॒रुषं॑ ।
 यद॒हं वा॒जय॑-न्नि॒मा ओ॒ष॒धीर् ह॒स्त आ॒दधे॑ ।
 आ॒त्मा यक्ष्म॑स्य नश्यति पु॒रा जी॒व गृ॒भो यथा॑ ।
 यदो॒ष॒धय॑ स्सं॒गच्छ॑न्ते रा॒जान॑-स्स॒मिता॑ वि॒व ।

वि॒प्र॒स्स-उ॑च्यते भि॒ष॒ग्र॒क्षो-हा॑ऽमी॒व चा॑तनः ।
 नि॒ष्कृ॑तिर् नाम॒वो मा॒ताऽथा॑ यू॒यञ्स्थ॑ सं॒कृ॑तीः ।
 स॒राः प॑त॒त्रिणी॑ स्स्थन॒यदा॑ म॒यति॑ नि॒ष्कृ॑त ॥ 2

अ॒न्या॒वो अ॒न्याम॑व-त॒व॒न्याऽन्य॑स्या॒ उपा॑वत ।
 तास्स॒र्वा ओ॑ष॒धय॑-स्सँ॒विदा॑ना इ॒दं मे॑ प्रा॒वता॑ वचः ।
 उ॒च्छु॑ष्मा ओ॑ष॒धीनां॑ गा॒वो गो॑ष्ठा दि॒वेर॑ते ।
 धन॑ञ् स॒निष्य॑न्ती॒ नामा॑त्मा-न॒न्दव॑ पू॒रुष॑ ।
 अ॒ति वि॒श्वाः परि॑ष्ठास्ते न इ॒व ब्र॑जम॒क्रमुः॑ ।
 ओ॑ष॒धयः प्रा॑चु॒च्यवुर् य॑त्किञ्च त॒नुवाञ् र॑पः ।
 यास्त॑ आ॒तस्थु॑-रा॒त्मानं॑ या॒ आवि॑ वि॒शुः प॑रुः प॑रुः ।
 तास्ते॑ यक्ष्मं वि॒बाध॑न्ता मु॒ग्नो म॑द्ध्य म॒शीरि॑व ॥ 3

सा॒कं य॑क्ष्म प्र॒पत॑श्येनेन कि॒ कि दी॒विना॑ ।
 सा॒कं वा॑तस्य॒द्ध्राज्या॑ सा॒कन्न॑श्य निहा॒कया॑ ।
 अ॒श्वा॒वती॑ञ् सो॒मव॑ती मूर्ज॒यन्ती॑ मु॒दो॒जसं॑ ।

आ॒वि॒त्सि॒ सर्वा॒ ओष॑धी॒रस्मा॒ अरि॑ष्ट ता॒तये॑ ।
 याः फ॒लिनी॒र् या अ॑फ॒ला अ॑पु॒ष्पाया॑श्च पु॒ष्पिणीः॑ ।
 बृ॒हस्प॑ति प्रसू॒ता स्तानो॑ मुञ्च॒न्त्व॑ ह॒सः ।
 या ओष॑धय॒ स्सोम॑राज्ञीः प्रवि॑ष्टाः पृथि॒वी मनु॑ ॥ 4

तासां॑ त्वम॑स्यु॒त्तमा॑ प्र॒णो जी॒वात॑वे॒सुव॑ ।
 अ॒वप॑त॒न्ती-र॒वद॑न्दि॒व ओष॑धयः परि ।
 यं जी॒व म॒श्जवा॑ म॒है न॑ सरि॒ष्याति॑ पू॒रुषः॑ ।
 याश्चे॒द मु॒प-शृ॑ण्वन्ति॒ याश्च॑ दू॒रं प॑रागताः ।
 इ॒ह सं॒ग॒त्यता॒ स्सर्वा॑ अ॒स्मै स॒न्दत्त॑ भे॒षजं॑ ।
 मा॒वो रि॑षत् ख॒निता॒ यस्मै॑ चा॒हं ख॒नामि॑वः ।
 द्वि॒प-च॑चतु॒ष्पद॑-स्मा॒क॑ सर्व॑-म॒स्त्व ना॑तुरं ।
 ओष॑धय॒ स्सँव॑दन्ते॒ सोमे॑न स॒ह रा॒ज्ञा ॥
 यस्मै॑ क॒रोति॑ ब्रा॒ह्मण॑स्त॒ राज॑न् पा॒रया॑मसि ॥ 5

ओं शान्तिः॑ शान्तिः॑ शान्तिः॑ ॥

33 मन्त्र पुष्पं

(TA 1.22.1)

ॐ । योऽपां पुष्पं वैद । पुष्पवान् प्रजावान् पशुमान् भवति ।
चन्द्रमा वा अपां पुष्पम् । पुष्पवान् प्रजावान् पशुमान् भवति ।
य एवं वैद ॥ 1

योऽपामायतनं वैद । आयतनवान् भवति । अग्निर्वा अपामायतनं ।
आयतनवान् भवति । योऽग्नेरायतनं वैद । आयतनवान् भवति ।
आपो वा अग्नेरायतनं । आयतनवान् भवति । य एवं वैद ॥ 2

योऽपामायतनं वैद । आयतनवान् भवति । वायुर्वा अपामायतनं ।
आयतनवान् भवति । यो वायोरायतनं वैद । आयतनवान् भवति ।
आपो वै वायोरायतनं । आयतनवान् भवति । य एवं वैद ॥ 3

योऽपामायतनं वैद । आयतनवान् भवति ।
असौ वै तपन्नपा-मायतनं ।
आयतनवान् भवति । योऽमुष्य-तपत आयतनं वैद ।

आ॒य॒त॒न॒वा॒न् भ॒व॒ति । आ॒पो॒वा अ॒मु॒ष्य॒-त॒प॒त आ॒य॒त॒नं ।

आ॒य॒त॒न॒वा॒न् भ॒व॒ति । य ए॒वं वै॒दे ॥ 4

योऽ॒पा॒मा॒य॒त॒नं वै॒दे । आ॒य॒त॒न॒वा॒न् भ॒व॒ति । च॒न्द्र॒मा वा अ॒पा॒मा॒य॒त॒नं ।

आ॒य॒त॒न॒वा॒न् भ॒व॒ति । यश्च॒न्द्र॒म॒स आ॒य॒त॒नं वै॒दे ।

आ॒य॒त॒न॒वा॒न् भ॒व॒ति । आ॒पो वै च॒न्द्र॒म॒स आ॒य॒त॒नं ।

आ॒य॒त॒न॒वा॒न् भ॒व॒ति । य ए॒वं वै॒दे ॥ 5

योऽ॒पा॒मा॒य॒त॒नं वै॒दे । आ॒य॒त॒न॒वा॒न् भ॒व॒ति ।

नक्ष॑त्राणि वा अ॒पा॒मा॒य॒त॒नं । आ॒य॒त॒न॒वा॒न् भ॒व॒ति ।

यो नक्ष॑त्राणा-मा॒य॒त॒नं वै॒दे । आ॒य॒त॒न॒वा॒न् भ॒व॒ति ।

आ॒पो वै नक्ष॑त्राणा-मा॒य॒त॒नं । आ॒य॒त॒न॒वा॒न् भ॒व॒ति । य ए॒वं वै॒दे ॥ 6

योऽ॒पा॒मा॒य॒त॒नं वै॒दे । आ॒य॒त॒न॒वा॒न् भ॒व॒ति । पर्ज॑न्यो वा अ॒पा॒मा॒य॒त॒नं ।

आ॒य॒त॒न॒वा॒न् भ॒व॒ति । यः पर्ज॑न्य-स्या॒य॒त॒नं वै॒दे ।

आ॒य॒त॒न॒वा॒न् भ॒व॒ति । आ॒पो वै पर्ज॑न्य-स्या॒य॒त॒नं ।

आ॒य॒त॒न॒वा॒न् भ॒व॒ति । य ए॒वं वै॒दे ॥ 7

योऽपामायतनं वेद । आयतनवान् भवति ।

सँवथ्सरो वा अपामायतनं । आयतनवान् भवति ।

यस्सँवथ्सर-स्यायतनं वेद । आयतनवान् भवति ।

आपो वै सँवथ्सर-स्यायतनं । आयतनवान् भवति ।

य एवं वेद ॥ 8

योऽप्सुनावं प्रतिष्ठितां वेद । प्रत्येवतिष्ठति ॥ 9

Other Mantras Chanted with "Mantra Pushpam".

राजाधिराजाय प्रसह्य साहिने ॥ नमो वयं वैश्रवणाय कुर्महे ।

स मे कामान् कामकामाय मह्यं ॥ कामेश्वरो वैश्रवणो ददातु ।

कुबेराय वैश्रवणाय । महाराजाय नमः ॥ 1 (TA 1.31.6)

ॐ॑ तद्ब्र॒ह्मा । ॐ॑ तद्वा॒युः । ॐ॑ तदा॒त्मा । ॐ॑ तत्स॒त्यं ।

ॐ॑ तत्सर्वं॑ । ॐ॑ तत्पु॒रोर्न॒मः । अ॒न्तश्च॑रति॑ भू॒तेषु॑ गु॒हायां॑ वि॒श्वमूर्ति॑षु ।

त्वम्-यँ॑ ज॒स्त्वं-वँ॑ षट्कार॒स्त्व-मिन्द्र॑स्त्व॒-रुद्र॑स्त्वं-

वि॒ष्णुस्त्वं-ब्र॒ह्मत्वं॑ प्रजा॒पतिः॑ ।

त्वन्त॑ दा॒प आ॒पो ज्योती॑र॒सोऽमृतं॑ ब्र॒ह्म भूर्भुव॑स्सुव॒रोम् ॥ 2

(TA .6.68.1)

न क॑र्मणा॒ न प्र॒जया॒ धने॑न॒ त्यागे॑नैके॒ अमृत॑त्व-मा॒नशुः॑ ।

प॑रेण॒ नाकं॑ नि॒हितं॑ गु॒हायां॑ वि॒भ्राज॑दे॒त-द्य॑तयो॒ विश॑न्ति ॥

वे॒दान्त॑वि॒ज्ञान॒ सुनि॑श्चि॒तार्था॑-स्स॒न्यास॑ यो॒गाद्य॑त-यश्शु॒द्ध सत्त्वाः॑ ।

ते ब्र॒ह्मलो॒के तु॒ परा॑न्त॒काले॑ परा॒मृता॑त् परि॒मुच्य॑न्ति॒ सर्वे॑ ॥

द॒हं वि॒पापं॑ पर॒मैश्व॑र्यभू॒तं यत्पु॑ण्ड॒रीकं॑ पु॒रम॑द्ध्य स॒-स्थं॑ ।

त॒त्रापि॑ द॒हं ग॒गनं॑ वि॒शोक॑-स्तस्मिन् यद॒न्तस्त॑-दुपा॒सित॑व्यं ॥

यो वे॒दादौ॑ स्वरः॒ प्रोक्तो॑ वे॒दान्ते॑ च प्र॒तिष्ठि॑तः ।

तस्य॑ प्र॒कृति॑-ली॒नस्य॑ यः पर॒स्स म॒हेश्व॑रः ॥ 3 (TA .6.12.3)

यो वै तां ब्रह्म॑णो वे॒द । अ॒मृते॑नावृ॒तां पु॑रीम् (पु॒रीम्) ।

तस्मै॑ ब्रह्म॑ च ब्रह्मा॑ च । आ॒युः की॑र्तिं प्र॒जां द॑दुः ॥ 4 (TA 1.27.3)

34 अघमर्षण सूक्तं

(TA .6.1.12)

हि॒र॒ण्य॒शृङ्गं॑ व॒रु॒णं प्र॑पद्ये ती॒र्थं मे॑ दे॒हि या॑चितः ।

य॒न्मया॑ भु॒क्त-म॒साधू॑नां पा॒पेभ्य॑श्च प्र॒तिग्र॑हः ।

यन्मे॑ मन॒सा वा॒चा क॒र्मणा॑ वा दु॒ष्कृतं॑ कृतं ।

तन्न॑ इन्द्रो॒ वरु॑णो बृ॒हस्प॑ति-स्सवि॒ता च पु॑नन्तु पु॒नः पु॑नः ।

नमो॑ऽग्नये॑ ऽप्सु॒मते॑ नम॒ इन्द्रा॑य नमो॒ वरु॑णाय नमो॒

वा॒रु॒ण्यै नमो॑ऽद्भ्यः ॥ 1

यद॒पां क्रू॒रं य॑दमे॒द्ध्यं य॑दशान्तं तदप॑गच्छतात् ।

अ॒त्या॒श॒नाद॑ती-पा॒नाद्य॑च्च उ॒ग्रात् प्र॑तिग्र॒हात् ॥

तन्नो॑ वरु॒णो रा॒जा पा॒णिना॑-ह्यवम॑र्शतु ।

सोऽह॑मपा॒पो वि॒रजो॑ निर्मु॒क्तो मु॑क्तकि॒ल्बिषः॑ ।

ना॒कस्य॑ पृ॒ष्ठ मा॒रुह्य॑ ग॒च्छेद् ब्र॒ह्मस॑ लो॒कतां॑ ।
 यश्चा॒प्सु वरु॑णस्स पु॒नात्व॑घमर्षणः ।
 इ॒मं मे॑ ग॒ङ्गे यमु॑ने सर॒स्वति॑ शु॒तुद्रि॑ स्तोम॑ꣳ स॒चता॑ प॒रुष्णि॑या ।
 अ॒सि॒क्नि॒या म॑रुद्वृ॒धे वि॒तस्त॑या ऽऽर्जी॑कीये शु॒णु॒ह्या सु॒षोम॑या ।
 ऋ॒तं च॑ स॒त्यं चा॒भीद्द्वा॑-त॒पसो॑-ऽद्ध्य॑जायत ।
 ततो॑ रा॒त्रि रजा॑यत तत॑-स्समु॒द्रो अ॑र्णवः ॥ 2

स॒मु॒द्रादर्ण॑वा-दधि॑ सँ॒म्वथ्स॑रो अ॒जाय॑त ।
 अ॒हो॒रा॒त्राणि॑ वि॒दध॑-द्वि॒श्वस्य॑ मि॒षतो॑ व॒शी ।
 सू॒र्या च॒न्द्रम॑सौ धा॒ता य॑थापूर्व॑-म॒कल्प॑यत् ।
 दि॒वं च॑ पृ॒थि॒वीं चा॒न्तरि॑क्ष-म॒थो सु॑वः ।
 यत्पृ॒थि॒व्याꣳ रज॑स्स्व मा॒न्तरि॑क्षे वि॒रोद॑सी ।
 इ॒माꣳ स्तदा॑पो वरु॑णः पु॒नात्व॑घमर्षणः ।
 पु॒नन्तु॑ वस॒वः पु॒नातु॑ वरु॑णः पु॒नात्व॑घमर्षणः ।
 ए॒ष भू॒तस्य॑ म॒ध्ये भु॑वनस्य गो॒प्ता ।

ए॒ष पु॒ण्य॑कृ॒तां लो॒का॒ने॒ष मृ॒त्योर्. हि॒र॒ण्म॑यम् ॥

द्या॒वा पृ॒थि॒व्योर्. हि॒र॒ण्म॑य॒ꣳ सꣳ श्रि॒त॒ꣳ सु॒वः ॥ 3

स॒न-स्सु॒व-स्सꣳ शि॒शा॒धि । आ॒र्द्रं ज्व॑ल॒ति ज्यो॑ति॒-र॒ह॑म॒स्मि ।

ज्यो॑ति॒ ज्व॑ल॒ति ब्र॒ह्मा॒ह-म॑स्मि । यो॒ऽह॑-म॒स्मि ब्र॒ह्मा॒ह-म॑स्मि ।

अ॒ह॑म॒स्मि ब्र॒ह्मा॒ह-म॑स्मि । अ॒ह॑मे॒वा॒हं मां जु॑होमि॒ स्वाहा ॥

अ॒का॒र्य॒-का॒र्य॑व-की॒र्णी स्ते॒नो भ्रू॑ण॒हा गु॑रु॒त॒ल्प॑गः ।

व॒रु॑णो॒ऽपा-म॑घम॒र्ष॒ण-स्त॑स्मात् पा॒पा॒त्प्र॑मुच्यते ।

र॒जोभू॑मि॒-स्त्व॒माꣳ रो॑दयस्व प्रव॑दन्ति॒ धीराः ॥

आ॒क्रान् थ्स॑मु॒द्रः प्र॑थ॒मे वि॑ध॒र्मज्ज॑नयन् प्र॒जा भु॑वनस्य॒ राजा ॥

वृ॒षा प॒वि॒त्रे अ॒धि॒सानो॒ अव्ये॑ बृ॒ह॒थ्सो॑मो वावृ॑धे सु॒वान इ॒न्दुः ॥ 4

35 त्रिसुपर्ण मन्त्रः

(TA .6.38.1)

ब्र॒ह्म॑ मे॒तु मां॑ । मधु॑ मे॒तु मां॑ । ब्र॒ह्म॑ मे॒व मधु॑ मे॒तु मां॑ ।
 यास्ते॑ सोम॒ प्र॒जाव॑त्सोऽभि॒सो अ॒हं । दुः॑ष्व॒प्न॒ह॒न्दु॒रुष॑ह ।
 यास्ते॑ सोम॒ प्रा॒णाञ् स्ताञ्जु॑होमि ।
 त्रि॒सु॒पर्ण॑ म॒याचि॑तं ब्रा॒ह्म॒णाय॑ दद्यात् ।
 ब्र॒ह्म॒ह॒त्यां वा॑ ए॒ते घ्न॑न्ति । ये ब्रा॒ह्म॒णा-स्त्रि॑सु॒पर्णं॑ प॒ठन्ति॑ ।
 ते सोमं॑ प्रा॒प्नुव॑न्ति । आ॒स॒ह॒स्रात् प॒ङ्क्तिं पु॑नन्ति । ओं ॥ 1

ब्र॒ह्म॑ मे॒धया॑ । मधु॑ मे॒धया॑ । ब्र॒ह्म॑मे॒व मधु॑ मे॒धया॑ ।
 अद्या॑ नो दे॒व स॒वितः॑ प्र॒जाव॑त्सा॒वी-स्सौ॑भ॒गं ।
 परा॑ दु॒ष्व॒प्निय॑ सु॒व । वि॒श्वानि॑ दे॒व स॒वितर्-दु॑रि॒तानि॑ परा॒सुव॑ ।
 यद्भ॒द्रं तन्म॑ आ॒सुव॑ । मधु॑वा॒ता ऋ॒ताय॑ते मधु॑क्षरन्ति॒ सिन्ध॑वः ।
 मा॒द॒ध्वीर्-न॑स्सन्त्वोष॑धीः ।
 मधु॑न॒क्त मु॒तोष॑सि॒ मधु॑म॒त्पार्थि॑वञ् रजः॑ ।
 मधु॑द्यौ॒रस्तु॑ नः पि॒ता । मधु॑मा॒न्नो व॒नस्प॑तिर्-मधु॑माञ् अस्तु॒ सूर्यः॑ ।

मा॒ध्वी॒र्गा॒वो॑ भवन्तु नः ।

य इ॒मं त्रि॒सु॒पर्ण॑-मया॒चितं॑ ब्रा॒ह्म॒णाय॑ दद्यात् ।

भ्रू॒ण॒ह॒त्यां वा ए॒ते घ्न॑न्ति । ये ब्रा॒ह्म॒णा-स्त्रि॒सु॒पर्णं॑ प॒ठ॑न्ति ।

ते सोमं प्राप्नु॑वन्ति । आ॒स॒ह॒स्रात् प॒ङ्क्तिं पु॑नन्ति । ओं ॥ 2

ब्र॒ह्म मे॒धवा॑ । मधु॑ मे॒धवा॑ । ब्र॒ह्म मे॒व मधु॑ मे॒धवा॑ ।

ब्र॒ह्मा दे॒वानां॑ प॒द॒वीः क॒वी॒ना-मृ॒षिर्-वि॒प्रा॒णां म॒हि॒षो मृ॒गा॒णां॑ ।

श्ये॒नो गृ॒द्ध्रा॒णां स्व॒धि॒तिर्-व॒ना॒नां सोमः॑ प॒वि॒त्र-म॒त्येति॑ रे॒भ॒न् ।

ह॒स-इ॒शु॒चि॒ष-द्व॒सु॒र॒न्त॒रि॒क्ष-स॒द्दो॒ता- वे॒दि॒ष-द॒ति॒थिर्-दु॒रो॒ण॒स॒त् ।

नृ॒ष॒द्वर॑-स॒दृ॒त-स॒द्व्यो॒म-स॒द॒ब्जा- गो॒जा ऋ॒त॒जा

अ॒द्रि॒जा ऋ॒तं बृ॒ह॒त् । 3

ऋ॒चे॒त्वा रु॒चे॒त्वा स॒मि-थ्स्र॑वन्ति स॒रि॒तो न धे॒नाः॑ ।

अ॒न्त॒र् हृ॒दा म॒न॒सा पू॒य॒मा॒नाः । घृ॒त॒स्य॑ धा॒रा अ॒भि॒चा॒क॒शी॒मि ।

हि॒र॒ण्य॒यो वे॒त॒सो म॒द्ध्य॑ आ॒साम् ।

तस्मिन्त्सुप॒र्णो॑ म॒धुकृ॑त् कु॒ला॒यी भ॑जन्नास्ते॒ मधु॑ दे॒वता॑भ्यः ।
तस्या॑सते॒ हर॑य-स्स॒प्तती॑रे॒ स्वधां॑ दु॒हाना॑ अ॒मृत॑स्य॒ धारां॑ ।
य इ॒दं त्रि॑सुप॒र्ण-म॑याचि॒तं ब्रा॑ह्म॒णाय॑ दद्यात् ।
वी॒रह॑त्यां॒ वा ए॒ते घ्न॑न्ति । ये ब्रा॑ह्म॒णा-स्त्रि॑सुप॒र्णं प॑ठन्ति ।
ते सोमं॑ प्राप्नु॒वन्ति । आ॒स॒ह॒स्रात् प॒ङ्क्तिं पु॑नन्ति । ओं ॥ 4

36 जयादि होमः

TS 3.4.4

(एतत् कर्म समृद्ध्यर्थं जयादि होमं करिष्ये)

चित्तञ्च स्वाहा – चित्ताय इदं न मम ॥	1
चित्तिश्च स्वाहा – चित्त्या इदं न मम ॥	2
आकूतञ्च स्वाहा – आकूताय इदं न मम ॥	3
आकूतिश्च स्वाहा – आकूत्या इदं न मम ॥	4
विज्ञातञ्च स्वाहा – विज्ञाताय इदं न मम ॥	5
विज्ञानश्च स्वाहा – विज्ञानाय इदं न मम ॥	6
मनश्च स्वाहा – मनस इदं न मम ॥	7
शक्वरीश्च स्वाहा – शक्वरीभ्य इदं न मम ॥	8
दर्शाश्च स्वाहा – दर्शाय इदं न मम ॥	9
पूर्णमासश्च स्वाहा – पूर्णमासाय इदं न मम ॥	10
बृहच्च स्वाहा – बृहत इदं न मम ॥	11
रथन्तरश्च स्वाहा – रथन्तराय इदं न मम ॥	12

प्र॒जा॒प॒ति॒-॒र्ज॒या॒नि॒न्द्रा॒य॒ वृ॒ष्णे॒ प्रा॒य॒च्छ-॒दु॒ग्रः॑ पृ॒त॒ना-॒ज्ये॒ष्ठ॒ तस्मै॑
वि॒श्व॒ स्स॒म॒न॒म॒न्त॒ सर्वा॒स्स॒ उ॒ग्र॒ स्स॒हि॒ ह॒व्यो॑ ब॒भू॒व॒ स्वाहा॑ ॥

प्रजापतय इदं न मम ॥

13

TS 3.4.5

अ॒ग्नि॒ भू॒त॒ना-॒म॒धि॒प॒ति॒ -स्स॒मा॒व॒त्त्व॒स्मिन्॑ ब्र॒ह्म॒न्न॒स्मिन्॑ क्ष॒त्रे॒ऽस्या-
मा॒शि॒ष्य॒स्यां॑ पु॒रो॒धा॒या-॒म॒स्मिन्॑ क॒र्म॒न्न॒स्यां॑ दे॒व॒हू॒त्या॒ स्वाहा॑ ॥

अग्नय इदं न मम ॥

14

इ॒न्द्रो॑ ज्ये॒ष्ठाना॑-॒म॒धि॒प॒ति॒-स्स॒मा॒व॒त्त्व॒स्मिन्॑ ब्र॒ह्म॒न्न॒स्मिन्॑ क्ष॒त्रे॒ऽस्या-
मा॒शि॒ष्य॒स्यां॑ पु॒रो॒धा॒या-॒म॒स्मिन्॑ क॒र्म॒न्न॒स्यां॑ दे॒व॒हू॒त्या॒ स्वाहा॑ ॥

इन्द्राय इदं न मम ॥

15

य॒मः॑ पृ॒थि॒व्यो॑ऽधि॒प॒ति॒ स्स॒मा॒व॒त्त्व॒स्मिन्॑ ब्र॒ह्म॒न्न॒स्मिन्॑ क्ष॒त्रे॒ऽस्या-
मा॒शि॒ष्य॒स्यां॑ पु॒रो॒धा॒या-॒म॒स्मिन्॑ क॒र्म॒न्न॒स्यां॑ दे॒व॒हू॒त्या॒ स्वाहा॑ ॥

यमाय इदं न मम ॥

16

वा॒यु-र॒न्तरि॑क्ष॒स्या-धि॑पति॒ स्समा॑वत्व॒स्मिन् ब्र॑ह्म॒न्नस्मिन् क्ष॒त्रेऽस्या-
मा॒शिष्य॒स्यां पु॑रो॒धाया॑-म॒स्मिन् क॑र्म॒न्नस्यां दे॒वहू॑त्या॒ स्वाहा॑ ।

वायव इदं न मम ॥

17

सू॒र्यो दि॒वोऽधि॑पति॒ स्समा॑वत्व॒स्मिन् ब्र॑ह्म॒न्नस्मिन् क्ष॒त्रेऽस्या-
मा॒शिष्य॒स्यां पु॑रो॒धाया॑-म॒स्मिन् क॑र्म॒न्नस्यां दे॒वहू॑त्या॒ स्वाहा॑ ।

सूर्याय इदं न मम ॥

18

च॒न्द्रमा॒ नक्ष॑त्राणा॒-मधि॑पति॒ स्समा॑वत्व॒स्मिन् ब्र॑ह्म॒न्नस्मिन् क्ष॒त्रेऽस्या-
मा॒शिष्य॒स्यां पु॑रो॒धाया॑-म॒स्मिन् क॑र्म॒न्नस्यां दे॒वहू॑त्या॒ स्वाहा॑ ।

चन्द्रमस इदं न मम ॥

19

बृ॒हस्प॑तिर्-ब्र॒ह्मणो॑ऽधि॒पति॒ स्समा॑वत्व॒स्मिन् ब्र॑ह्म॒न्नस्मिन् क्ष॒त्रेऽस्या-
मा॒शिष्य॒स्यां पु॑रो॒धाया॑-म॒स्मिन् क॑र्म॒न्नस्यां दे॒वहू॑त्या॒ स्वाहा॑ ।

बृहस्पतय इदं न मम ॥

20

मि॒त्र-स्स॒त्याना॒-म॒धि॒पति॒ स्स॒मा॒व॒त्स्मिन् ब्र॒ह्म॒न्त्र॒स्मिन् क्ष॒त्रेऽ॒स्या-
मा॒शि॒ष्य॒स्यां पु॒रो॒धाया॑-म॒स्मिन् क॒र्म॒न्त्र॒स्यां दे॒व॒हू॒त्या॒ स्वाहा॑ ।

मित्राय इदं न मम ॥

21

वरु॑णोऽ॒पाम॒धि॒पति॒ स्स॒मा॒व॒त्स्मिन् ब्र॒ह्म॒न्त्र॒स्मिन् क्ष॒त्रेऽ॒स्या-
मा॒शि॒ष्य॒स्यां पु॒रो॒धाया॑-म॒स्मिन् क॒र्म॒न्त्र॒स्यां दे॒व॒हू॒त्या॒ स्वाहा॑ ।

वरुणाय इदं न मम ॥

22

स॒मु॒द्रः स्रो॒त्याना॒-म॒धि॒पति॒ स्स॒मा॒व॒त्स्मिन् ब्र॒ह्म॒न्त्र॒स्मिन् क्ष॒त्रेऽ॒स्या-
मा॒शि॒ष्य॒स्यां पु॒रो॒धाया॑-म॒स्मिन् क॒र्म॒न्त्र॒स्यां दे॒व॒हू॒त्या॒ स्वाहा॑ ।

समुद्राय इदं न मम ॥

23

अ॒न्त्रं॒ साम्रा॑ज्याना॒-म॒धि॒पति॒-त॒न्मा॒व॒त्स्मिन् ब्र॒ह्म॒न्त्र॒स्मिन्
क्ष॒त्रेऽ॒स्या-मा॒शि॒ष्य॒स्यां पु॒रो॒धाया॑-म॒स्मिन् क॒र्म॒न्त्र॒स्यां
दे॒व॒हू॒त्या॒ स्वाहा॑ ।

अन्त्राय इदं न मम ॥

24

सो॒म ओष॑धी॒ना-म॒धिप॑ति॒ स्स॒माव॑त्व॒स्मिन् ब्र॑ह्म॒न्नस्मिन् क्ष॑त्रे॒ऽस्या-
मा॒शिष्य॑स्यां पु॒रोधा॑या-म॒स्मिन् क॑र्म॒न्नस्यां दे॒वहू॑त्या॒ स्वाहा॑ ।

सो॒माय॑ इ॒दं न॑ म॒म ॥

25

स॒विता प्र॑स॒वाना॒-म॒धिप॑ति॒ स्स॒माव॑त्व॒स्मिन् ब्र॑ह्म॒न्नस्मिन् क्ष॑त्रे॒ऽस्या-
मा॒शिष्य॑स्यां पु॒रोधा॑या-म॒स्मिन् क॑र्म॒न्नस्यां दे॒वहू॑त्या॒ स्वाहा॑ ।

स॒वित्र॑ इ॒दं न॑ म॒म ॥

26

रु॒द्रः प॑शूनाम॒धिप॑ति॒ स्स॒माव॑त्व॒स्मिन् ब्र॑ह्म॒न्नस्मिन् क्ष॑त्रे॒ऽस्या-
मा॒शिष्य॑स्यां पु॒रोधा॑या-म॒स्मिन् क॑र्म॒न्नस्यां दे॒वहू॑त्या॒ स्वाहा॑ ।

रु॒द्राय॑ इ॒दं न॑ म॒म ॥

27

(अप उपस्पृश्य – This is not a Mantra, but an instruction
to cleanse your hand with water)

त्व॒ष्टा रू॒पाणा॒-म॒धिप॑ति॒ स्स॒माव॑त्व॒स्मिन् ब्र॑ह्म॒न्नस्मिन् क्ष॑त्रे॒ऽस्या-
मा॒शिष्य॑स्यां पु॒रोधा॑या-म॒स्मिन् क॑र्म॒न्नस्यां दे॒वहू॑त्या॒ स्वाहा॑ ।

त्व॒ष्ट्र इ॒दं न॑ म॒म ॥

28

विष्णुः पर्व॑ताना-मधि॑पति स्समा॑वत्वस्मिन् ब्रह्म॑न्नस्मिन् क्षत्रे॑ऽस्या-
माशिष्य॑स्यां पुरो॑धाया-मस्मिन् कर्म॑न्नस्यां देव॑हूत्या॒ स्वाहा॑ ।

विष्णव इदं न मम ॥

29

मरु॑तो गणा॑ना-मधि॑पतयस्ते-मा॑ऽवन्त्वस्मिन् ब्रह्म॑न्नस्मिन् क्षत्रे॑ऽस्या-
माशिष्य॑स्यां पुरो॑धाया-मस्मिन् कर्म॑न्नस्यां देव॑हूत्या॒ स्वाहा॑ ।

मरुद्भ्य इदं न मम ॥

30

पित॑रः पितामहाः परे॑ऽवरे तता॑स्तता महा इ॒हमा॑ऽवतस्मिन् ब्रह्म॑न्नस्मिन्
क्षत्रे॑ऽस्या- माशिष्य॑स्यां पुरो॑धाया-मस्मिन् कर्म॑न्नस्यां
देव॑हूत्या॒ स्वाहा॑ । पितृ॑भ्य इदं न मम ॥

31

मन्त्रोक्त देवताभ्य इदं न मम

(अप उपस्पृश्य – This is not a Mantra, but an instruction
to cleanse your hand with water)

TS 3.4.7 (upto Para 53)

ऋ॒ता॒षा॒ड् ऋ॒त॒धा॒मा॒ग्नि॒र्-ग॒न्ध॒र्व-स्त॒स्यौ॒ष॒ध॒यो-ऽप्स॒र॒स ऊ॒र्जो॒
नाम॒ स इ॒दं ब्र॒ह्म क्ष॒त्रं पा॒तु ता इ॒दं ब्र॒ह्मक्ष॒त्रं पा॒न्तु तस्मै॒ स्वाहा॑ ॥

अ॒ग्नये॑ ग॒न्ध॒र्वाय॑ इ॒दं न मम॑ ॥ 32

ता॒भ्यः स्वाहा॑ ॥ ओ॒ष॒धी॒भ्यो-ऽप्स॒रो॒भ्य इ॒दं न मम॑ ॥ 33

स॒ं॒हि॒तो वि॒श्व॒सा॒मा सू॒र्यो ग॒न्ध॒र्वस्त॒स्य म॒री॒च॒यो ऽप्स॒र॒स आ॒यु॒वो
नाम॒ स इ॒दं ब्र॒ह्म क्ष॒त्रं पा॒तु ता इ॒दं ब्र॒ह्म क्ष॒त्रं पा॒न्तु तस्मै॒ स्वाहा॑ ॥

सू॒र्याय॑ ग॒न्ध॒र्वाय॑ इ॒दं न मम॑ ॥ 34

ता॒भ्यः स्वाहा॑ ॥ म॒री॒चि॒भ्यो ऽप्स॒रो॒भ्य इ॒दं न मम॑ ॥ 35

सु॒षु॒म्न स्सू॒र्य॒र॒श्मि-श्च॒न्द्र॒मा ग॒न्ध॒र्वस्त॒स्य नक्ष॑त्राण्य-प्स॒र॒सो
बे॒कुर॒यो नाम॒ स इ॒दं ब्र॒ह्म क्ष॒त्रं पा॒तु ता इ॒दं ब्र॒ह्म क्ष॒त्रं पा॒न्तु तस्मै॒
स्वाहा॑ ॥

च॒न्द्र॒म॒से ग॒न्ध॒र्वाय॑ इ॒दं न मम॑ ॥ 36

ता॒भ्यः स्वाहा॑ ॥ नक्ष॑त्रेभ्यो-ऽप्स॒रो॒भ्य इ॒दं न मम॑ ॥ 37

भु॒ज्युस्सु॑प॒र्णो य॒ज्ञो ग॑न्धर्वस्तस्य दक्षि॑णा अ॒प्सर॑स-स्त॒वा
नाम॒ स इ॒दं ब्र॑ह्म क्ष॒त्रं पा॑तु ता इ॒दं ब्र॑ह्म क्ष॒त्रं पा॑न्तु तस्मै॑ स्वाहा॑ ॥

य॒ज्ञाय॑ गन्ध॒र्वाय॑ इ॒दं न मम॑ ॥ 38

ताभ्यः॑ स्वाहा॑ ॥ दक्षि॑णाभ्यो ऽप्स॒रोभ्य॑ इ॒दं न मम॑ ॥ 39

प्र॒जाप॑तिर्-वि॒श्वक॑र्मा म॒नो ग॑न्धर्वस्तस्य- र॒ख् स॑मा॒न्य-प्सर॑सो
व॒ह्नयो॑ नाम॒ स इ॒दं ब्र॑ह्म क्ष॒त्रं पा॑तु ता इ॒दं ब्र॑ह्म क्ष॒त्रं पा॑न्तु
तस्मै॑ स्वाहा॑ ॥ म॒नसे॑ गन्ध॒र्वाय॑ इ॒दं न मम॑ ॥ 40

ताभ्यः॑ स्वाहा॑ ॥ ऋ॒ख् सा॑मेभ्यो-ऽप्स॒रोभ्य॑ इ॒दं न मम॑ ॥ 41

इ॒षिरो॑ वि॒श्वव्य॑चा वा॒तो ग॑न्धर्वस्तस्यापो-ऽप्सर॑सो मु॒दा नाम॒
स इ॒दं ब्र॑ह्म क्ष॒त्रं पा॑तु ता इ॒दं ब्र॑ह्म क्ष॒त्रं पा॑न्तु तस्मै॑ स्वाहा॑ ॥

वा॒ताय॑ गन्ध॒र्वाय॑ इ॒दं न मम॑ ॥ 42

ताभ्यः॑ स्वाहा॑ ॥ अ॒द्भ्योऽप्स॒रोभ्य॑ इ॒दं न मम॑ ॥ 43

भु॒वन॑स्य प॒ते य॑स्यत उ॒परि॑ गृ॒हा इ॒ह च॑ ।

स॒नो - रा॒स्वाज्या॑नि॒ꣳ रा॒यस्पोष॑ꣳ सु॒वीर्य॑ꣳ सं॒वँत्स॒रीणाꣳ
स्व॒स्तिꣳ स्वा॒हा ॥ भु॒वन॒स्य प॒त्ये इ॒दं न म॒म ॥ 44

प॒रमे॑ष्ठ॒यधि॑पति॒र्-मृ॒त्युर्-ग॑न्ध॒र्वस्त॒स्य वि॒श्वम॑प्सर॒सो भु॒वो ना॒म
स इ॒दं ब्र॑ह्म॒ क्ष॒त्रं पा॒तु ता इ॒दं ब्र॑ह्म॒ क्ष॒त्रं पा॑न्तु॒ तस्मै॑ स्वा॒हा ॥
मृ॒त्यवे॑ गन्ध॒र्वाय॑ इ॒दं न म॒म ॥ 45

ता॒भ्यः स्वा॒हा ॥ वि॒श्वस्मा॑ ऽप्सर॒ोभ्य॑ इ॒दं न म॒म ॥ 46

सु॒क्षि॒ति-स्सु॑भू॒तिर्-भ॒द्रकृ॑त् सु॒र्वान् प॒र्जन्यो॑ गन्ध॒र्वस्त॒स्य वि॒द्युतो॑
ऽप्सर॒सो रु॒चो ना॒म स इ॒दं ब्र॑ह्म॒ क्ष॒त्रं पा॒तु ता इ॒दं ब्र॑ह्म॒ क्ष॒त्रं
पा॑न्तु॒ तस्मै॑ स्वा॒हा ॥ प॒र्जन्या॑य गन्ध॒र्वाय॑ इ॒दं न म॒म ॥ 47

ता॒भ्यः स्वा॒हा ॥ वि॒द्युद्भ्यो॑-ऽप्सर॒ोभ्य॑ इ॒दं न म॒म ॥ 48

दू॒रे हे॑ति॒रमृ॑ड॒यो मृ॒त्युर् ग॑न्ध॒र्वस्त॒स्य प्र॒जा अ॑प्सर॒सो भी॒रुवो॑
ना॒म स इ॒दं ब्र॑ह्म॒ क्ष॒त्रं पा॒तु ता इ॒दं ब्र॑ह्म॒ क्ष॒त्रं पा॑न्तु॒ तस्मै॑ स्वा॒हा ॥
मृ॒त्यवे॑ गन्ध॒र्वाय॑ इ॒दं न म॒म ॥ 49

ता॒भ्यः स्वा॒हा ॥ प्र॒जाभ्यो॑-ऽप्सर॒ोभ्य॑ इ॒दं न म॒म ॥ 50

चारुः कृपण काशी कामो गन्धर्वस्त-स्याधयो-ऽप्सरस-
 शोचयन्तीर् नाम स इदं ब्रह्म क्षत्रं पातु ता इदं ब्रह्म क्षत्रं
 ॥ पान्तु तस्मै स्वाहा ॥ कामाय गन्धर्वाय इदं न मम ॥ 51

॥ ताभ्यः स्वाहा ॥ आधिभ्यो-ऽप्सरोभ्य इदं न मम ॥ 52

सनो भुवनस्य पते यस्यत उपरि गृहा इह च ।
 उरु ब्रह्मणेस्मै क्षत्राय महि शर्म यच्छ स्वाहा ॥
 भुवनस्यपत्ये ब्रह्मण इदं न मम ॥ 53

(Recite in mind) (TS 1.8.14.2)

प्रजापते नत्वदेता-न्यन्यो विश्वा जातानि परिता बभूव ।
 यत्कामास्ते जुहुमास्तन्नो अस्तु वयं स्याम पतयो रयीणां स्वाहा ॥
 प्रजापतय इदं न मम ॥ (mind recital ends) 54

॥ भू स्स्वाहा - अग्नय इदं न मम ॥ 55

॥ भुव स्स्वाहा - वायव इदं न मम ॥ 56

॥ सुव स्स्वाहा - सूर्याय इदं न मम ॥ 57

यदस्य॑ कर्म॒णो॑ ऽत्य॑रीरिचं॒ यद्वा॒-न्यून॑- मि॒हाकरं॑ ।

अ॒ग्निष्टत् स्वि॑ष्टकृतत् वि॒द्वान् स्सर्व॒॑ स्विष्ट॑ सु॒हुतं॑ करोतु॒ स्वाहा॑ ॥

अ॒ग्नये॑ स्विष्टकृत इदं न मम ॥

58

Instructions, not Mantra - (परिध्यञ्जनं न लेपकार्यं परिधि

प्रहरः इतरौ प्रहरन्-आधार समिधौ प्रहत्यस॒ स्रावं जुहोति ।)

॥ स्वाहा । वसु॑भ्यो रु॒द्रेभ्यः॑ आ॒दित्ये॑भ्यः स॒ स्राव॑ भा॒गेभ्यः॑

इदं न मम ॥

59

अस्मिन् होम कर्मणि मद्ध्ये संभावित मन्त्रलोभादि

सकल दोषस्य प्रायश्चित्तार्थं सर्वप्रायश्चित्तं होष्यामि ।

ओं भूर्भुव॑स्सुव॒ स्स्वाहा॑ – प्रजापतय इदं न मम ॥

60

ज्ञाता-ज्ञात दोष निर्हरणार्थं अनाज्ञात त्रय होमं करिष्ये ।

॥ अना॑ज्ञातं यँदा॑ज्ञातं । य॒ज्ञस्य॑ क्रि॒यते॑ मिथु ।

अ॒ग्ने तद॑स्य कल्पय । त्व॑हि वे॒त्थे यथा॑ तथ॒ स्वाहा॑ ॥

अ॒ग्नय॑ इदं न मम ॥

1

पुरुष॑ सम्मि॒तो य॒ज्ञः । य॒ज्ञः पुरु॑षसम्मि॒तः ।

अग्ने॑ तद॒स्य कल्प॑य । त्व॒हि वेत्थे॑ यथा॒ तथ॑ स्वाहा॑ ॥

अ॒ग्नय॑ इ॒दं न मम॑ ॥

2

यत्पा॑क॒त्रा मन॑सा दी॒न दक्ष॑ान । य॒ज्ञस्य॑ म॒न्वते॑ म॒र्त्तासः॑ ।

अ॒ग्निष्ट॒द्धोता॑ क्र॒तु वि॒द्विजा॑नन् । यजि॑ष्ठो दे॒वा ऋ॑तु॒शो यजा॑ति
स्वाहा॑ ॥

अ॒ग्नय॑ इ॒दं न मम॑ ॥

3

भू॒ स्स्वाहा॑ – अ॒ग्नय॑ इ॒दं न मम॑ ॥

4

भुव॒ स्स्वाहा॑ – वा॒यव॑ इ॒दं न मम॑ ॥

5

सुव॒ स्स्वाहा॑ – सू॒र्याय॑ इ॒दं न मम॑ ॥

6

ओं भू॒र्भुव॑स्सुव॒ स्स्वाहा॑ – प्र॒जाप॑तय॒ इदं॑ न मम ॥

7

श्री॑ वि॒ष्णवे॑ स्वाहा॑ – श्री॑ वि॒ष्णवे॑ पर॒मात्म॑न॒ इदं॑ न मम ॥

8

नमो॑ रु॒द्राय॑ प॒शुप॑तये॒ स्वाहा॑ – रु॒द्राय॑ प॒शुप॑तय॒ इदं॑ न मम ॥

9

(अप उपस्पृश्य – This is not a Mantra, but an instruction to
cleanse your hand with water)

36.1 वसोर्धारा मन्त्र पाठः

T.S. 5-4-8-1

वसो॑र्धा॒रां जु॒होति॑ वसो॑र्मे॒ धारा॑ऽस॒दिति॑ वा ए॒षा हू॑यते घृ॒तस्य॑ वा
 ए॒नमे॒षा धारा॑ऽमुष्मिन् लो॒के पि॒न्वमा॒नोप॑ तिष्ठत॒ आज्ये॑न जुहोति॒
 तेजो॑ वा, आ॒ज्यं तेजो॑ वसो॑र्धा॒रा तेज॑सै॒वास्मै॑ तेजो॑ऽव रु॒न्धेऽथो॑
 कामा॑ वै वसो॑र्धा॒रा कामा॑ने॒वाऽव रु॒न्धे यं का॒मये॑त प्रा॒णान॑स्यान्नाद्यं
 वि॒,

T.S. 5-4-8-2

च्छि॒न्धामि॑ति वि॒ग्राहं॑ तस्य जुहुयात् प्रा॒णाने॒वास्याऽन्नाद्यं॑ विच्छि॑नति
 यं का॒मये॑त प्रा॒णान॑स्याऽन्नाद्यं स॒न्तनु॑यामि॒ति स॒न्ततां॑ तस्य जुहुयात्
 प्रा॒णाने॒वास्याऽन्नाद्यं॑ स॒न्तनो॑ति द्वाद॒श द्वाद॒शानि॑, जुहोति॒ द्वाद॒श
 मा॒सा स्सँ॑म्वत्सर॒ स्सँ॑म्वत्सरेणै॒ वाऽस्मा॑ अन्नमव
 रु॒न्धे, ऽन्नं॑ च मेऽक्षु॑च्च म॒ इत्या॑है तद् वा

T.S. 5-4-8-3

अ॒न्नस्य॑ रू॒पं रूपे॑णै॒वान्न॑ऽमव रु॒न्धे, ऽग्नि॑श्च म॒ आप॑श्च म॒ इत्या॑हैषा
 वा अ॒न्नस्य॑ योनि॒स्स यो॒न्ये॒वान्न॑म॒ऽव रु॒न्धे, धे॒न्द्राणि॑ जुहोति दे॒वता॑
 ए॒वाऽव रु॒न्धे यथ् सर्वे॑षा-म॒र्द्धमिन्द्रो॑ः प्रति॒ तस्मा॑दिन्द्रो॑,

दे॒वता॑नां भू॒यिष्ठ॑भा॒क्तम॑ इन्द्र॒मुत्तर॑माहे-न्द्रि॒यमे॒वाऽस्मि॑-न्नु॒परि॑ष्टाद्
दधा॑ति, य॒ज्ञायु॑धानि जुहोति य॒ज्ञो

T.S. 5-4-8-4

वै य॒ज्ञायु॑धानि य॒ज्ञमे॒वाऽव॑ रुन्धेऽथो ए॒तद्वै य॒ज्ञस्य॑ रू॒पꣳ रू॒पेणै॒व
य॒ज्ञम॒व रुन्धे॑, ऽव॒भृथ॑श्च मे स्व॒गाका॑रश्च म इत्याह स्व॒गाकृ॑त्या,
अ॒ग्निश्च॑ मे घ॒र्मश्च॑ म इत्याहै॒तद् वै ब्र॑ह्मवर्च॒सस्य॑ रू॒पꣳ
रू॒पेण॑व ब्रह्मवर्च॒सम॒व रुन्धे॑, ऋक्च॑ मे साम च म इत्याहै॒

T.S. 5-4-8-5

तद्वै छ॒न्दसा॑ रू॒पꣳ रू॒पेणै॒व छ॒न्दा॑ꣳस्य॒व रुन्धे॑, गर्भा॑श्च मे व॒थसा॑श्च
म इत्याहै॒तद् वै प॑शूनाꣳ रू॒पꣳ रू॒पेणै॒व प॑शून॒व रुन्धे॑,
क॒ल्पाञ्जु॑होत्य क्लृ॒प्तस्य॑ क्लृ॒प्त्यै यु॑गमद यु॒जे जु॑होति
मिथु॑न॒त्वायो॑-त्तरा॒वती॑ भवतोऽभि॒क्रान्त्या॑, ए॒का च॑ मे ति॒स्रश्च॑
म इत्याह दे॒वछ॒न्दसं॑ वा ए॒का च॑ ति॒स्रश्च॑

T.S. 5-4-8-6

मनु॑ष्यछ॒न्दसं॑ चत॒स्रश्चा॑ष्टौ च दे॒वछ॒न्दसं॑ चै॒व मनु॑ष्य
छ॒न्दस॑श्चाऽव रुन्धे॑,

आ त्रयस्त्रिं॑ शतो जुहोति॑ त्रयस्त्रिं॑ श॒द्वै दे॒वता॑ दे॒वता॑

ए॒वाऽव॑ रु॒न्ध,

आऽष्टा च॑त्वारिं॑ शतो जुहोत्य॑ष्टा च॑त्वारिं॑ श॒दक्ष॑रा जगती॑ जागताः
प॒शवो॑ जग॑त्यैवाऽस्मै॑ प॒शून्व रु॒न्धे, वाज॑श्च प्रस॒वश्चेति॑ द्वा॒दशं
जुहोति॑ द्वा॒दश॑ मा॒सां स्सँ॑म्ब॒थ्सर॑ स्सँ॑म्ब॒थ्सर॑ ए॒व प्रति॑ तिष्ठति ॥

ओं शान्तिः॑ शान्तिः॑ शान्तिः॑ ॥

36.2 पूर्णाहुतिः

(TB 3.8.10.5)

पूर्णा॑हु॒ति-मु॒त्त॒मां जु॑होति । सर्वं॑ वै पूर्णा॑हु॒तिः । सर्व॑मे॒वाप्नो॑ति ।

अथो॑ इ॒यं वै पूर्णा॑हु॒तिः । अ॒स्यामे॒व प्रति॑तिष्ठति ।

स॒प्त॒ते अ॒ग्ने स॒मिध॑ स्स॒प्तजि॒ह्वा-स्स॒प्तर॑ष॒य-स्स॒प्तधा॑म प्रि॒याणि॑ ।

स॒प्त॒होत्रा॑ स्स॒प्तधा॑त्वा यजन्ति स॒प्तयो॑नी रा॒पृण॑स्वा घृ॒तेन॑ स्वाहा॑ ।

अ॒ग्नये॑ स॒प्तव॑त इ॒दं न॑ मम ।

37 घन मन्त्राः

37.1 मे जीवातुः

(T.S.4.7.3.2)

वाक्यं- मे जीवातुश्च मे, दीर्घायुत्वं च मे, ऽनमित्रं च मे, ऽभयं च मे, सुगं च मे, शयनं च मे, सूषा च मे, सुदिनं च मे ॥

पदम् - मे । जीवातुः । च । मे । दीर्घायुत्वमिति दीर्घायु - त्वम्
 (दीर्घायुत्वम्) । च । मे । अनमित्रम् । च । मे । अभयम् । च । मे ।
 सुगमिति सु-गम् (सुगम्) । च । मे । शयनम् () । च । मे ।
 सूषेति सु - उषा (सूषा) । च । मे ।
 सुदिनमिति सु - दिनम् (सुदिनम्) । च । मे ॥

1. मे । जीवातुः । च ।

मे जीवातुर्, जीवातुर् मे, मे जीवातुश्च, च जीवातुर् मे,
 मे जीवातुश्च ।

2. जीवातुः । च । मे ।

जीवातुश्च, च जीवातुर्, -जीवातु-श्च मे, मे च जीवातुर्,
 जीवातुश्च मे ।

3. च॒ । मे॒ । (दी॒र्घा॒यु॒त्वम्) ।

च॒ मे॒, मे॒ च॒, च॒ मे॒ दी॒र्घा॒यु॒त्वं, दी॒र्घा॒यु॒त्वं मे॒ च॒, च॒ मे॒ दी॒र्घा॒यु॒त्वं ।

4. मे॒ । (दी॒र्घा॒यु॒त्वम्) । च॒ ।

मे॒ दी॒र्घा॒यु॒त्वं, दी॒र्घा॒यु॒त्वं मे॒, मे॒ दी॒र्घा॒यु॒त्वं च॒, च॒ दी॒र्घा॒यु॒त्वं मे॒,
मे॒ दी॒र्घा॒यु॒त्वं च॒ ।

5. (दी॒र्घा॒यु॒त्वम्) । च॒ । मे॒ ।

दी॒र्घा॒यु॒त्वं च॒, च॒ दी॒र्घा॒यु॒त्वं, दी॒र्घा॒यु॒त्वं च॒ मे॒, मे॒ च॒ दी॒र्घा॒यु॒त्वं,
दी॒र्घा॒यु॒त्वं च॒ मे॒ ।

6. (दी॒र्घा॒यु॒त्वम्) ।

दी॒र्घा॒यु॒त्वमि॒ति दी॒र्घा॒यु॒ - त्वं ।

7. च॒ । मे॒ । अ॒न॒मि॒त्रम् ।

च॒ मे॒, मे॒ च॒, च॒ मे॒ ऽन॒मि॒त्र, म॒न॒मि॒त्रं मे॒ च॒, च॒ मे॒ ऽन॒मि॒त्रं ।

8. मे॒ । अ॒न॒मि॒त्रम् । च॒ ।

मे॒-ऽन॒मि॒त्र, म॒न॒मि॒त्रं मे॒, मे॒ ऽन॒मि॒त्रं च॒, चा॒ न॒मि॒त्रं मे॒, मे॒ ऽन॒मि॒त्रं
च॒ ।

9. अ॒न॒मि॒त्रम् । च॒ । मे॒ ।

अ॒न॒मि॒त्रं च॑, चा॒ न॒मि॒त्र, -म॒न॒मि॒त्रं च॑ मे॒, मे॒ चा॒ न॒मि॒त्र,
-म॒न॒मि॒त्रं च॑ मे॒ ।

10. च॒ । मे॒ । अ॒भ॒यम् ।

च॒ मे॒, मे॒ च॒, च॒ मे॒ऽभ॒य, -म॒भ॒यं मे॒ च॒, च॒ मे॒ ऽभ॒यं ।

11. मे॒ । अ॒भ॒यम् । च॒ ।

मे॒ ऽभ॒य, -म॒भ॒यं मे॒, मे॒ ऽभ॒यं च॒, चा॒ भ॒यं मे॒, मे॒ ऽभ॒यं च॒ ।

12. अ॒भ॒यम् । च॒ । मे॒ ।

अ॒भ॒यं च॒, चा॒ भ॒य, -म॒भ॒यं च॒ मे॒, मे॒ चा॒ भ॒य, -म॒भ॒यं च॒ मे॒ ।

13. च॒ । मे॒ । (सु॒गम्) ।

च॒ मे॒, मे॒ च॒, च॒ मे॒ सु॒ग॒, सु॒गं मे॒ च॒, च॒ मे॒ सु॒गं ।

14. मे॒ । (सु॒गम्) । च॒ ।

मे॒ सु॒ग॒, सु॒गं मे॒, मे॒ सु॒गं च॒, च॒ सु॒गं मे॒, मे॒ सु॒गं च॒ ।

15. (सु॒गम्) । च॒ । मे॒ ।

सु॒गं च॒, च॒ सु॒ग॒, सु॒गं च॒ मे॒, मे॒ च॒ सु॒ग॒, सु॒गं च॒ मे॒ ।

16. (सुगम्) ।

सुगमि॑ति सु – गं ।

17. च॒ । मे॒ । शय॑नम् ।

च॒ मे॒, मे॒ च॒, च॒ मे॒ शय॑नम्, शय॑नं मे॒ च॒, च॒ मे॒ शय॑नम् ।

18. मे॒ । शय॑नम् । च॒ ।

मे॒ शय॑नम्, शय॑नं मे॒, मे॒ शय॑नं च॒, च॒ शय॑नं मे॒, मे॒ शय॑नं च॒ ।

19. शय॑नम् । च॒ । मे॒ ।

शय॑नं च॒, च॒ शय॑नम्, शय॑नं च॒ मे॒, मे॒ च॒ शय॑नम्, शय॑नं च॒ मे॒ ।

20. च॒ । मे॒ । (सूषा) ।

च॒ मे॒, मे॒ च॒, च॒ मे॒ सूषा॑, सूषा॑ मे॒ च॒, च॒ मे॒ सूषा॑ ।

21. च॒ । मे॒ । (सूषा) । च॒ ।

मे॒ सूषा॑, सूषा॑ मे॒, मे॒ सूषा॑ च॒, च॒ सूषा॑ मे॒, मे॒ सूषा॑ च॒ ।

22. (सूषा) । च॒ । मे॒ ।

सूषा॑ च॒, च॒ सूषा॑, सूषा॑ च॒ मे॒, मे॒ च॒ सूषा॑, सूषा॑ च॒ मे॒ ।

23. (सूषा) ।

सूषे॑ति सु – उषा॑ ।

24. च॒ । मे॒ । (सु॒दिन॑म्) ।

च॒ मे, मे॒ च, च॒ मे सु॒दिन॑, सु॒दिनं॑ मे च, च॒ मे सु॒दिनं॑ ।

25. मे॒ । (सु॒दिन॑म्) । च॒ ।

मे सु॒दिन॑, सु॒दिनं॑ मे, मे॒ सु॒दिनं॑ च, च॒ सु॒दिनं॑ मे, मे सु॒दिनं॑ च ।

26. (सु॒दिन॑म्) । च॒ । मे॒ ।

सु॒दिनं॑ च, च॒ सु॒दिन॑, सु॒दिनं॑ च मे, मे॒ च सु॒दिन॑,
सु॒दिनं॑ च मे ।

27. (सु॒दिन॑म्) ।

सु॒दिन॑मि॒ति सु॒ – दि॒नं॑ ।

28. च॒ । मे॒ ।

च॒ मे, मे॒ च, च॒ मे ।

29. मे॒ ।

म इति॑ मे ॥

37.2 मयि मेधां मयि प्रजां

(T.S.3.3.1.2)

वाक्यं – मयि मेधां मयि प्रजां मयि सूर्यो भ्राजो दधातु ॥

पदम् – मयि । मेधाम् । मयि । प्रजामिति प्र – जाम् (प्रजाम्) ।
मयि । सूर्यः । भ्राजः । दधातु ॥

1. मयि । मेधाम् । मयि ।

मयि मेधां, मेधां मयि, मयि मेधां मयि, मयि मेधां मयि,
मयि मेधां मयि ।

2. मेधाम् । मयि । (प्रजाम्) ।

मेधां मयि, मयि मेधां, मेधां मयि प्रजां, प्रजां मयि मेधां,
मेधां मयि प्रजां ।

3. मयि । (प्रजाम्) । मयि ।

मयि प्रजां, प्रजां मयि, मयि प्रजां मयि, मयि प्रजां मयि,
मयि प्रजां मयि ।

4. (प्र॒जाम्) । म॒यि॑ । सूर्यः॑ ।

प्र॒जां म॒यि, म॒यि प्र॒जां, प्र॒जां म॒यि सूर्य॑, स्सूर्यो॑ म॒यि प्र॒जां,
प्र॒जां म॒यि सूर्यः॑ ।

5. (प्र॒जाम्)

प्र॒जामि॑ति प्र – जां ।

6. म॒यि॑ । सूर्यः॑ । भ्राजः॑ ।

म॒यि सूर्य॑, स्सूर्यो॑ म॒यि, म॒यि सूर्यो॑ भ्राजो॑, भ्राज॑ स्सूर्यो॑ म॒यि,
म॒यि सूर्यो॑ भ्राजः॑ ।

7. सूर्यः॑ । भ्राजः॑ । दधातु॑ ॥

सूर्यो॑ भ्राजो॑, भ्राज॑ स्सूर्य॑, स्सूर्यो॑ भ्राजो॑ दधातु॑, दधातु॑ भ्राज॑
स्सूर्य॑, स्सूर्यो॑ भ्राजो॑ दधातु॑ ।

8. भ्राजः॑ । दधातु॑ ॥

भ्राजो॑ दधातु॑, दधातु॑ भ्राजो॑, भ्राजो॑ दधातु॑ ।

9. दधातु॑ ॥

दधात्विति॑ दधातु॑ ॥

ते॒ज॒स्वी॑ य॒श॒स्वी॑ ब्र॒ह्मव॑र्च॒सी॒ स्या॒मि॒ति॑ ।

प्रा॒डा॒ हो॒तु॒-धि॑ष्ण्या॒ दु॒थ्स॑र्पेत् ।

ये॒यं प्रा॒गाद् य॒श॒स्वती॑ । सा॒मा प्रो॒र्णो॑तु ।

ते॒ज॒सा॒ य॒श॒सा॒ ब्र॒ह्मव॑र्च॒सेने॑ति ।

ते॒ज॒स्-व्ये॑व य॒श॒स्वी॑ ब्र॒ह्मव॑र्च॒सी॒ भव॑ति ॥

37.3 मारुत मनर्वाणं

(T.S.4.3.13.6)

वा॒क्यं॑ - मा॒रुत॑मन॒र्वाण॑ꣳ रथे॒शुभं॑ ॥

प॒दम् - मा॒रुत॑म् । अ॒न॒र्वाण॑म् । रथे॒शुभ॑मि॒ति॑ रथे - शु॒भम्
(रथे॒शुभ॑म्) ॥

1. मा॒रुत॑म् । अ॒न॒र्वाण॑म् । (रथे॒शुभ॑म्) ॥

मा॒रुत॑- म॒न॒र्वाण॑, म॒न॒र्वाणं॑ मा॒रुतं॑, मा॒रुत॑-म॒न॒र्वाण॑ꣳ रथे॒शुभ॑ꣳ,
रथे॒शुभ॑ म॒न॒र्वाणं॑ मा॒रुतं॑, मा॒रुत॑ म॒न॒र्वाण॑ꣳ रथे॒शुभं॑ ।

2. अ॒न॒र्वाण॑म् । (रथे॒शुभ॑म्) ॥

अ॒न॒र्वाण॑ꣳ रथे॒शुभ॑ꣳ, रथे॒शुभ॑-म॒न॒र्वाण॑, -म॒न॒र्वाण॑ꣳ रथे॒शुभं॑ ।

3. (रथेशुभम्) ॥

रथे शुभमिति रथे – शुभं ॥

अतोतो वा उत्तराणि श्रेयांसि भवन्ति ॥

37.4 सा प्रजां

(T.S.2.6.1.7)

सा प्रजां पशून् यजमानाय प्रजनयति ॥

पदम् – सा । प्रजामिति प्र – जाम् (प्रजाम्) । पशून् ।
यजमानाय । प्रेति (प्र) । जनयति ॥

1. सा । (प्रजाम्) । पशून् ।

सा प्रजां, प्रजां सा, सा प्रजां पशून्, पशून् प्रजां सा,
सा प्रजां पशून् ।

2. (प्रजाम्) । पशून् । यजमानाय ।

प्रजां पशून्, पशून् प्रजां, प्रजां पशून् यजमानाय,
यजमानाय पशून् प्रजां, प्रजां पशून् यजमानाय ।

3. (प्रजाम्) ।

प्रजामिति प्र – जां ।

4. प॒शून् । यज॑मानाय । (प्र) ।

प॒शून् यज॑मानाय, यज॑मानाय प॒शून्, प॒शून् यज॑मानाय प्र,
प्र यज॑मानाय प॒शून् प॒शून् यज॑मानाय प्र ।

5. यज॑मानाय । (प्र) । जन॑यति ॥

यज॑मानाय प्र, प्र यज॑मानाय, यज॑मानाय प्र जन॑यति,
जन॑यति प्र यज॑मानाय, यज॑मानाय प्र जन॑यति ।

6. (प्र) । जन॑यति ॥

प्र जन॑यति, जन॑यति प्र, प्र जन॑यति ।

7. जन॑यति ॥

जन॑यतीति जन॑यति ॥

ए॒तेन॒ वै दे॒वा जै॑त्वानि जि॒त्वा । यं का॒मम॒-का॑मयन्त॒ तमा॑प्नुवन् ॥

यं का॒मं का॑मयते । तमे॒ तेना॑प्नोति ॥

37.5 यस्य पुत्रः

(T.S.1.5.8.5)

यस्य पु॒त्रो जा॒तः स्या॒त् तेज॑ ए॒वास्मिन् ब्र॑ह्मवर्च॒सं द॑धाति ॥

प॒दम् – यस्य॑ । पु॒त्रः । जा॒तः । स्या॒त् । तेजः॑ । ए॒व । अ॒स्मिन् ।
 ब्र॑ह्मवर्च॒समि॑ति ब्र॒ह्म – वर्च॑सम् (ब्र॑ह्मवर्च॒सम्) । द॑धाति ॥

1. यस्य॑ । पु॒त्रः । जा॒तः ।

यस्य॑ पु॒त्रः, पु॒त्रो यस्य॑, यस्य॑ पु॒त्रो जा॒तो, जा॒तः पु॒त्रो यस्य॑,
 यस्य॑ पु॒त्रो जा॒तः ।

2. पु॒त्रः । जा॒तः । स्या॒त् ।

पु॒त्रो जा॒तो, जा॒तः पु॒त्रः, पु॒त्रो जा॒त-स्स्या॑, थ॒स्या-ज्जा॒तः पु॒त्रः,
 पु॒त्रो जा॒त-स्स्या॑त् ।

3. जा॒तः । स्या॒त् । तेजः॑ ।

जा॒त-स्स्या॑, थ॒स्या-ज्जा॒तो, जा॒त-स्या॑त् तेज॑, स्तेज॑-स्या॒ ज्जा॒तो,
 जा॒त-स्या॑त् तेजः॑ ।

4. स्या॒त् । तेजः॑ । ए॒व ।

स्या॒ तेज॑स्ते ज॒स्या थ॑स्यात्तेज॑ ए॒वै व तेज॑स्या थ॑स्यात्तेज॑ ए॒व ।

5. तेजः॑ । ए॒व । अ॒स्मिन् ।

तेज॑ ए॒वै व तेज॑, स्तेज॑ ए॒वास्मि॑, -न्नस्मिन्ने॒व तेज॑,
स्तेज॑ ए॒वास्मिन् ।

6. ए॒व । अ॒स्मिन् । (ब्र॒ह्मव॒र्चस॑म्) ।

ए॒वास्मि॑-न्नस्मिन्ने॒-, वै-वा॑स्मिन् ब्र॒ह्मव॒र्चसं॑,
ब्र॒ह्मव॒र्चस॑-मस्मिन्ने॒ वै, वा॑स्मिन् ब्र॒ह्मव॒र्चसं॑ ।

7. अ॒स्मिन् । (ब्र॒ह्मव॒र्चस॑म्) । द॒धाति॑ ॥

अ॒स्मिन् ब्र॒ह्मव॒र्चसं॑, ब्र॒ह्मव॒र्चस॑-मस्मि॒-, न्नस्मिन् ब्र॒ह्मव॒र्चसं॑
द॒धाति॑, द॒धाति॑ ब्र॒ह्मव॒र्चस॑ - मस्मि॒, -न्नस्मिन् ब्र॒ह्मव॒र्चसं॑ द॒धाति॑ ।

8. (ब्र॒ह्मव॒र्चस॑म्) । द॒धाति॑ ॥

ब्र॒ह्मव॒र्चसं॑ द॒धाति॑, द॒धाति॑ ब्र॒ह्मव॒र्चसं॑, ब्र॒ह्मव॒र्चसं॑ द॒धाति॑ ।

9. (ब्र॒ह्मव॒र्चस॑म्) ।

ब्र॒ह्मव॒र्चस॑मि॒ति ब्र॒ह्म - व॒र्चसं॑ ।

10. द॒धाति॑ ॥

द॒धाती॑ति॒ द॒धाति॑ ॥

ते॒ज॒स्वी॑ य॒श॒स्वी॑ ब्र॒ह्मव॑र्च॒सी॒ स्या॒मि॒ति॑ ।
 प्रा॒डा॒ हो॒तु॒ धि॒ष्ण्या॒ दु॒थ्स॑र्पेत् ।
 ये॒यं प्रा॒गाद् य॒श॒स्वति॑ । सा॒मा प्रो॒र्णा॑तु ।
 ते॒ज॒सा॒ य॒श॒सा॒ ब्र॒ह्मव॑र्च॒सेने॑ति ।
 ते॒ज॒स् व्ये॑व य॒श॒स्वी॑ ब्र॒ह्मव॑र्च॒सी॒ भव॑ति ॥

37.6 ये देवा दिवि भागा

(T.S. 2.4.10.3)

वा॒क्यं – ये॒ दे॒वा दि॒वि भा॒गा इति॑ कृ॒ष्णा जि॒नम॑व॒ धू॒नोती॑म॒ ए॒वास्मै॑
 लो॒काः प्री॒ता अ॒भीष्टा॑ भव॒न्ति॑ ।

प॒दम् – ये॒ । दे॒वाः । दि॒विभा॒गा इति॑ दि॒वि – भा॒गाः (दि॒विभा॒गाः) ।
 इति॑ । कृ॒ष्णाजि॒नमि॑ति॒ कृ॒ष्ण – अ॒जि॒नम् (कृ॒ष्णाजि॒नम्) ।
 अवे॑ति (अ॒व) । धू॒नो॒ति॒ । इ॒मे । ए॒व । अ॒स्मै । लो॒काः । प्री॒ताः ।
 अ॒भीष्टा॑ इत्य॒भि – इ॒ष्टाः (अ॒भीष्टाः) ॥ भव॑न्ति ॥

1. ये॒ । दे॒वाः । (दि॒विभा॒गाः) ।

ये॒ दे॒वा, दे॒वा ये, ये॒ दे॒वा दि॒विभा॒गा, दि॒विभा॒गा दे॒वा ये,
 ये॒ दे॒वा दि॒विभा॒गाः ।

2. दे॒वाः । (दि॒विभा॒गाः) । इति॑ ।

दे॒वा दि॒विभा॒गा, दि॒विभा॒गा दे॒वा, दे॒वा दि॒विभा॒गा इतीति॑ दि॒विभा॒गा
दे॒वा, दे॒वा दि॒विभा॒गा इति॑ ।

3. (दि॒विभा॒गाः) । इति॑ । (कृ॒ष्णाजि॒नम्) ।

दि॒विभा॒गा इतीति॑ दि॒विभा॒गा, दि॒विभा॒गा इति॑ कृ॒ष्णाजि॒नं,
कृ॒ष्णाजि॒न-मिति॑ दि॒विभा॒गा, दि॒विभा॒गा इति॑ कृ॒ष्णाजि॒नं ।

4. (दि॒विभा॒गाः) ।

दि॒विभा॒गा इति॑ दि॒वि - भा॒गाः ।

5. इति॑ । (कृ॒ष्णाजि॒नम्) । (अ॒व) ।

इति॑ कृ॒ष्णाजि॒नं, कृ॒ष्णाजि॒न - मिति॑ कृ॒ष्णाजि॒न-मवा॑व
कृ॒ष्णाजि॒न-मिति॑ कृ॒ष्णाजि॒न-मव॑ ।

6. (कृ॒ष्णाजि॒नम्) । (अ॒व) । धू॒नोति॑ ।

कृ॒ष्णाजि॒न-मवा॑व कृ॒ष्णाजि॒नं कृ॒ष्णाजि॒न-मव॑ धू॒नोति॑ धू॒नोत्य॑व
कृ॒ष्णाजि॒नं कृ॒ष्णाजि॒न-मव॑ धू॒नोति॑ ।

7. (कृ॒ष्णाजि॒नम्) ।

कृ॒ष्णा जि॒नमिति॑ कृ॒ष्ण - अ॒जिनं॑ ।

8. (अ॒व) । धू॒नो॒ति॒ । इ॒मे ।

अ॒व धू॒नो॒ति धू॒नो॒ त्यवा॒व धू॒नो॒ती॒ म इ॒मे धू॒नो॒त्यवा॒व धू॒नो॒ती॒मे ।

9. धू॒नो॒ति॒ । इ॒मे । ए॒व ।

धू॒नो॒ती॒म इ॒मे धू॒नो॒ति धू॒नो॒ती॒म ए॒वै वे मे धू॒नो॒ति धू॒नो॒ती॒म ए॒व ।

10. इ॒मे । ए॒व । अ॒स्मै ।

इ॒म ए॒वै वे म इ॒म ए॒वास्मा॑ अ॒स्मा ए॒वेम॑ इ॒म ए॒वास्मै॑ ।

11. ए॒व । अ॒स्मै । लो॒काः ।

ए॒वास्मा॑ अ॒स्मा ए॒वै वा॒स्मै लो॒का लो॒का अ॒स्मा
ए॒वै वा॒स्मै लो॒काः ।

12. अ॒स्मै । लो॒काः । प्री॒ताः ।

अ॒स्मै लो॒का , लो॒का अ॒स्मा, अ॒स्मै लो॒का प्री॒ताः ,
प्री॒ता लो॒का अ॒स्मा, अ॒स्मै लो॒काः प्री॒ताः ।

13. लो॒काः । प्री॒ताः । (अ॒भीष्टाः) ।

लो॒काः प्री॒ता, प्री॒ता लो॒का, लो॒का प्री॒ता अ॒भीष्टा॑,
अ॒भीष्टाः॑ प्री॒ता लो॒का, लो॒का प्री॒ता अ॒भीष्टाः॑ ।

14. प्री॒ताः । (अ॒भी॒ष्टाः) । भ॒वन्ति ॥

प्री॒ता अ॒भी॒ष्टा अ॒भी॒ष्टाः प्री॒ताः प्री॒ता अ॒भी॒ष्टा भ॒वन्ति
भ॒वन्त्य॒भी॒ष्टाः प्री॒ताः प्री॒ता अ॒भी॒ष्टा भ॒वन्ति ।

15. (अ॒भी॒ष्टाः) । भ॒वन्ति ॥

अ॒भी॒ष्टा भ॒वन्ति भ॒वन्त्य॒भी॒ष्टा अ॒भी॒ष्टा भ॒वन्ति ।

16. (अ॒भी॒ष्टाः) ।

अ॒भी॒ष्टा इ॒त्य॒भि – इ॒ष्टाः ।

17. भ॒वन्ति ॥

भ॒वन्ती॒ति भ॒वन्ति ॥

हृ॒द॒यं य॒जू॒ॐषि॑ प॒त्न्य॑श्च । य॒था॒व॒का॒शं ग॒हान् ।

य॒था॒व॒का॒शं प्र॒ति॒ग॒हान् लो॒कं पृ॒णाश्च॑ ।

स॒र्वा॒हा॒स्यै ता॒ दे॒वताः॑ प्री॒ता अ॒भी॒ष्टा भ॒वन्ति ॥

37.7 प्रजामायुर्धनं च

(T.S.1.6.1.1)

प्रजामायुर्धनं च ।

पदम् – प्रजामिति प्र-जाम् (प्रजाम्) । आयुः । धनम् । च ॥

1. (प्रजाम्) । आयुः । धनम् ।

प्रजा-मायुरायुः प्रजां प्रजामायुर्धनं धनमायुः प्रजां प्रजामयुर्धनं ।

2. (प्रजाम्) ।

प्रजामिति प्र – जां ।

3. आयुः । धनम् । च ॥

आयुर् धनं धन-मायु-रायुर् धनं च च धन-मायु-रायुर् धनं च ।

4. धनम् । च ॥

धनं च च धनं धनं च ।

5. च ॥

चेति च ॥

पश्यति पुत्रं । पश्यति पौत्रं । प्र प्रजया पशुभिर् मिथुनैर् जायते ।

यस्यैवं विदुषो ऽग्निहोत्रं जुह्वति । य उचैन देवं वेद ॥

37.8 सर्वेभ्यो वै कामेभ्यः

(T.S.7.5.3.2)

वाक्यं – सर्वेभ्यो वै कामेभ्यः सन्धिर् दुहे तद् यजमाना स्सर्वान्
कामान् वरुन्धते ॥

पदम् – सर्वेभ्यः । वै । कामेभ्यः । सन्धिरिति सं – धिः (सन्धिः) ।
दुहे । तत् । यजमानाः । सर्वान् । कामान् । अवेति (अव) । रुन्धते ॥

1. सर्वेभ्यः । वै । कामेभ्यः ।

सर्वेभ्यो वै, वै सर्वेभ्यः, सर्वेभ्यो वै कामेभ्यः, कामेभ्यो वै
सर्वेभ्यः, सर्वेभ्यो वै कामेभ्यः ।

2. वै । कामेभ्यः । (सन्धिः) ।

वै कामेभ्यः, कामेभ्यो वै, वै कामेभ्य-स्सन्धि,
स्सन्धिः कामेभ्यो वै, वै कामेभ्य-स्सन्धिः ।

3. कामेभ्यः । (सन्धिः) । दुहे ।

कामेभ्य स्सन्धि, स्सन्धिः कामेभ्यः, कामेभ्यः सन्धिर् दुहे,
दुहे सन्धिः कामेभ्यः, कामेभ्यः सन्धि दुहे ।

4. (स॒न्धिः) । दु॒हे । तत् ।

सं॒धिर् दु॒हे, दु॒हे स॒न्धि, स्स॒न्धिर् दु॒हे तत्तद् दु॒हे स॒न्धि,
स्स॒न्धिर् दु॒हे तत् ।

5. (स॒न्धिः) ।

स॒न्धिरि॒ति सं – धिः ।

6. दु॒हे । तत् । यज॑मानाः ।

दु॒हे तत्तद् दु॒हे , दु॒हे तद् यज॑माना, यज॑माना स्तद् दु॒हे,
दु॒हे तद् यज॑मानाः ।

7. तत् । यज॑मानाः । सर्वा॑न् ।

तद् यज॑माना, यज॑माना स्तत्, तद् यज॑माना स्सर्वा॑न्,
थ्सर्वा॑न् यज॑माना स्तत्, तद् यज॑माना स्सर्वा॑न् ।

8. यज॑मानाः । सर्वा॑न् । कामा॑न् ।

यज॑मानाः सर्वा॑न्, थ्सर्वा॑न् यज॑माना, यज॑मानाः सर्वा॑न् कामा॑न् ,
कामा॑न् थ्सर्वा॑न् यज॑माना, यज॑मानाः सर्वा॑न् कामा॑न् ।

9. सर्वा॑न् । कामा॑न् । (अव॑) ।

सर्वा॑न् कामा॑न्, कामा॑न् थ्सर्वा॑न्, थ्सर्वा॑न् कामा॑न् वाव कामा॑न्
थ्सर्वा॑न् –थ्सर्वा॑न् कामा॑न्व ।

10. कामा॑न् । (अव॑) । रु॒न्ध॒ते ॥

कामा॑न्-वाव कामा॑न्, कामा॑न् व-रु॒न्ध॒ते रु॒न्ध॒तेऽव कामा॑न्
कामा॑न्-व-रु॒न्ध॒ते ।

11. (अव॑) । रु॒न्ध॒ते ॥

अव॑-रु॒न्ध॒ते रु॒न्ध॒तेऽ वाव॑रु॒न्ध॒ते ।

12. रु॒न्ध॒ते ॥

रु॒न्ध॒त इति॑ रु॒न्ध॒ते ॥

सा॒ंग्र॒ह॒ण्ये॒ष्ट्या॑ यज॑ते । इ॒मां ज॒न॒तां॑ संगृ॑ह्णा नीति॑ ।

द्वा॒द॒शा र॒त्नी र॒श॒ना भ॑वति । द्वा॒द॒श मा॒सा स्स॑म्व॒त्स॒रः ।

स॒म्व॒त्स॒र मे॒वा व॑रु॒न्धे । मौ॒जी भ॑वति । ऊ॒र्ग्वै मुञ्चाः॑ ॥

ऊ॒र्ज मे॒वा व॑रु॒न्धे । चि॒त्रा नक्ष॑त्रं भवति । चि॒त्रं वा ए॒तत् क॑र्म ।

यद॑श्चमे॒ध-स्स॑मृ॒द्ध्यै ॥

37.9 पु॒ष्टिं॑ ध॒त्तः॑

(T.S.2.1.9.4)

पु॒ष्टिं॑ ध॒त्तः॑ पु॒ष्य॑ति प्र॒जया॑ प॒शुभिः॑ ॥

प॒दम् - पु॒ष्टिम्॑ । ध॒त्तः॑ । पु॒ष्य॑ति । प्र॒जये॑ति प्र - जया॑ (प्र॒जया॑) ।

प॒शुभि॑रिति प॒शु - भिः॑ (प॒शुभिः॑) ॥

1. पु॒ष्टिम्॑ । ध॒त्तः॑ । पु॒ष्य॑ति ।

पु॒ष्टिं॑ ध॒त्तो, ध॒त्तः॑ पु॒ष्टिं॑, पु॒ष्टिं॑ ध॒त्तः॑ पु॒ष्य॑ति, पु॒ष्य॑ति ध॒त्तः॑ पु॒ष्टिं॑,
पु॒ष्टिं॑ ध॒त्तः॑ पु॒ष्य॑ति ।

2. ध॒त्तः॑ । पु॒ष्य॑ति । (प्र॒जया॑) ।

ध॒त्तः॑ पु॒ष्य॑ति, पु॒ष्य॑ति ध॒त्तो, ध॒त्तः॑ पु॒ष्य॑ति प्र॒जया॑, प्र॒जया॑ पु॒ष्य॑ति
ध॒त्तो, ध॒त्तः॑ पु॒ष्य॑ति प्र॒जया॑ ।

3. पु॒ष्य॑ति । (प्र॒जया॑) । (प॒शुभिः॑) ।

पु॒ष्य॑ति प्र॒जया॑, प्र॒जया॑ पु॒ष्य॑ति, पु॒ष्य॑ति प्र॒जया॑ प॒शुभिः॑,
प॒शुभिः॑ प्र॒जया॑ पु॒ष्य॑ति, पु॒ष्य॑ति प्र॒जया॑ प॒शुभिः॑ ।

4. (प्र॒जया॑) । (प॒शुभिः॑) ।

प्र॒जया॑ प॒शुभिः॑, प॒शुभिः॑ प्र॒जया॑, प्र॒जया॑ प॒शुभिः॑ ।

5. (प्र॒जया॑) ।

प्र॒जाये॑ति प्र॒ जया॑ ।

6. (प॒शुभिः॑) ।

प॒शुभि॑रिति प॒शु – भिः॑ ॥

पु॒ष्ट्यै॑ वा ए॒तद् रू॒पं । यद॒जा । त्रि॒सम्॑व॒त्स॒र-स्या॒न्यान्
प॒शून् परि॑ प्र॒जाय॑ते । ब॒स्ता॒जि॒न म॒द्ध्य॑व रो॒हति॑ ।
पु॒ष्ट्या॑मे॒व प्र॒ज॒न॒ने प्र॒ति॒ति॒ष्ठति॑ ॥

37.10 ता विष्णो पाहि

(T.S.1.1.11.2)

वा॒क्यं – ता वि॒ष्णो पा॒हि पा॒हि य॒ज्ञं पा॒हि य॒ज्ञ॒प॒तिं पा॒हि मां
य॒ज्ञ॒नि॒यं ॥

प॒दम् – ताः । वि॒ष्णो इति॑ । पा॒हि । पा॒हि । य॒ज्ञम् । पा॒हि ।
य॒ज्ञ॒प॒ति॒मि॒ति य॒ज्ञ – प॒तिम् (य॒ज्ञ॒प॒तिम्) । पा॒हि । मा॒म् ।
य॒ज्ञ॒नि॒य॒मि॒ति य॒ज्ञ – नि॒यम् (य॒ज्ञ॒नि॒यम्) ॥

1. ताः । वि॒ष्णो॒ । पा॒हि॒ ।

ता वि॒ष्णो॒, वि॒ष्णो॒ तास्ता वि॒ष्णो॒ पा॒हि॒ पा॒हि॒ वि॒ष्णो॒
तास्ता वि॒ष्णो॒ पा॒हि॒ ।

2. वि॒ष्णो॒ । पा॒हि॒ । पा॒हि॒ ।

वि॒ष्णो॒ पा॒हि॒, पा॒हि॒ वि॒ष्णो॒, वि॒ष्णो॒ पा॒हि॒ पा॒हि॒, पा॒हि॒ पा॒हि॒ वि॒ष्णो॒,
वि॒ष्णो॒ पा॒हि॒ पा॒हि॒ ।

3. वि॒ष्णो॒ इति॑ ।

वि॒ष्णो॒ इति॑ – वि॒ष्णो॒ ।

4. पा॒हि॒ । पा॒हि॒ । य॒ज्ञम् ।

पा॒हि॒ पा॒हि॒, पा॒हि॒ पा॒हि॒, पा॒हि॒ पा॒हि॒ य॒ज्ञं, य॒ज्ञं पा॒हि॒ पा॒हि॒,
पा॒हि॒ पा॒हि॒ य॒ज्ञं ।

5. पा॒हि॒ । य॒ज्ञम् । पा॒हि॒ ।

पा॒हि॒ य॒ज्ञं, य॒ज्ञं पा॒हि॒, पा॒हि॒ य॒ज्ञं पा॒हि॒, पा॒हि॒ य॒ज्ञं पा॒हि॒,
पा॒हि॒ य॒ज्ञं पा॒हि॒ ।

6. य॒ज्ञम् । पा॒हि । (य॒ज्ञप॑तिम्) ।

य॒ज्ञं पा॒हि, पा॒हि य॒ज्ञं, य॒ज्ञं पा॒हि य॒ज्ञप॑तिं, य॒ज्ञप॑तिं पा॒हि य॒ज्ञं,
य॒ज्ञं पा॒हि य॒ज्ञप॑तिं ।

7. पा॒हि । (य॒ज्ञप॑तिम्) । पा॒हि ।

पा॒हि य॒ज्ञप॑तिं, य॒ज्ञप॑तिं पा॒हि, पा॒हि य॒ज्ञप॑तिं पा॒हि,
पा॒हि य॒ज्ञप॑तिं पा॒हि, पा॒हि य॒ज्ञप॑तिं पा॒हि ।

8. (य॒ज्ञप॑तिम्) । पा॒हि । माम् ।

य॒ज्ञप॑तिं पा॒हि, पा॒हि य॒ज्ञप॑तिं, य॒ज्ञप॑तिं पा॒हि मां, मां पा॒हि
य॒ज्ञप॑तिं, य॒ज्ञप॑तिं पा॒हि मां ।

9. (य॒ज्ञप॑तिम्) ।

य॒ज्ञप॑ति मिति॑ य॒ज्ञ – प॑तिं ।

10. पा॒हि । माम् । (य॒ज्ञनिय॑म्) ॥

पा॒हि मां, मां पा॒हि, पा॒हि मां य॒ज्ञनियं॑, य॒ज्ञनियं॑ मां पा॒हि,
पा॒हि मां य॒ज्ञनियं॑ ।

11. माम् । (य॒ज्ञनिय॑म्) ॥

मां य॒ज्ञनियं॑, य॒ज्ञनियं॑ मां, मां य॒ज्ञनियं॑ ।

12. (य॒ज्ञनिय॑म्) ॥

य॒ज्ञनिय॑मि॒ति य॒ज्ञ – नियं॑ ॥

ता वि॑ष्णो पा॒हीत्या॑ह । य॒ज्ञोवै वि॑ष्णुः । य॒ज्ञस्य॑तृ॒तै ॥
पा॒हि य॒ज्ञं पा॒हि य॒ज्ञप॑तिं पा॒हिमां य॒ज्ञनिय॑मित्या॑ह ।
य॒ज्ञाय॑ यज॑मानाया॒त्मने॑ ॥ तेभ्य॑ ए॒वाशि॑ष मा शा॒स्तेना॑त्यै ॥

37.11 आ॒शिष॑मे॒वै ता॒मा शा॒स्ते

(T.S.1.5.7.6, T.S.1.5.8.4, T.S.1.7.3.4, T.S.6.1.1.9 etc.)

वा॒क्यं – आ॒शिष॑ मे॒ वै ता॒मा शा॒स्ते ॥

प॒दम् – आ॒शिष॑मि॒त्या – शि॒षम् (आ॒शिष॑म्) । ए॒व । ए॒ताम् । ए॒ति
(आ) । शा॒स्ते ॥

1. (आ॒शिष॑म्) । ए॒व । ए॒ताम् ।

आ॒शिष॑मे॒ वै वा॒शिष॑ मा॒शिष॑मे॒ वैता॑ मे॒ता मे॒वाशि॑ष मा॒शिष॑ मे॒
वैतां॑ ।

2. (आ॒शिष॑म्)

आ॒शिष॑मि॒त्या – शि॒षं ।

3. ए॒व । ए॒ताम् । (आ) ।

ए॒ वै ता मे॒ता मे॒ वै वै ता मै॒ ता मे॒ वै वै ता मा ।

4. ए॒ताम् । (आ) । शा॒स्ते ॥

ए॒ता मै॒ता मे॒ता मा शा॒स्ते शा॒स्त ए॒ता मे॒ता मा शा॒स्ते ॥

5. (आ) । शा॒स्ते ॥

आशा॒स्ते शा॒स्त आशा॒स्ते ॥

6. शा॒स्ते ॥

शा॒स्त इति॑ शा॒स्ते ॥

37.12 ए॒वास्मिन्नायुर् दधति

(T.S.2.3.11.5)

वाक्यं – त ए॒वास्मिन्नायुर् दधति॑ सर्व॒मायुरेति॑ ॥

पदम् – ते । ए॒व । अ॒स्मिन् । आयुः॑ । द॒धति॑ । सर्व॒म् ।
आयुः॑ । ए॒ति ॥

1. ते । ए॒व । अ॒स्मिन् ।

त ए॒वै व ते त ए॒वास्मिन्ना॑-स्मिन्ने॒ व ते त ए॒वास्मिन् ।

2. ए॒व । अ॒स्मिन् । आ॒युः ।

ए॒वास्मिन्-स्मिन्ने॒ वै वास्मिन्ना॒युरा॒यु-रस्मिन्ने॒ वै वास्मिन्ना॒युः ।

3. अ॒स्मिन् । आ॒युः । द॒धति॒ ।

अ॒स्मिन्ना॒युरा॒यु-रस्मिन्-स्मिन्ना॒युर् द॒धति द॒धत्या॒यु-रस्मिन्-
मिन्ना॒युर् द॒धति ।

4. आ॒युः । द॒धति॒ । स॒र्वम् ।

आ॒युर् द॒धति द॒धत्या-यु॒रायुर् द॒धति स॒र्वꣳ स॒र्व द॒धत्या-यु॒रायुर्
द॒धति स॒र्वꣳ ।

5. द॒धति॒ । स॒र्वम् । आ॒युः ।

द॒धति स॒र्वꣳ, स॒र्व द॒धति, द॒धति स॒र्वमा॒यु, -रा॒युस्स॒र्व द॒धति,
द॒धति स॒र्वमा॒यु ।

6. स॒र्वम् । आ॒युः । ए॒ति ॥

स॒र्व मा॒यु, -रा॒यु स्स॒र्वꣳ, स॒र्वमा॒युरे॒त्ये त्या॒यु-स्स॒र्वꣳ,
स॒र्वमा॒युरे॒ति ।

7. आ॒युः । ए॒ति ॥

आ॒युरे॒त्ये-त्या॒यु-रा॒युरे॒ति ।

8. ए॒ति ॥

ए॒तीत्ये॑ति ॥

37.13 श॒त॒मा॒नं॑ भ॒वति॑

(T.S.2.3.11.5, T.S.3.2.6.3)

वा॒क्यं – श॒त॒मा॒नं॑ भ॒वति॑ श॒ता॒युः॑ पु॒रु॒षश्श॑ते॒न्द्रि॒य॒ आ॒यु॒ष्ये॒वे॒न्द्रि॒ये॒
प्र॒ति॒ति॒ष्ठति॑ ॥

प॒दम् – श॒त॒मा॒न॒मि॒ति॑ श॒त – मा॒नम् (श॒त॒मा॒नम्) । भ॒वति॑ ।
श॒ता॒यु॒रि॒ति॑ श॒त – आ॒युः॑ (श॒ता॒युः॑) । पु॒रु॒षः । श॒ते॒न्द्रि॒य॒ इति॑
श॒त – इ॒न्द्रि॒यः॑ (श॒ते॒न्द्रि॒यः॑) । आ॒यु॒षि॑ । ए॒व । इ॒न्द्रि॒ये॒ ।
प्र॒ती॒ति॑ (प्र॒ति) । ति॒ष्ठति॑ ।

1. (श॒त॒मा॒नम्) । भ॒वति॑ । (श॒ता॒युः॑) ।

श॒त॒मा॒नं॑ भ॒वति॑, भ॒वति॑ श॒त॒मा॒न॒ञ्, श॒त॒मा॒नं॑ भ॒वति॑ श॒ता॒युः॑,
श्श॒ता॒यु॒र् भ॒वति॑ श॒त॒मा॒न॒ञ्, श॒त॒मा॒नं॑ भ॒वति॑ श॒ता॒युः॑ ।

2. (श॒त॒मा॒नम्) ।

श॒त॒मा॒न॒मि॒ति॑ श॒त – मा॒नं॑ ।

3. भ॒वति॑ । (श॒तायुः॑) । पु॒रुषः॑ ।

भ॒वति॑ श॒तायुः॑, श॒तायु॑र् भ॒वति॑, भ॒वति॑ श॒तायुः॑ पु॒रुषः॑,
पु॒रुषः॑ श॒तायु॑र् भ॒वति॑, भ॒वति॑ श॒तायुः॑ पु॒रुषः॑ ।

4. (श॒तायुः॑) । पु॒रुषः॑ । (श॒तेन्द्रि॑यः) ।

श॒तायुः॑ पु॒रुषः॑, पु॒रुषः॑ श॒तायुः॑, श॒तायुः॑ पु॒रुषः॑ श॒तेन्द्रि॑य,
श॒तेन्द्रि॑यः पु॒रुषः॑ श॒तायुः॑, श॒तायुः॑ पु॒रुषः॑ श॒तेन्द्रि॑यः ।

5. (श॒तायुः॑) ।

श॒तायु॑रिति॑ श॒त – आ॒युः॑ ।

6. पु॒रुषः॑ । (श॒तेन्द्रि॑यः) । आ॒युषि॑ ।

पु॒रुषः॑ श॒तेन्द्रि॑य, श॒तेन्द्रि॑यः पु॒रुषः॑, पु॒रुषः॑ श॒तेन्द्रि॑य
आ॒युष्या॑-यु॒षि श॒तेन्द्रि॑यः पु॒रुषः॑, पु॒रुषः॑ श॒तेन्द्रि॑य आ॒युषि॑ ।

7. (श॒तेन्द्रि॑यः) । आ॒युषि॑ । ए॒व ।

श॒तेन्द्रि॑य आ॒युष्या॑यु॒षि श॒तेन्द्रि॑य, श॒तेन्द्रि॑य आ॒युष्ये॑ वैवा॒युषि॑
श॒तेन्द्रि॑य-श॒तेन्द्रि॑य आ॒युष्ये॑व ।

8. (श॒तेन्द्रि॑यः) ।

श॒तेन्द्रि॑य इति॑ श॒त – इन्द्रि॑यः ।

9. आयु॑षि । ए॒व । इन्द्रि॑ये ।

आयु॑ष्ये वै वायु॑ष्यायु॑-ष्येवेन्द्रि॑य इन्द्रि॑य ए॒वायु॑ष्यायु॑-ष्येवेन्द्रि॑ये ।

10. ए॒व । इन्द्रि॑ये । (प्रति) ।

ए॒वेन्द्रि॑य इन्द्रि॑य ए॒वैवेन्द्रि॑ये प्रति॑ प्रतीन्द्रि॑य ए॒वैवेन्द्रि॑ये प्रति॑ ।

11. इन्द्रि॑ये । (प्रति) । तिष्ठति॑ ।

इन्द्रि॑ये प्रति॑ प्रतीन्द्रि॑य इन्द्रि॑ये प्रतितिष्ठति॑ तिष्ठति॑ प्रतीन्द्रि॑य
इन्द्रि॑ये प्रतितिष्ठति॑ ।

12. (प्रति) । तिष्ठति॑ ।

प्रति॑ तिष्ठति॑ तिष्ठति॑ प्रति॑ प्रतितिष्ठति॑ ।

13. तिष्ठति॑ ।

तिष्ठतीति॑ तिष्ठति॑ ॥

37.14 वै प्रजा

(T.S.6.5.2.3)

वाक्यं – वै प्रजाः प्रजास्वेवायुर् दधाति ॥

पदम् – वै । प्रजा इति प्र – जाः (प्रजाः) ।

प्रजास्विति॑ प्र – जासु॑ (प्रजासु॑) । ए॒व । आयुः॑ । दधाति॑ ॥

1. वै । (प्रजाः) । (प्रजासु) ।

वै प्रजाः प्रजा वै वै प्रजाः प्रजासु प्रजासु प्रजा वै
वै प्रजाः प्रजासु ।

2. (प्रजाः) । (प्रजासु) । एव ।

प्रजाः प्रजासु प्रजासु प्रजाः प्रजाः प्रजास्वेवै व प्रजासु प्रजाः
प्रजाः प्रजास्वेव ।

3. (प्रजाः) ।

प्रजा इति प्र - जाः ।

4. (प्रजासु) । एव । आयुः ।

प्रजास्वेवै व प्रजासु प्रजास्वे-वायुरायुरेव प्रजासु प्रजास्वेवायुः ।

5. (प्रजासु) ।

प्रजास्विति प्र - जासु ।

6. एव । आयुः । दधाति ॥

एवायुरायुरेवै वायुर् दधाति दधात्यायुरेवै वायुर् दधाति ।

7. आयुः । दधाति ॥

आयुर् दधाति दधात्यायुरायुर् दधाति ।

8. दधाति ॥
— — —

दधातीति दधाति ॥
— —

38 आशीर्वाद मन्त्राः

These Asheervada Mantras are not continuous Mantras, (and not appearing one after the other), in Veda Texts but are consolidated from various places. For convenience purpose, these Mantras are given in a serial order as they are normally chanted. The Order of chanting may vary and the student needs to follow that order as is chanted in that function.

No Ref available for 1, Ref TS 5.4.12.3 for 2 / TB 3.1.2.1 for 3 / TS 2.4.14.1 for 4 / TB 1.3.7.8 for 5 / RV 10.85.33 / EAK 1.9.5 for 6 / RV 10.85.45 / EAK 1.4.6 for 7 / R V 5.25.5 for 8 / TB 3.10.1.1 for 9 / TS 7.5.18.1 for 10 / TB 3.8.5.3 for 11 / TA. 2.5.1 for 12 / TB 3.12.5.5 for 13.

न तत्र सूर्यो॑ भाति॑ न चन्द्र॑तार॒कं॑ ने॒मा वि॒द्युतो॑ भान्ति॑ कु॒तोय॑ म॒ग्निः ।

तमे॒व भान्त॑ म॒नु भाति॑ स॒र्व तस्य॑ भा॒सा स॒र्वमिदं॑ वि॒भाति॑ ॥ 1

पर्या॑प्त्या॒ अन॑न्तरायाय॒ सर्व॑स्थो-मोति॑ रात्र॒ उत्त॑म म॒र्ह भव॑ति
(मह॑द्भवति) सर्व॑स्याप्त्यै॒ सर्व॑स्य॒ जित्यै॑ सर्व॑मे॒व तेना॑प्नोति॒ सर्व॑
जय॑ति ॥ 2

ऋ॒द्ध्यास्म॑ ह॒व्यैर्-नम॑सोप॒ सद्य॑ । मि॒त्रं दे॒वं मि॒त्रधे॑यन्नो अस्तु ।
अ॒नु॒रा॒धान् ह॒विषा॑ व॒र्द्धय॑न्तः । श॒तज्जी॑वेम॒ शर॑द-स्स॒वीराः॑ ॥ 3

नवो॑ नवो॑ भव॑ति जा॒यमा॑नोऽ॒ह्नाङ्के॑तु-रुष॑सा॒ मेत्य॑ग्रे ।

भा॒गं दे॒वेभ्यो॑ वि॒दधा॑-त्या॒यन् प्र च॒न्द्रमा॑-स्थि॒रति दी॒र्घमा॑युः ॥ 4

श॒तमा॑नं भवति श॒तायुः॑ पु॒रुष॑श्श॒तेन्द्रि॑य आयु॑ष्येवेन्द्रि॒ये प्र॑ति॒तिष्ठ॑ति ॥ 5

सु॒मङ्ग॑लीरि॒यं व॒धू॒रिमा॑ꣳ स॒मेत॑ पश्य॒त ।

सौ॒भा॒ग्य म॒स्यै द॒त्वा या॑थास्तं वि॒परे॑तन ॥ 6

इ॒माम् त्वमि॑न्द्र मी॒ड्व स्सु॑पु॒त्राꣳ सु॒भगां॑ कुरु ।

द॒शास्यां॑ पु॒त्राना॑ धेहि प॒तिमे॑का द॒शं कृ॑धि ॥ 7

य॒शस्करं॑ ब॒लाव॑न्तं प्र॒भुत्वं॑ तमे॒व रा॒जाधि॑ प॒ति-र्ब॑भूव ।

सङ्की॑र्ण नागाश्च॒पति॑र् नराणां सु॒मङ्ग॑ल्यं स॒ततं॑ दी॒र्घमा॑युः ॥ 8

सं॒ज्ञानं॑ वि॒ज्ञानं॑ प्र॒ज्ञानं॑ जा॒नद॑भि जा॒नत् ।

सङ्क॑ल्प॒मानं॑ प्र॒कल्प॑मान-मु॒पक॑ल्प॒मान-मु॒पक्लृ॑प्तं क्लृ॒प्तं ।

श्रे॒यो व॑सी॒य आ॒यथ् स्सं॑भू॒तं भू॒तं ।

चि॒त्रः के॒तुः प्र॒भाना॑भान्-थ्सं॒भान् ।

ज्यो॑तिष्माꣳ स्ते॒जस्वा॑ना तपꣳ स्तप॑न्न भि॒तप॑न् ।

रो॒च॒नो॑ रो॒च॒मा॒न-॒इ॒शो॒भ॒न-॒इ॒शो॒भ॒मा॒नः॑ क॒ल्या॒णः॑ ॥ 9

आ॒ब्र॒ह्म॒न् ब्रा॒ह्म॒णो ब्र॒ह्म॒व॒र्च॒सी जा॒य॒ता॒माऽस्मि॒न् रा॒ष्ट्रे रा॒ज॒न्य॑ इ॒ष॒व्य-
 इ॒शूरो॑ म॒हा॒र॒थो जा॒य॒तां दो॒ग्ध्री॑ धे॒नुर्- वो॒डाऽन॒ड्वा ना॒शु- स्स॒प्तिः॑
 पु॒र॒न्धि॒र्योषा॑ जि॒ष्णू र॒थे॒ष्टा स्स॒भेयो॑ यु॒वाऽऽस्य॑ य॒ज॒मा॒नस्य॑ वी॒रो
 जा॒य॒तां नि॒का॒मे॒नि॒का॒मे नः॑ प॒र्ज॒न्यो व॒र्ष॒तु फ॒लि॒न्यो न॑ ओ॒ष॒धयः॑
 प॒च्य॒न्तां यो॒ग॒क्षे॒मो नः॑ क॒ल्प॒तां ॥ 10

ब॒हु॒ग्वै ब॒ह्व॒श्वायै॑ ब॒ह्व॒जा॒वि॒कायै॑ । ब॒हु॒व्री॒हि॒य॒वायै॑ ब॒हु॒मा॒ष॒ति॒लायै॑ ।
 ब॒हु॒हि॒र॒ण॒यायै॑ ब॒हु॒ह॒स्ति॒कायै॑ । ब॒हु॒दा॒स॒पू॒रु॒षायै॑ र॒यि॒म॒त्यै पु॒ष्टि॒म॒त्यै ।
 ब॒हु॒रा॒य॒स्पो॒षायै॑ रा॒जा॒स्तु ॥ 11

आ॒यु॒ष्टे वि॒श्व॒तो द॒ध द॒य म॒ग्नि॒र्वि॒रे॒ण्यः॑ ।
 पु॒न॒स्ते प्रा॒ण आ॒या॒ति (or आ॒य॒ति) प॒रा॒य॒क्ष्म॒ सु॒वा॒मि॒ते ।
 आ॒यु॒र्दा अ॒ग्ने ह॒वि॒षो जु॒षा॒णो घृ॒त प्र॒ती॒को घृ॒त॒यो नि॒रे॒धि ।
 घृ॒तं पी॒त्वा म॒धु चा॒रु ग॒व्यं पि॒ते॒व पु॒त्र॒म॒भि-र॒क्ष॒ता॒दि॒मं ॥ 12

पु॒रस्ता॒द् द॒श॒ हो॒ता॒र-मु॒दञ्च॒ -मु॒प॒द॒धा॒ति॒ या॒वत्प॒दं ।
 हृ॒द॒यं॒ य॒जु॒षी॒ प॒त्न्यौ॒ च । द॒क्षि॒ण॒तः॒ प्रा॒ञ्च-ञ्च॒तु॒र्. हो॒ता॒रं ।
 प॒श्चा-दु॒दञ्चं॒ प॒ञ्च॒ हो॒ता॒रं । उ॒त्त॒र॒तः॒ प्रा॒ञ्च॒ ष॒ड्भू॒ता॒रं ।
 उ॒परि॒ष्ठा॒त् प्रा॒ञ्च॒ स॒प्त॒ हो॒ता॒रं । हृ॒द॒यं॒ य॒जू॒षि॒ प॒त्न्यै॒श्च ।
 य॒था॒व॒का॒शं॒ ग॒र॒हान् । य॒था॒व॒का॒शं॒ प्र॒ति॒ ग॒र॒हान् लो॒कं पृ॒णा॒श्च ।
 सर्वा॒हा॒ स्यै॒ता दे॒वताः॑ प्री॒ता अ॒भी॒ष्टा भव॑न्ति ॥ 13

38.1 आरण्यके द्वितीयप्रश्नः प्रथम दशिनि

TA 2.1.1

स॒ह॒वै दे॒वानां॑ चा॒सुरा॑णां च य॒ज्ञौ प्र॑त॒ता-वा॒स्तां व॒यं॑ स्व॒र्गं
 लो॒कमै॑ष्यामो व॒यमै॑ष्याम॒ इति॑ तेऽसुरा-स्स॒न्न॒ह्य सह॑ सै॒वाच॑रन्
 ब्र॒ह्म॒च॒र्येण॑ तप॒सै व दे॒वास्ते॑ ऽसुरा अ॒मुह्य॑ स्तेन प्रा॒जान॑स्ते
 परा॒भव॑न् तेन स्व॒र्गं लो॒क-मा॒यन् प्र॑सृ॒तेन॒ वै य॒ज्ञेन॑ दे॒वाः स्व॒र्गं
 लो॒क-मा॒यन् प्र॑सृ॒तेना॒ सुरा॑न् परा॒भाव॑यन् प्र॒सृतो॑ ह॒वै
 य॒ज्ञोप॑वी॒तिनो॑ य॒ज्ञो ऽप्र॑सृतो ऽनु॒पवी॑ति॒नो

यत् किञ्च ब्राह्मणो यज्ञोपवी -त्यधीते यजत एव तत्तस्मा-
 ध्यज्ञोपवीत्ये वाधीयीत याजये-द्यजेतवा यज्ञस्य प्रसृत्या अजिनं
 वासो वा दक्षिणत उपवीय दक्षिणं बाहु-मुद्धरते ऽवधत्ते सव्यमिति
 यज्ञोपवीत मेत देव विपरीतं प्राचीनावीतं सँवीतं मानुषं ॥

38.2 आरण्यके द्वितीयप्रश्नः द्वितीय दशिनि

TA 2.2.1

रक्षाँसि हवा पुरोऽनुवाके तपोग्र-मतिष्ठन्त तान् प्रजापतिर्-
 वरेणोपा मन्त्रयत तानि वरमवृणी-तादित्यो नो योद्धा इति तान्
 प्रजापतिर ब्रवीद्यो धयध्व-मिति तस्मा दुत्तिष्ठन्तँ हवा तानि
 रक्षाँस्या-दित्यं योधयन्ति यावदस्त मन्व-गात्तानि हवा एतानि
 रक्षाँसि गायत्रियाऽभिमन्त्रि तेनां भसा शाँम्यन्ति तदुहवा एते
 ब्रह्मवादिनः पूर्वाभिमुखाः संध्यायां गायत्रिया ऽभिमन्त्रिता आप ऊर्ध्वं
 विक्षिपन्ति ता एता आपो वज्री भूत्वा तानि रक्षाँसि मन्देहाऽरुणे
 द्वीपे प्रक्षिपन्ति यत् प्रदक्षिणं प्रक्रमन्ति तेन पाप्मानमव धून्वन्
 त्युद्यन्त-मस्तं यन्त मादित्य मभि ध्यायन् कुर्वन् ब्राह्मणो विद्वान्-

थ॒स॒क॒लं॑ भ॒द्र॒म॒श्नु॒ते ऽसा॒वादि॒त्यो ब्र॒ह्मेति॑ ब्र॒ह्मै॒व सन् ब्र॒ह्मा॒प्येति॑
य ए॒वं वै॒द ॥

38.3 नारायणोपनिषत्

This is a separate upanishad and is different from “Maha Narayanopanishad”. Atharva Rishi who has seen Lord Narayana has conveyed his direct experience in poetic form through “Narayana Upanishad”. It is also called “Narayana Atharva Sheersham” by Scholars.

(No Definite Source available)

ओं । स॒ह ना॑ ववतु । स॒ह नौ॑ भुनक्तु । स॒ह वी॒र्यं॑ क॒रवा॒वहै॑ ।

ते॒ज॒स्वि ना॒वधी॑तमस्तु॒ मा वि॒द्विषा॒वहैः॑ ।

ओं शान्तिः॑ शान्तिः॑ शान्तिः॑ ॥

ओं अथ॑ पु॒रुषो॑ ह वै ना॒राय॒णोऽका॑मयत प्र॒जाः सृ॒जेये॒ति ।

ना॒रा॒य॒णात् प्रा॑णो जा॒यते॑ । मनः॑ स॒र्वेन्द्रि॑याणि च ।

खं वा॒युर्-ज्यो॑ति-रा॒पः पृ॑थि॒वी वि॒श्वस्य॑ धा॒रिणी॑ ।

ना॒रा॒य॒णात् ब्र॑ह्मा जा॒यते॑ । ना॒रा॒य॒णात् रु॑द्रो जा॒यते॑ ।

ना॒रा॒य॒णा-दि॑न्द्रो जा॒यते॑ । ना॒रा॒य॒णात् प्र॑जाप॒तयः॑ प्र॒जाय॑न्ते ।

ना॒रा॒य॒णात् द्वा॒द॒शा-दि॒त्या रु॒द्रा व॒सव॒-स्स॒र्वा॒णि च॒ छ॒न्दा॒७॒सि ।
 ना॒रा॒य॒णादे॒व स॒मुत्-प॒द्य॒न्ते । ना॒रा॒य॒णे प्र॒व॒र्त॒न्ते । ना॒रा॒य॒णे प्र॒ली॒य॒न्ते ।
 ओं । अथ॑ नि॒त्यो ना॒रा॒य॒णः । ब्र॒ह्मा ना॒रा॒य॒णः ।
 शि॒वश्च॑ ना॒रा॒य॒णः । श॒क्रश्च॑ ना॒रा॒य॒णः । द्या॒वा-पृ॒थि॒व्यौ च॑ ना॒रा॒य॒णः ।
 का॒लश्च॑ ना॒रा॒य॒णः । दि॒शश्च॑ ना॒रा॒य॒णः । ऊ॒र्ध्वश्च॑ ना॒रा॒य॒णः ।
 अ॒धश्च॑ ना॒रा॒य॒णः । अ॒न्त॒र्ब॒हिश्च॑ ना॒रा॒य॒णः ।
 ना॒रा॒य॒ण ए॒वेद॑७ स॒र्व ॥ यत् भू॒तं यच्च॑ भ॒व्यं ॥
 निष्क॒लो निर॒ञ्जनो॑ निर्वि॒कल्पो॑ निरा॒ख्यातः॑ शु॒द्धो दे॒व ए॒को ना॒रा॒य॒णः ।
 न द्वि॒तियो॑ऽस्ति कश्चित् । य ए॒वं वे॒द ।
 स विष्णु॑रेव भवति स विष्णु॑रेव भवति ।
 ओमि॒त्यग्रे॑ व्या॒हरेत् । नम॑ इति प॒श्चात् ।
 ना॒रा॒य॒णाये॑-त्युप॒रिष्ठात् । ओमि॒त्येका॑क्ष॒रं ।
 नम॑ इति द्वे अ॒क्षरे॑ । ना॒रा॒य॒णायेति॑ पञ्चा॒क्षरा॑णि ।
 एत॑द्वै ना॒रा॒य॒णस्या॑-ष्ठाक्ष॒रं प॒दं ।

यो ह वै नारयणस्या-ष्टाक्षरं पद-मद्ध्येति ।
 अनपब्रुव-स्सर्व-मायुरेति । विन्दते प्राजापत्यं रायस्पोषं गौपत्यं ।
 ततोऽमृतत्व-मश्नुते ततोऽमृतत्व-मश्नुत इति । य एवं वेद ।
 प्रत्यगानन्दं ब्रह्मपुरुषं प्रणव स्वरूपं । अकार उकार मकार इति ।
 तानेकधा समभरत्त-देतदोमिति ।
 युमुक्त्वा मुच्यते योगी जन्म संसार-बन्धनात् ।
 ओं नमो नारायणायेति मन्त्रोपासकः ।
 वैकुण्ठ भुवन-लोकं गमिष्यति ।
 तदिदं परं पुण्डरीकं विज्ञान-घनं । तस्मात् तदिदावन् मात्रं ।
 ब्रह्मण्यो देवकीपुत्रो ब्रह्मण्यो मधुसूदनों । सर्व भूतस्थमेकं नारायणं ।
 कारणरूपमकार परब्रह्मो । एतदथर्व शिरोयोऽधीते ।
 प्रातरधीयानो रात्रिकृतं पापं नाशयति ।
 सायमधीयानो दिवसकृतं पापं नाशयति ।
 माद्ध्यन्दिन-मादित्यभि-मुखोऽधीयानः ।
 पञ्च-पातको-पपातकात् प्रमुच्यते ।

सर्व वेद पारायण पुण्यं लभते ।

नारायण सायुज्य-मवाप्नोति नारायण सायुज्य-मवाप्नोति ।

य एवं वेद । इत्युपनिषत् ॥

ओं शान्तिः शान्तिः शान्तिः ॥

39 प्रकीर्णाध्यायः

39.1 ब्राह्मण एक होता ।

(TA 3.7.1)

ब्राह्मण एक होता । सयज्ञः । समेददातु प्रजां पशून् पुष्टिम् यशः ।
यज्ञश्च मे भूयात् । 1

अग्निर्द्वि होता । सभर्ता । समेददातु प्रजां पशून् पुष्टिं यशः ।
भर्ता च मे भूयात् । 2

पृथिवी त्रि होता । सप्रतिष्ठा । समेददातु प्रजां पशून् पुष्टिं यशः ।
प्रतिष्ठा च मे भूयात् । 3

अन्तरिक्षं चतुर् होता । सविष्ठाः । समेददातु प्रजां पशून् पुष्टिं
यशः । विष्ठाश्च मे भूयात् । 4

वा॒युः प॒ञ्च॑ हो॒ता । स॒प्रा॒णः । स॒मे॒द॒दा॒तु प्र॒जां प॒शून् पु॒ष्टिं यँ॑शः ।
प्रा॒णश्च॑ मे भू॒यात् । 5

च॒न्द्र॒माः ष॒ड्भो॑ता । स ऋ॒तून् क॑ल्पयाति ।
स॒मे॒द॒दा॒तु प्र॒जां प॒शून् पु॒ष्टिं यँ॑शः । ऋ॒तव॑श्च मे कल्पन्तां । 6

अ॒न्नं स॒प्त॒हो॒ता । स॒प्रा॒णस्य॑ प्रा॒णः ।
स॒मे॒द॒दा॒तु प्र॒जां प॒शून् पु॒ष्टिं यँ॑शः ।
प्रा॒णस्य॑ च मे प्रा॒णो भू॒यात् । 7

द्यौ॒र॒ष्ट हो॒ता । सो॒ऽना॒धृष्यः॑ । स॒मे॒द॒दा॒तु प्र॒जां प॒शून् पु॒ष्टिं यँ॑शः ।
अ॒ना॒धृष्य॑श्च भू॒यासं॑ । 8

आ॒दि॒त्यो न॑व होता । स ते॒ज॒स्वी ।
स॒मे॒द॒दा॒तु प्र॒जां प॒शून् पु॒ष्टिं यँ॑शः । ते॒ज॒स्वी च॑ भू॒यासं॑ । 9

प्र॒जाप॑तिर् द॒श हो॒ता । स इ॒दं स॑र्वं ।
स॒मे॒द॒दा॒तु प्र॒जां प॒शून् पु॒ष्टिं यँ॑शः । स॑र्वञ्च मे भू॒यात् । 10

The Following Mantra is not a part of ब्राह्मण एक होता However during Rudra-Ekadasinis etc the following Mantra is chanted as 11th “upachaara Mantram” after the above 10 Mantras.

हिरण्यपात्रं॑ म॒धोः॑ पू॒र्णं द॒दाति॑ । म॒द॒व्यो स॒ानीति॑ ।

ए॒क॒दा ब्र॒ह्मण॑ उ॒प॒हरति॑ । ए॒क॒दै॒व॒ यज॑मा॒न॒ आयु॑स्तेजो॑ द॒दाति॑ ॥ 11

39.2 नमः प्राच्यै

(TA 2.20.1)

नमः॑ प्रा॒च्यै दि॒शेयाश्च॑ दे॒वता॑ ए॒तस्यां॑ प्र॒ति॒व॒स॒न्त्ये॑ ता॒भ्यश्च॑ नमो॑,
 नमो॑ दक्षि॒णायै॑ दि॒शेयाश्च॑ दे॒वता॑ ए॒तस्यां॑-प्र॒ति॒व॒स॒न्त्ये॑ ता॒भ्यश्च॑ नमो॑ ,
 नमः॑ प्र॒ती॒च्यै दि॒शेयाश्च॑ दे॒वता॑ ए॒तस्यां॑ प्र॒ति॒व॒स॒न्त्ये॑ ता॒भ्यश्च॑ नमो॑
 नम॑ उ॒दी॒च्यै दि॒शेयाश्च॑ दे॒वता॑ ए॒तस्यां॑ प्र॒ति॒व॒स॒न्त्ये॑ ता॒भ्यश्च॑ नमो॑
 नम॑ ऊ॒र्ध्वायै॑ दि॒शेयाश्च॑ दे॒वता॑ ए॒तस्यां॑ प्र॒ति॒व॒स॒न्त्ये॑ ता॒भ्यश्च॑ नमो॑
 नमो॑ ऽध॒रायै॑ दि॒शेयाश्च॑ दे॒वता॑ ए॒तस्यां॑ प्र॒ति॒व॒स॒न्त्ये॑ ता॒भ्यश्च॑ नमो॑
 नमो॑ ऽवा॒न्त॒रायै॑ दि॒शेयाश्च॑ दे॒वता॑ ए॒तस्यां॑ प्र॒ति॒व॒स॒न्त्ये॑ ता॒भ्यश्च॑ नमो॑ ,

नमो गंगा यमुनयोर् मद्ध्ये ये वसन्ति ,
ते मे प्रसन्नात्मा-नश्चिरं जीवितं वर्धयन्ति ,
नमो गंगा यमुनयोर् मुनिभ्यश्च नमो ,
नमो गंगा यमुनयोर् मुनिभ्यश्च नमः ॥

40 ऐकमत्य सूक्तं

(To be chanted as per Rig Vedic Sruti)

(RV 10.12.191)

ओं । सं॒स॒मि॒द्यु॒वसे॑ वृ॒ष॒न्न॒ग्ने॒ विश्वा॑न्य॒र्य आ॑ ।

इ॒ळ॒स्प॒दे॒ समि॑द्ध्य॒से स॒ नो॒ वसू॑न्या॒ भर॑ ॥ 1

सं ग॑च्छ॒द्ध्वं सं॑ वद॒द्ध्वं सं॑ वो॒ मना॑ंसि॒ जान॑तां ।

दे॒वा भा॒गं यथा॒ पूर्वे॑ सं॒जाना॑ना॒ उपा॑सते ॥ 2

स॒मा॒नो मन्त्र॑-स्समि॒ति-स्समा॑नी॒ समा॑नं॒ मन॑स्सह॒ चित्त॑मै॒षां ।

स॒मा॒नं मन्त्र॑म॒भि मन्त्र॑ये॒ वस्स॑मा॒नेन॑ वो॒ ह॒विषा॑ जुहोमि ॥ 3

स॒मा॒नी व॒ आकू॑ति-स्समा॒ना हृद॑यानि॒ वः ।

स॒मा॒नम॑स्तु॒ वो मनो॑ यथा॒ व-स्सु॑सहा॒सति॑ ॥ 4

-----ऐकमत्यसूक्तं समाप्तं-----